

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

36 pes Namba 1062 Wik i stat long Fonde, Novemba 3, 1994. 40 toea

Not Solomons het opis bai go bek long Arawa

Wokim disain o piksa bilong 4-pela niuspepa bilong Word Publishing Kampani na yu bai laki longwanplela bilong dis-pela prais..

Raun antap long Melanisia Discoverer i go long Trobriand I Ailan insait long 7-pela de

Kompyuta mesin bilong yu yet Apple Macintosh LC575 wantaim 5MB RAM 160MB HD CD ROM pilala i kam long Business system

Wanpela Pheem 300litre sola hotwara sistem na tu wanpela Honda jenere-ta EM4500SX i kam long Steamship Hardware

Lukim pes 24 na 25 long kisim moa save

VERONICA HATUTASI i rattim

OL wok i go het nau long muvim Not Solomons edministresen o gavman het opis i go bek long Arawa.

Long las yia i kam inap nau, olgeta wok edministresen long ranim Not Solomons provins i stap long Buka. Bikos long ol samting i go gut nau long Sentrel Bogenvil we Arawa i stap aninit long en, ol bikman i wanbel long muv isi isi i go long Arawa.

Bipo long ol hevi long Bogenvil, Arawa em i provinsal kapitel bilong Bogenvil. Na nau, ol laik kisim ol wok long ranim provins i go bek long stretpela hap bilong em.

Dispela muv i bihainim bung na toktok we ol bikman long edministresen, ol seif na ol lida bilong Bogenvil i holim long Buka long dispela wik. Ol lain ya i glasim na skelim gut ol hevi, sefti na wokabaut bilong ol pablik sevan bipo long ol i oraitim long muvim edministresen wok i go long Arawa.

Ol ripot i kam long Bogenvil i tok long nau, i gat gupela wokbung namel long Bogenvil Revoluseneri Ami, ol sekyuriti fos na ol pipel insait long ol kea senta long Arawa. Olgeta ya i helpim long stretim ples na gupela sindaun i ken kamap bek long Arawa, sentrel Bogenvil na tu long olgeta hap bilong ailan.

Na tu olgeta lain ya i laikim tru long kisim ol gavman sevis i go long Arawa.

Olpela BRA komanda helpim tu long stretim Arawa

Ol ripot i tok wanpela strongpela BRA komanda long bipo, Ismael Toroama, i bungim gut tru ol lain bilong em husat nau i helpim long wok bilong stretim Arawa. Na tu long ol arapela wok bilong bringim gupela sindaun gen insait long sentrel Bogenvil.


Wankain ripot i tok tu olsem planti BRA paitman nau i no laik bihainim lida bilong ol olsem Francis Ona, Joseph Kabui, Sam Kauona na Martin Miriori. Bikos ol i les pinis long pait we i no karim kaikai. Na ol i laik sindaun gut tasol nau.

Olsem na planti bilong ol i wokbung wantaim ol ami, ol sief na ol bikman bilong Bogenvil yet, na ol lain bilong interim atoriti long kamapim gupela sindaun long ailan.

Bihainim ol bung we ol bikman long edministresen na ol Bogenvil lida i holim long Buka, ol i kamaut wantaim tripela strongpela samting long ol i bihainim. Em long:

- Muvim Not Solomons edministresen i go long Arawa;
- Kirapim bek gen Bogenvil Pis Komiti na eksekutiv seketeri bilong em, James Togel; na
- Lukluk na glasim interim politikel straksa bilong provins.

Long toktok bilong kirapim bek Bogenvil Pis komiti, Mista Togel i tok sapos komiti i sanap bek, ol bai bihainim sampela nupela rot. Tasol ol i mas go hetim yet ol toktok bilong painim gupela sindaun na kamapim belisi pasin long Bogenvil, we ol lida i statim pinis insait long ol wanwan distrik.



• Sista Elizabeth Rokepe bilong Katolik' sios i stori long ripta bilong Australian Brodkasting Komisen, Sean Dorney. Dispela em long taim Sista Elizabeth i kam aut long bus long Bogenvil pis konprens long Arawa, tripela wik i go pinis.

Sista i bin hait insait long bus wantaim ol Bogenvil Revoluseneri Ami lida long 6-pela yia olgeta. Insait long bus, Sista Elizabeth i helpim planti famili wantaim liklik marasin em i karim wantaim. Tasol dispela marasin i no inap. Em i stori tu olsem wanpela mama na bebi i bin indai, taim mama i laik karim bebi.

Sista Elizabeth wantaim ol arapela meri bilong Bogenvil Ailan i laikim bal gupela sindaun na belisi i go bek hariap long ailan. *Poto: Veronica Hatutasi.*

DELTA

**STRONGPELA TRU NA INOPILAI NABAUT TRAK...
DABOL KEBIN BILONG DABOLIM PLANTI MOA
MANMERI INSAIT!**

Daihatsu Dan



Ela Motors
OLGETA HAP LONG
PAPUA NIUGINI

PORT MORESBY 229400 • LAE 422322 • RABAU 921988 • MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

Plis RIPOT



HAGEN: Wok long mekim ol sot gan insait long hailans rijon i go bikipela nau.

Ol provinsi plis komisina long faivpela hailans rijon na bos bilong ol Ludwig Kembu i tokaut long dispela samting long dispela wik. Ol i tok sampela lain i wok long mekim ol gan na salim i go long ol krimenel grup long rijon i go' hetim strong ol wok nogut bilong ol. Na tu, long yusim ol gan ya long ol pait namel long ol wan pisin.

Plis komanda bilong Enga Allan Kundi i tok nau long hailans, i gat moa long ol gan ol i wokim yet long ples, winim ol dispela ol i wokim ausait long kantri na ol i baim. Mak em i stap' olsem long olgeta 20 gan ol i wokim long ples, i gat tripela tasol long ol i wokim ausait. Bikipela Namba bilong ol gan samting we ol i wokim long ples i min olsem ol man i strong yet long wokim ol.

Ol bikman long plis i autim tingting bilong ol long kukim ol gan samting taim ol i painim rot long gutpela sindaun. Maski ol yangpela i painim isi long givim bek ol samting bilong pait i go long plis, ol bai wokim ol nupela gan yet ya. Bikos ol save pinis long mekim ol.

Mista Kembu i tok tu olsem long nau, ol i wokim ol katres long sampela ples insait long Simbu provins. Ol pipel yet i wokim ol katres we ol i yusim nau long ol wanpisin pait insait long hailans, em i tok. Plis i holim pasim pinis wanpela man Simbu long em i rong long wokim ol homed gan.

"Em i hat tru long holim pasim ol lain husat i brukim lo long mekim ol samting bilong pait. Bikos ol pipel tu ino laik helpim ol plis long holim pasim ol lain long brukim lo, Mista Kundi i tok moabeta ol i senisim hap lo we i lukautim ol paian o ol samting bilong pait.

LAE, Morobe provins: Wanpela plisman i kamap long ai bilong kot bikos em i rong long stilim sampela samting bilong pait.

Man ya emm Timothy Wani wantaim 45 kris-mas. Em i bilong ples Masandanailong Ango-ram distrik bilong Is Sepik provins.

Plis i sasim em i rong long stilim tripela sotgan long Wewal plis stesen. Tasol ol plis i kisim bek pinis ol sotgan ya.

Kot bilong Wani bai i kamap long Novemba 9. **LALOKI, Sentrel provins:** Foapela man i bagarapim wanpela sumatin meri long las wiken.

Plis i ripotim olsem skul meri ya wantaim 15 krismas i bilong kerowagi hai skul long simbu provins husat i kam malolo long wiken. Foapela man ya i pulim em i na bagarapim em klostu long hausik bilong ol longlong man long Laloki.

Meri ya i stap wantaim famili bilong em na faivpela man Tapini i hensapim famili. Ol i stilim K540 kes mani wantaim tu ol arapela samting moa bilong ol. Orait, ol i kisim yangpela meri ya na bagarapim em klostu long Laloki Wara.

Plis i holim wanpela man Tapini wantaim 19 krismas long dispela rong. ol impainim yet ol narapela husat i ranawe hait yet.

- Hensapim man na stil pasin i go het bikipela long Mosbi nau. Long wanpela rotblok long Gerehu, plis i painim wanpela ka we ol man nogut i stilim na putim gisaman namba plet' long en.

- Plis i ripotim olsem ol i holim pasim wanpela yunivesiti sumatin bilong Is Sepik long em i stilim gan.

- Long narapela rotblok long Gerehu, plis i painim wanpela .38 plis pistol. Pistol ya i lus long plis ka sampela mun i go pinis na ol i painim tasol long las wiken. Em bin gat yet tripela rau katres long en.

Ol komyuniti gavman long Morobe bai kisim moa mani neks ya

PETER BIMARI i raitim

MOROB provinsal gavman i promis long givim moa mani i go long ol komyuniti gavman insait long provins aninit long 1995 baset.

Deputi Primia bilong Morobe na Mema bilong Uimi, James Ibras givim dispela promis i go long gavana bilong 27 provinsal gavman.

Mista Ibras i tok ol komyuniti gavman bai kisim namel long 50'

na 60 pesen long baset neks ya.

Mista Ibras i mekim dispela toktok long Huon Gulf Motel long las wik Fraide. Dispela em long taim em i pasim bung bilong ol komyuniti gavman gavana. Bung bilong ol gavana i bin stap long wanpela wik olgeta.

"Mi amamas olsem i gat namba 3 level gavman. Wok bilong yupela em i gutpela yet insait long kantri.

Komyuniti gavman long

Morobe i soim gutpela piksa long ol arapela komyuniti gavman," em i tok. Na makim Is Nu Briten provins husat i bihainim komyuniti gavman stail bilong Morobe.

"Provinsal gavman i mas mekim sampela senis bihainim ol tokorait bilong yupela long dispela kibung," Mista Ibras i tok.

Em i tokim ol gavana tu olsem wanem senis long i komyuniti gavman bai kam long nesenel gavman, na i no long provinsal gavman.

Ol gavana askim long moa mani

PETER BIMARI i raitim

GAVANA bilong 27 komyuniti gavman insait long Morobe provins i bin stap insait long wanpela bung bilong ol las wik. Bung ya i stap long wanpela wik olgeta.

Insait long dispela bung, ol i kamap long wanpela tokorait. Long dispela tokorait, ol askim long kisim moa gren mani i kam long gavman. Dispela askim wantaim ol arapela tokorait bai Morobe provinsal asempli i kibung pastaim, na bihainim oraitim o nogat.

Nau yet ol komyuniti gavman i save kisim K2,000. Tasol o i laik lukim dispela mani i lusim K2,000 na go antap long K10,000 long neks ya.

Provinsal Minista bilong Agrikalsa Sevis-es, na Mema bilong Garaina, Morokoi Geiwata i sapotim tu dispela askim long komyuniti gavman i kisim moa mani. Mista Geiwata em presiden tu bilong Waria Komyuniti gavman.

Em i tok aninit long mama lo, ol komyuniti gavman i mas kisim moa mani.

I gat save olsem gavman i bin katim mani em ol komyuniti gavman i save kisim.



• **OL fainel ya sumatin blong Creative Arts Faculty long Yunivesiti i wok long soim ol wok long ol long pablik long dispela wik. Long dispela taim bal ol tisa bilong ol i bal glasim ol wok bilong ol i givim mak long ol sumatin, na ol i ken pinisim skul bilong ol. Planti bilong ol sumatin i tok olsem so blong dispela ya i winim tru ol ya bipo, ol sumatin i kamapim planti ol wok i gat stail na i luk gut moa. Tupela fainal ya sumatin James Kandu, long han kais na Wane Tomy long han sut i wok long aigris i stap long wok blong Wane Tomy, husait i wokim sampela haus keten.**

Poto na stori: Roger Joe Kanekane

Senis long PNG no gutpela tumas

Ol dispela ripot i kam long Yunaited Nesens Dvelopmen PRO-GREM ripot. Ol i raitim kamap wanpela buk we i aut nau tasol. Sindaun na laipstail bilong ol pipel long ol Pasifik kantri er; i impruv, ripot i tok. Tasol sampela ripot i no gutpela tumas long PNG.

VERONICA HATUTASI i raitim

PLANTI long ol liklik Pasifik Ailan kantri i bungim ol hevi na salens. Bikos long liklik sais bilong ol. Na tu, ol i stap longwe long wanpela narapela na moa yet long ol bikipela kantri. Na antap long en, planti bilong ol i gat ol kain pasin tumbuna na ol i bruk i go liklik. Tasol maski ol kain hevi i stap, ol liklik kantri ya i mekim bikipela progres long wipruv long laip na sindaun long pipel bilong ol.

Sapos yumi skelim namba bilong krismas we ol pipel long Pasifik i stap laip na skelim wantaim ol arapela kantri long wol, mak bilong yumi long Pasifik i kamap orait yet, Yunaited Nesens ripot i

tok. Long planti ol kantri long rijon, ol manmeri i stap laip abrusim 60 krismas. Long sait bilong ol pipel i save long rit na rait, ripot long ol pipel bilong ol liklik ailan kantri i gutpela. Bikos UN ripot i tok planti ol bikipela manmeri long rijon i ken rit na rait.

Long sampela long ol liklik ailan kantri long rijon, pe we wan manmeri i kisim long wanpela ya taim em i wok i winim 3000 dola mani bilong Amerika. Tasol long planti ol kantri long rijon gen, ol pipel i kisim 1000 dola long mani bilong Amerika. Bikipela hap mani i kam long agrikalsa sekta. Dispela eria tu em i sapotim bikipela hap popule-

sen insait long Pasifik, ripot i tok.

Yusim Humen Dvelopmen mak long skelim go het long ol Pasifik Ailan kantri wantaim ol narapela kantri long wol, 55 kantri long rijon i stap long mak bilong ol lain kantri ol i kolim long "hai humen dvelopmen" mak. Tasol tripela Melanesen kantri olsem Papua Niugini, Solomon Ailans na Vanuatu ino stap long dispela grup. Bikos long nogat inap infomesen, Nauru na Tokelau i no stap insait long wanpela grup.

Mak i soim olsem humen dvelopmen insait long ol liklik ailan kantri long pasifik rijon i sanap gut taim yumi skelim wantaim ol narapela bikipela kantri long wol, ripot i tok. Gen, PNG, Solomon Ailan na Vanuatu i no stap long dispela grup.

Gen, wok go het insait long ol ailan kantri i no stap antap tumas, Fiji tasol em i wanpela kantri long rijon we wok go het bilong em i gutpela moa na stap antap long ol arapela wansolwara kantri pren bilong em.

Bikos long planti ol difren pasin tumbuna i stap, ol pipel i stap longwe long wanpela narapela, sais na we ol wan wan kantri i gro, tripela Melanesen kantri (PNG, Solomons na Vanuatu) i bungim hevi long eria bilong humen dvelopmen.

Long planti ol Pasifik Ailan kantri, gutpela klaimet (kisim gut san na ren) na graun, planti ol pis na ol arapela kaikai bilong solwara i mekim na laipstail bilong ol pipel i gutpela. Narapela bikipela samting tu we i helpim long go hetim gut sindaun na serim gut yus bilong graun em wanpisin sistem. Tasol wanpela samting we ino go gut tumas em, stat yet long taim ol

kantri i kisim indipendens bilong ol, wokmani na pasin bilong kamapim mani bilong ol yet i stap daunbilo yet. Tasol namba bilong ol pipel i go antap.

Long ol Polinesen kantri, ol lain bilong ol husat i wok ovasis i salim mani an ol arapela helpim i go bek long ol pipel bilong ol. Na dispela i helpim tru ol famili na hauslain bilong ol long sindaun gut. Federetet Stets bilong Maikronesia na ol lain Marshal Ailan i painim hat tru nau long laipstail bilong ol bikos Amerika i no moa givim helpim long ol olsem pastaim. Populaesen bilong ol i go antap na i nogat gutpela we long kantri long kisim mani, ripot i tok.

Long lukluk bilong Wol Beng, gutpela ikonmik wok kamap inap kamap long Papua Niugini sapos i gat straksere senis long ikonmik.

WANTOK PO Box 1982 Boroko NCD Papua New Guinea
 Published Weekly, Thursdays, for Word Publishing Co Pty Ltd
 Printed and published by Anna Solomon at Bittern Place, Gordons, at Allotment 2, Section 209, Spring Garden Road, Hohola, for Word Publishing Co Pty Ltd
 General Manager: Ian Fry
 Company Secretary: Vince Ohlinger SVD
 Group Editor in Chief: Anna Solomon
 Editor of Wantok: Leo Wafiwa
 Advertising Manager: Anthony Liou
 Advertising deadlines
 Display bookings: Monday, midday
 Camera ready copy: Tuesday, midday
 Classified advertising: Wednesday 2 pm
 Regional office:
 Suite 7, Haus Tisa, Second Street, Lae PO Box 1726 Lae, Morobe Province
 Phone/fax: 42-0610
 District Manager: Zeph Agal
 Papers distributed by air throughout PNG
 Available by airmail subscription within Papua New Guinea and overseas
 Australia & New Zealand Representatives:
 Tonkin Media Pty Ltd
 PO Box 101 Avoca Beach NSW 2251 Aust
 Sydney, James Tonkin, (043) 85 1746
 Melbourne, Glen Smith, (03) 807 2311
 Word Publishing Co Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at the office of The Times and are set out in full on the reverse side of its official Display Advertising Booking Form

Kot rausim ol Madang memba long gavman opis

YAKAM KELO I raitim

NESENEL kot i rausim pinis olgeta saspended memba bilong Madang provinsal gavman long gavman opis. Na edministreta Wep Kanawi i go het yet long wok bilong em.

Nesenel kot i salim oda i go long ol dispela provinsal memba long las wik long Madang long lusim opis bilong gavman, na givim bek ol samting we i stap aninit long han bilong gavman i go bek.

Ol saspended memba long Madang provinsal gavman i bin harim long ol nesenel memba na loya bilong ol olsem taim bilong ol insait long saspensen i pinis long Jun 12. Na ol i ken go bek long opis.

Taim ol i kisim dispela toksave, ol i go het bek na kisim 4-pela ka bilong gavman na yusim raun. Ol i kisim ka bilong edministreta tu na raun. Na holim liklik

pati bung bilong ol long las mun. Ol i bin askim ol Asisten Seketeri bilong ol divisen long raitim pepa bilong kisim liklik moni bilong wokim liklik amamas pati long kam bek bilong ol long opis. Ol i yusim olsem K350 we ol i mas bekim i go bek long nau.

Ripot i kam insait long Madang opis i tok plis long Madang i kisim kot oda long las wik Trinde na rausim olgeta 4-pela ka ya long ol dispela memba na holim i stap long plis stesin. Ol dispela memba i mas bekim bek tu dispela K350 moni em ol i kisim long wokim amamas pati long dispela taim.

Ripot i kam long Provinsal Ilektrik opis i tok olgeta saspended memba i go bek putim nem pinis na redi long resis wantaim ol arapela kendidet long Madang provinsal ileksen. Namba bilong ol kendidet long dispela ileksen i sanap olsem 135 na olgeta pro-

visel memba long olgeta konsituensi i putim nem bilong ol pinis long resis gen. Tasol wanpela memba tasol em memba bilong Almani; Gorogoro Kopara i no bin putim nem long sanap gen long ples bilong em.

Long las wik, plis long Madang i bin wetim ripot bilong palamen i go long plis komisina long askim Madang plis long muvim ol memba ya i go aut long provinsal gavman opis. Tasol Provinsal Afes na Viles Sevis minista, Casten Maibawa i no bin salim ripot long taim na nesenel kot i bin skelim dispela pasin ol memba i mekim long Madang.

Nesenel Kot i givim oda long ol i go aut long gavman opis na larim Edministreta, Wep Kanawi long go bek insait long opis bilong em na wok bikos ol memba i rausim em long opis na em i go wok long wanpela open rum gavman opis.

400 gred 8 studen nogat skul spes neks yia



Lod Meya David Unagi givim ki bilong ol nupela klasrum i go long Asisten Seketeri bilong NCD Edukesen, Pompiran Kujei.

DANIEL MONA I raitim

FOA handed (400) Gred 8 studen long bavaroko top ap Komyuniti skul long Mosbi bai nogat spes long skul neks yia. Bikos i nogat inap spes long klasrum.

Asisten Seketeri bilong NCD Edukesen, Pompiran Kujei i tokaut long dispela taim em i givim ki bilong ol nupela klasrum na tupela haus bilong ol tisa i go long Edukesen Dipatmen long skul las Tunde.

Lod Meya bilong Mosbi Siti, David Unagi i kamap tu long dispela bung.

Skul i mas kisim K145,000 i kam long NCD. Tasol dispela mani i no kamap yet. Olsem na sampela klasrum em wok i no pinis gut long ol. Na tu haus bilong ol tisa i nogat samting insait long en. Na wok long ol toilet i no pinis yet.

Bavaroko na ol skul long Hohola i mas wanwan kisim K60,000 moa. Dispela mani em long pinisim wok long

ol klasrum bipo 1995 skul yia i stat. Sapos ol dispela i no kamap, ol gred 7 studen i mas go skul long wanpela hap o bai nogat gred 7. Em i tok, "400 studen bai kisim taim na skul bilong ol bai bagarap".

Em i amamas long gutpela sapot ol papamama i givim long dispela taim we kantri i bungim hevi bilong mani. "Mi amamas long tok olsem ol papamama i no sindaun na lukluk tasol. Ol tu i kam insait long helpim long wok bilong skul olsem niuspepa i bin ripot long Koronesen Komyuniti skul."

"Ol papamama i redi long helpim o sapotim. Tasol gavman i mas givim helpim pastaim," em i tok.

Mosbi Not Is Memba na Lod Meya, David Unagi i tok em bai sek .n long ol mani bilong skul i stap we. Na sapos mani bilong ol skul ya i stap na ol opisa i no mekim wok, bai em givim mekim-save long ol. Em i askim tu ol papamama, tisa na studen long lukautim gut ol klasrum na haus bilong tisa.

"Mi mas tokaut olsem mi no givim bikpela mani long ol skul bipo tasol bai mi helpim yupela long mekim skul bilong yupela i luk nais," em i tok.

Mista Unagi givim tripela pasesel buk i go long Siameri bilong Skul Bod ov Menesmen, Margret Loko, na K2,000 i go long skul. Dispela mani em ol studen bilong wanpela klas bai yusim long go lukluk raun long Kens, Australia long mun Desemba.

Misis Loko i tok i nogat spes bilong ol gred 8 studen long neks yia, na em i lukluk long wanem samting Edukesen dipatmen bai mekim. "Mekim dri-man bilong ol skul pikinini i kamap tru, na larim ol i pinisim skul bilong ol," em i tok.

Bavaroko Komyuniti skul em wanpela bilong ol top ap skul insait long NCD, bihainim nupela senis long ol opisa i no mekim wok, kamapim. Dispela yia, skul i gat 4-pela gred 7 klas. Skul i gat 4-pela klas bilong Gred 1, 4, 5, 6, 7 na 5-pela klas bilong gred 2 na 3.

Ahi Komyuniti gavman oraitim 49 projek

PETER BIMARI I raitim

AHI komyuniti gavman long Lae, Morobe provins i givim tokorait long 49 projek long ilektoret long dispela yia.

Long dispela ol i pinisim pinis 5-pela projek. Na narapela 25 projek klostu i pinis taim wok long narapela 23 projek i no stat yet.

Man i lukautim opis bilong Ahi komyuniti gavman, Namung Galang i bin tokaut long ol dispela wok kamap taim em i givim ripot bilong long wanpela kibung bilong olgeta lain i lukautim opis bilong ol komyuniti gavman long las wik.

Nesenel gavman i bin givim K118,000 i go long Lahi Komyuniti Gavman long mekim kainkain wok long 1994. Nau yet ol i gat K90,000 is stap long beng. Em i tokaut tu olsem long dispela yia ol i no bin givim sampela mani long wok bilong lo na

oda. Bikos nesenel gavman i bin tokim ol long yusim mani em nesenel gavman yet i laikim. Olsem na ol i no bin wokim wanpela baset long helpim lo na oda hevi long ilektret.

"Em i wanpela bikpela wari bilong komyuniti gavman bikos hevi bilong lo na oda em i stap yet na nesenel gavman i mas givim mani," Galang i tok.

Nau yet Ahi komyuniti gavman i kisim pinis wanpela hap graun long Malahang Industrial Senta. Galang i tok tingting bilong gavman bilong en em long wokim ol liklik bisnis long helpim samting olsem 8,000 pipel long ilektret.

Em i tok gavman bilong em i wok long painim wanpela ples long putim opis. Em i tok olgeta wok bai kamap gut sapos ol i gat wanpela opis na klak long lukautim opis.

Ahi komyuniti gavman i gat samting olsem 23 wod na ol i gat 8,000 pipel. Em i tok gavman bilong em i save kisim takis long ol sevis em ol i putim olsem maket na ol arapela takis.

Buka plis bai gat nupela opis

ALOYSIUS SAMI I raitim

KLOSTU taim nau, ol plisman long Buka bai gat nupela opis long wok inait long en.

Wok i kamap nau long wanpela nupela opis haus, na klostu bai pinis. Wanpela konstraksen

kampani bilong Rabaul ol i kolim long Southern Enterprise Pty Ltd i wok long sanapim dispela opis. Kampani ya i winim kontrak inap long K170,000 long wokim dispela opis.

Ol bikpela wok long opis haus ya i pinis. Ol liklik wk tasol i stap we klostu bai pinis. Na ol plis-

man i ken go insait na stat mekim gut wok bilong lukautim lo na oda long ailan.

Opis haus ya i stap long Buka taun, klostu tasol long maket.

Nau yet ol plisman long Buka i yusim olpela opis bilong ol em i bin bagarap long taim bilong bikpela hevi long Bogenvil.



WANTOK

NIUSPEPA BILONG OL PAPUA NIUGINI STRET

PNG mas sem

LONG Trinde, ol lain bilong Yunaited Nesen i givim wanpela ripot i go long gavman. Dispela ripot i stori long sindaun bilong ol kantri long Pasifik na ol i skelim tu Papua Niugini.

Dispela ripot i semim stret Papua Niugini. Ol narapela liklik kantri long Pasifik i winim tru PNG long sindaun bilong ol. Ol i gat moa pipel i go skul na i ken rit na rait. Ol i nogat bikpela populesen tumas. I no gat planti pikinini i save dai long taim mama i karim ol.

Orait, watpo na ol dispela liklik kantri i winim PNG? I gat planti ansa bilong dispela askim. Wanpela bikpela samting i olsem, long taim ol i skelim mani, i gat bikpela hap i save go long helpim sindaun bilong pipel.

Ol i putim mani long skul, haus sik, etpos, gutpela wara saplai na ol narapela samting bilong helpim laip bilong man.

Tasol yumi long PNG i no save tingting long dispela kain samting, Nogat. Gavman i save guria na tromoi mani long ol bikpela samting we i no inap tru long helpim laip bilong ol manmeri insait long kantri. Ol dispela samting i no inap long kamapim wok. Wok i kamap sapos ol manmeri i sindaun gut na ol i kisim gutpela save na sindaun bilong ol i stret.

Yumi hop long taim gavman i skelim baset bilong 1995, bai ol i tingim dispela ripot na givim moa mani long helpim sindaun bilong ol pipel. Ol pipel i bun bilong kantri. Sapos ol pipel i no sindaun gut, bai kantri tu i no inap ran gut.

Laikim gutpela sindaun long Bogenvil

Ripota VERONICA HATUTASI i bin stap long Arawa long kibung bilong bringim bek gutpela sindaun long Bogenvil ailan. Kibung ya i no bin kamap. Em i stori long taun i luk olsem wanem nau, na bikpela laik bilong gutpela sindaun i go bek long ailan.

Mi slip dai stret olsem na mi kirap nogut tru taim wanwok na pren bilong mi, Betty Oala, i kirapim mi. Betty em i wok olsem ripota wantaim NBC long Mosbi.

Mi hariap sekim taim na mi lukim em i 4.30 am. Tasol long Arawa, em i tulait pinis. No olsem "Ples bilong Sankamap" tu ya, em Bogenvil Ailan. Bikmoning het, tasol tulait i bruk pinis na san i wok long kamap isi isi long solwara, antap long maunten bilong Arco Motors na sut i kam namel long ol diwai kokonas olgeta long Arawa.

Mi laik slip yet tasol kwiktai mi tingim, tude long moning tasol, mipela bai i lusim Arawa long go bek long wok beis bilong mipela long Mosbi. Olsem na mitupela Betty i kirap long bikmoning olsem long waswas na redi long wokabout i go long epot.

Seksen 19 em hap we mipela ol niulain wantaim tu ol arapela wok manmeri bilong Not Solomons edministresen i slip long en. Ol bikpela haus we mipela i slip long ol em bilong ol lain Bogenvil Kopa kampani wok manmeri na famili bilong ol i stap long en bipo long ol hevi long Bogenvil i kamap.

Samting olsem 27 nius ripota na ol potograpi i stap long Arawa long kisim nius

long Bogenvil Pis Konprens. Bikos hevi long Bogenvil i wanpela samting we planti lain insait long kantri na ovasis i gat intres long en, 16 ovasis ripota bilong Australia, Frans, Japan, Fiji, Tonga na Solomon Ailans i stap. Antap long dispela 11-pela lokol-niulain long kantri yet we i

long brukim nius i go long ol wan wan oge-naisesen bilong mipela long ol i prinim, brotkas-tim long redio na soim long telivisen taim ol top lida bilong BRA olsem presiden bilong Mekamui Ripablik Francis Ona, raithan man na siaman bilong em Joseph Kabui, BRA militeri komanda Sam

bikpela pret long Fraide nait. Olsem kam Sarere moning, mipela i amas long lusim Arawa long go long Buka.

Long taim bilong pis konprens, ol BRA wantaim lidasip bilong ol i mekim tupela strongpela poin bipo long ol i ken kamap long konprens. Dispela em long lukim olsem gavman i garantim sefti bilong ol na i no trikim ol long kamaut na holim pasim ol. Wan long en

Bikos mi na famili bilong mi i bin ekspiriensim hatpela kain laip olsem we ol trabel long Bogenvil i kamapim inap mipela i lusim ples long pinis bilong 1992. Mi holim bek aiwara taim mi tingim hop na bikpela tingting bilong ol pipel long ol i bin ekspektim dispela konprens long go gut. Bikos long ol ki BRA lida i no lusim maunten long kam daun long Arawa na toktok, planti man i lukim olsem konprens



• Bagarap em i bin kamap long Arawa haus sik na stap yet. Poto i soim hap bilong givim sut marasin long ol pikinini.

karamapim Post Courier, The National, Wod Publishing, NBC, EM TV na Komyunikesens Dipatmen i stap tu long karamapim bikpela konprens ya.

Bihain long belo long Sande Oktoba 9, mipela i pondaun long Arawa epot teminel. Dispela em liklik teminel we bipo long ol hevi long ailan, Bogair balus i save pondaun long en.

Pret Bikpela tingting long planti bilong mipela em

Kauona na ovasis mausman bilong ol Martin Miriori i soim pes bilong ol long konprens. Na tekpat long ol pis diskasen wantaim ol arapela wantok bilong ol long Bogenvil. Tasol sori tru, dispela samting i no kamap. Olsem na pis konprens i no go gut. Bikos ino gutpela long holim wansait tok-tok tasol taim ol ki BRA lida i no kamap long givim tingting bilong ol long pinisim pait na kamapim gutpela sindaun wantaim belisi pasin long ailan.

Taim Fraide i kamap na nogat ol BRA lida i kamap long konprens, ol pipel i les. Olsem na ol lain Buka i lusim Arawa long Fraide apinun, Oktoba 15. Liklik lain ripota tu i lusim Arawa long Fraide moning na plai i go long Buka. Planti long mipela i lusim Arawa long Sarere moning, Oktoba 16. Laspela lain long lusim Arawa long Sande em ol Buin, Siwai na Nagovis insait Saut Bogenvil. Sip i kisim ol i go long ol wan wan ples bilong ol bihain em i lusim ol lain Buka, Tinputz, Wakunai na ol Not Wes. Bikos long sampela asua we sampela lain BRA i mekim nabaut long ol meri i kuk long ol konprens, ol lain long Arawa kea senta antap long pis konprens i no karim kaikai, mipela i pilim

em:

• PNG gavman i rausim ol sekyuriti fos long ailan

• Larim Saut Pasifik pis Kiping Fos i stap longpela taim moa ovarim mak long stap bilong ol long Bogenvil.

• Givim Yunaited Nesens mendet long ol pis kipas.

Tasol ol pipel i no wanbel long rausim ol sekyuriti fos long ailan. Bikos ol i tingim ol bikpela bagarap, pen, taim nogut na dai ol i bungim long han bilong ol BRA bihain long nambawan sispai i kamap long 1990 na ol ami i lusim Bogenvil.

Taim liklik 12 sita Airlink balus i lusim Arawa i go long Buka long 8.45 Sarere moning, lewa bilong mi i go narakain olgeta. Bikpela sori i pondaun antap long mi na mi sindaun isi tasol long sia.

Tingting bilong mi i stap long ol pipel bilong mi daunbilo na long olgeta hap bilong ailan. Olsem wanem mi ranawe lusim ol long bungim moa pen, hatpela taim, sori na dai?

Long mi yet, mi no kam long kisim nius long pis konprens tasol. Nogat. Mi bin kam wanpela bikpela hop long konprens bai i go gut na karim kaikai. Na pait i ken pinis long givim sans i go long ol pipel i sindaun gut gen long ol wan wan ples bilong ol

ino karim kaikai. Tasol long planti Bogenvil pipel yet, konprens ya i pulim ol wantaim na yunaitim ol bihain long ol i no lukim ol pren, brata, susa na hauslain insait long faipela yia.

Narapela samting we mi bin kam long en long Arawa em long mi yet i lukim long bilong mi ples i luk olsem wanem. Na wanem samting i kamap long ol taun olsem Arawa, Panguna, Kieta, Loloho na Toniva bihain long faipela yia bilong ol hevi. Bikos ol pis kipas i lukautim tasol 5 kilomita mak ausait long hap bilong konprens, mi no bin gat sans long lukim Kieta, Toniva na Panguna. Lusim Arawa, mipela i raun i go tasol long Loloho.

Orait, taim paillet i kisim balus i go antap lusim epot, mipela i plai long isten sait bilong Arawa. Mi ya mi poromanim gut windua na lukluk i go long ol maunten. Ai bilong mi i laik lukim tru wanem maunten, veli o hil em ol lain ki BRA lidasip i stap long en. Mi tokim Betty, "lukim, antap long wanpela long ol maunten ya ol lain i holim ki long pinisim o go hetim ol hevi long Bogenvil i stap long en." Betty i wanbel wantaim mi na nodim het bilong em. Ah! mi tingting mi yet, sapos wanpela mirakel i i go moa long pes 5

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00

BIABIA GO RAUN LONG SAPAN NA OL LAIN LONG SAPAN I LAINIM EM TOK PLES...



BAGA I TRAI HAT TRU LONG LAINIM OL ARAPELA TOK TOK TASOL I NO INAP TRU... WANPELA TOK TOK TASOL EM I LAINIM GUT TRU EM... MUSI MUSI - HELLO...



NAI BAGA RAUN PINKS LONG SAPAN NA KAMBEK LONG PLES PARADIS, PNG.



TELEPON I RING NA BIABIA I APIM NA TOK HELLO LONG TOK PLES SAPAN...



NEKS DE BAGA I GO WOK...

MAN LONG NARAPELA SAIT I TING BIABIA I TOK... MUSI MUSI LONG EM NA KROS.

Tambu long salim ol skon long Buka maket

Ol skul laik stat kwik long Arawa

VERONICA HATUTASI I rattim

OL meri Buka i no inap salim moa ol kaikai olsem skon, bans, donat na bred long Buka maket. Buka Taun Komisen i bin putim dispela tambu long tupela wik i go pinis.

Long Oktoba 20, taun komisen i salim toksave pepa i go aut olsem ol manmeri husat i save kukim na salim ol dispela kaikai i mas stap.

Helt inspekta tu long Buka, Billy Ketsin, i tok husat manmeri i bikhet na abrusim toksave na go het long salim ol skon, bans, donat na bretsamtang long maket ples bai kisim taim. Bikos ol bai no inap toksave na rausim kaikai bilong ol long maket ples. Antap long dispela, ol bai sasim ol aninit long loa we i karamapim pasin bilong kukim na salim kaikai.

Mista Ketsin i tok ol i putim tambu bikos planti pipel i komplem olsem sampela kaikai olsem skon, bans, donat i no gutpela.

Em i tok tu olsem opis i kisim ripot i kam long dokta bilong katim man long Sohanu olsem planti sikman meri i kisim sik bihain long ol i kaikai ol kaikai we i gat posin long ol.

PROVINSAL edukesen dipatmen long Not Solomons i laik kirapim bek ol skul kwiktam long Arawa. Na ol hap klostu we ol pipel i askim long putim bek sampela kain skul long ol pikinini i ken skul hariap. Bikos long 6-pela yia olgeta ol pikinini i no go skul.

Bihainim dispela, Ekt-

ing Asisten Seketeri long Not Solomons, Tony Tsora, i tok long neks wik, ol bai kirapim ol rihabilitesen klas long Rorovana Komyuniti skul. Dispela klas bai kisim ol pikinini bilong Rorovana namba wan, wantaim ol pikinini long Loloho kea senta.

Long Arawa yet, ol bai

kirapim ol klas long tupela skul. Em long Peter Lahis Komyuniti na Arawa Hai skul. Arawa Hai skul bai kisim ol sumatin long komyuniti, na tu ol dispela husat i bin stap long ol provinsal hai skul taim ol hevi long Bogenvil i go nogut long 1990.

Mista Tsora i tok ol rihabilitesen skul ya i bilong redim ol sumatin long skul neks yia.

Dispela em long sampela skul long sentrel Bogenvil bai op bihain long gutpela sindaun i kamap isi long hap, em i tok.

Tripela tisa long Buka i redi pinis long go long Arawa na Rorovana long helpim sampela tisa bilong Sentrel Bogenvil wantaim wok bilong go hetim skul rihabilitesen program ya. Olsem na Mista Tsora i strongim tu ol dispela tisa long Marai eria insait long sentrel Bogenvil, long kamaut na helpim wantaim wok long kirapim bek skul insait long Arawa.

Long wankain taim tu, sampela skul long provins i redi long go hetim nupela edukesen

rifom o senis. Tasol bihain long provinsal edukesen opis i kisim wanpela sekula pepa i kam long nesenel edukesen dipatmen long stapim pastaim program ya, ol i stap isi tasol wetim tingting bilong het opis.

Mista Tsora i tok pas bilong nesenel edukesen seketeri i tok hevi long gavman i sot long mani i kamapim dispela samting. Em i tok 9-pela skul long provins i redi nau long go hetim nupela edukesen rifom long neks yia. Dispela em long gred seven sumatin i go hetim skul bilong ol insait long sampela ol komyuniti skul long

provins. Long ol dispela 9-pela skul, 4-pela i stap long bikples Bogenvil, na 5-pela long Buka Ailan yet.

Wanpela mausman long nesenel edukesen yunit long Mosbi i tok dipatmen i nogat strongpela tingting long go hetim edukesen rifom long Bogenvil inap gutpela sindaun tru i kamap long ailan.

Dispela em antap long hevi bilong mani we kantri i bungim long dispela taim. Em i tok tu olsem ol klasrum, haus tisa, na ol arapela haus i mas sanap redi pastaim bipo long ol i ken go het wantaim ol nupela senis bilong skul.



• Wanpela Nu Silan soldla husat i memba bilong Saut Pasifik Pis Kiping Fos i sekim ripota Cletus Ngaffkin, bipo em i go insait long kibung long Arawa. Soldla i yusim wanpela hap medal i gat raupela mira long sekim sapos man i karim samting bilong pait olsem nalp, sot gan o pistol.

Ol rot long Bogenvil i fri nau

ROT bilong ka i op nau long ol pipel i muv i go i kam long Bogenvil.

Maski planti pipel i lukim Arawa pis konpren olsem i no go gut, bikos ol bikman bilong BRA i no soim pes. Tasol long ol asples pipel, dispela i bin opim tru rot bilong ol long putim het wantaim long wok strong moa, na painim gutpela sindaun long ailan.

Mekim na nau, ol pipel long Buin na Siwai i ken raun gut i go i kam long tupela eria nau wantaim nogat pret. Wankain tu long Arawa, Wakunai, Tinputz, na Buka rot. Ol pipel i no moa pret long raunim dispela ol rot nau long ka. Tasol taim Arawa Pis Konpren i no kamap yet, ol dispela rot i pas. Na ol man i pret long bihainim ol rot ya.

Ripot i kam long Buka administre-

sen opis long dispela wik i tok long nau, ol pipel long Buin husat i laik kalap long balus i save kisim ka na go long Siwai. Orait long hap ol kisim balus long Tonu na go long wanem hap long ailan na kantri ol laik go long en. Bikos Buin i nogat ples balus we i op yet.

Wanpela bikpela hevi we i stap nau em ol rot i no orait tumas long ol ka ran long ol.

Bihainim dispela, i gat tingting nau long Papua Niugini Difens Fos ensineri batalien long stretim Kieta na Buka rot. Olsem na long las wik, sampela opisa bilong Nesenel Woks dipatmen long Buka i sindaun pinis wantaim ol bikman bilong PNGDF ensineri yunit long toktok long dispela samting. Ol bai statim wok wantaim hap rot namel long Manetai na Wakunai.

Laikim gutpela sindaun long Bogenvil

i kam long pes 4

Kamap long ol BRA lida na ol i lukim bikpela pen ol pipel bilong ol, moa yet ol mama, pikinini na ol lapun i karim, tingting bilong ol inap senis. Dispela i ken gutpela tru. Tasol dispela em ol tingting nating bilong mi.

KWESTEN

Planti ol ripot na toktok we mi kisim long ol pipel long Arawa i mekim aiwara bilong mi i laik pondaun. Tasol mi stap isi. Moa yet ol ripot mi kisim we i tok long ol pipel bilong Eivo, Boira na Kanavitu husat i nogat klös olgeta. Dispela ol eria i stap antap long ol maunten ya. Long abrusim sem bikos long nogat klos, ol meri na man i no moa stap wantaim. Bikos long dispela hevi tasol tu, ol pipel i no moa holim ol sios sevis. Ol wok long haitim bodi bilong ol wantaim ol lip bilong diwai tasol, mi harim. Mi pret na sori nogut tru. Wanem, sapos mi na famili bilong mi i stap long kain situesen olsem, bai i olsem wanem? Na em rong bilong husat ol inosen manmeri na pikinini i karim yet ol kain hevi olsem? Em i rong bilong ol BRA o PNG gavman? Dispela em sampela long ol askim i stap insait long het bilong mi taim mipela i plai i go long Buka. Tasol wanpela samting em ol BRA lida i mas kamaut na sindaun toktok wantaim ol wantok bilong ol long Bogenvil long painim gutpela sindaun.


Na tu, PNG gavman i mas stap insait long ol toktok sapos tupela wantok yet i sindaun pinis na invaitim gavman long toktok wantaim ol.

ARAWA

Bihain long mipela i pondaun long Buka long 9.20 am, tingting bilong mi i sut bek long Arawa. Arawa taun we long gutpela taim i smatpela ples tru. Toptaun bilong Bogenvil Ailan, klinpela taun we yu no inap long lukim wanpela pipia i pondaun nabaut long rot, nogat bikpela pasin raskol, ol manmeri i ken raun long ol strit na rot long nait na ol no pret. Wanpela gutpela pispul ples stret.

Bihain mi raunim gut bikpela hap long Arawa taun, mi painaut olsem planti long ol haus i sanap yet i stap. Tasol bikpela bus, ol diwai na ol rop bus i karamapim ol. Tu, planti long ol feniija long haus i lus. Em ol samting olsem ol bet, matres, sia, kusen na tebol samting. Sampela stov, aisbokis na wasing masin tu i no stap. Tasol long planti ol haus long seksen 19 we mipela i slip long ol i bin gat aisbokis, stov, wasing masin. ekondisen na ol kain samting i wok long pawa i stap yet.

Long Tunde moning Oktoba 16, bipo long konpren i stat, mitupela Betty i raun stat yet long hap we Arawa haus sik i stap long en. Man, paia i kaikaim na memeim



• Wanpela bilong planti haus long Seksen 15 bilong Arawa taun em bus i kamap na karamapim nau. Bikos nogat man i yusim long 6-pela yia olgeta taim pait i kamap namel long BRA na PNG sekyuriti fos.

gut tru main haus sik bilding. Mipela i wokabaut i go insait long hap we ol wod i bin stap long en. Traipela mama bilong bilding ya i hap pondaun i stap wantaim ros bilong paia na ol rop i karamapim ol. Nupela haus sik wing bilong ol pikinini we ol i pinisim bipo long kraisis na stat long yusim i paia tu. Tasol hap bilong ol treni nes i save slip long en i sanap i stap yet.

Orait, mipela i bihainim rot i go bek gen long Arawa teknikel Kolis we ol lain wantok bilong Saut Bogenvil husat i kam long konpren i slip long en. Hap ya i

luk orait. Ol haus na klasrum i sanap gut yet. Mi no lukim wanpela haus i paia long kolis. Ples tu i luk orait bikos ol sekyuriti fos memba i bin kem long hap bipo long ol i muv i go long Loloho. Dipela em long mekim we long ol pis pipas i kam lukautim Bogenvil Pis Konpren.

Bihain long dispela, mipela i draiv i go long Loloho. Loloho i stap gut tasol. Nogat bagarap i kamap long ol bilding na BCL singel akomodesen. Bikos ol sekyuriti fos, restoresens opis na kea senta pipel i stap, ples i luk olsem i gat laip na gutpela sindaun i wok

long kamap long ples klia. Ol bikpela disel teng we i saplaim pawa i go long Panguna, Arawa, Kieta, Toniva na Loloho i sanap gut yet i stap. Wantaim tu ol bikpela kopa teng bilong storim kopa bipo long ol bikpela ovasis sip i kisim i go aut long kantri. Rekriesen hap tasol i kiism bagarap.

Tasol ol bagarap long ol bikpela infrastrakserel bilding bilong kampani, gavman na ol praiwet kampani wantaim tu bagarap long ol narapela samting bai i kostim milien kina long stretim. Dispela em sapos pait i pinis na gutpela sindaun in kamap gen long Bogenvil. Na dispela bai ino ken kamap inap long ol ki BRA lida olsem Ona, Kabui, Kauona na Miriori i kamaut long ples klia na toktok wantaim ol arapela wantok bilong ol long Bogenvil.

Tasol maski, pis konpren i no kamap gut, mi olsem wanpela pikinini Bogenvil i gat hop yet long samting bai i kamap na gutpela sindaun i kamap gen long Bogenvil. Wanem samting i kamap long Oktoba 18 long Arawa taim sampela siefs, 15 BRA komanda, ol sios na meri lida bilong Not na Saut Nasios long Sentrel Bogenvil i sainim wanpela pis agrimen wantaim sampela bikman bilong nesenel na provinsal gavman i givim nupela hop long planti pipel long Bogenvil na ausait.

TU MINIT TINGTING

YUMI NO SAVE KISIM NATING FRIDOM

Long taim PNG i bin kisim independens, i gat wanpela nupela tok i kamap. Nem bilong em FRIDOM. Planti manmeri i ting olsem: "Nau bai yumi fri long ol waitman. Nau bai yumi no moa stap aninit long ol Australia. Nau bai yumi yet i ranim ol bisnis na kot na bosim ol beng na mani." Sampela pipel tu i bin ting bai yumi no mas wok; yumi bai fri na ol samting bai kamap nating long han bilong yumi.

Tasol yu go askim ol dispela sem pipel tude: "Yupela ting wanem long friidom na bihain long 15 ya independens?" Ating bai ol i tingting planti na ol i no hepi tumas long dispela friidom bilong ol.


Mi gat wanpela stori i soim dispela poin. I gat wanpela yangpela saveman i winim ol yunivesiti na bikskul. Em i lus olgeta long dispela aidia bilong friidom. Long tingting bilong em, olgeta manmeri na olgeta samting i mas kisim friidom tasol.

Orait, long wanpela de em i limlimbur long strit bilong taun. Em i lukluk i go insait long windo bilong wanpela haus. Hia em i lukim wanpela liklik kalakala pis

bilas i swim insait long wanpela bikpela botol glas. Bel bilong saveman ya i sore long liklik pis ya i kalabus i stap olsem. Saveman i tok, "Bai mi givim friidom long yu, trangau liklik pis." Orait, nau em i tromoim wanpela ston i go insait long haus na i brukim botol ya. Nau olgeta wara i ranawe na liklik pis i dai long friidom em i bin kisim.

Saveman i wokabout i go moa na insait long narapela haus em i lukim wanpela liklik kalabus waia, na wanpela naispela pisin i stap insait. Man ya i taitim han i go insait long rum, na i opim dua bilong liklik kalabus na i tokim pisin olsem: "Tarangau, liklik pisin, na yu fri." Pisin i flai i goaut long haus na wantu wanpela tarangau i lukim. Em i hetwin i kam daun na kisim liklik pisin i go na i kaikai. Yesa, dispela liklik pisin tu i dai long friidom bilong em.

Long taim bilong independens, i planti pipel i bin ting bai olgeta samting i kamap fri long han bilong ol nau. Dispela samting



FRANK MIHALIC i raitim

ya ol i kolim independens, em bai givim nating long ol. Sore, ol i no save: friidom em i no fri.

Yesa, friidom i min: nau yu inap go long olgeta hap bilong kantri. Tasol bai yu no go fri; yu mas baim rot. Friidom i min yu inap gat lektrik lait long haus na mambu i bringim wara a ges i laitim stov.

Tasol ol i no fri; yu mas baim. Kwiktaim ol skulboi na skulmeri i save painimaut olsem bihain ol i

greduet pinis, kaikai i no moa kamap fri long tebol bilong ol. Ating insait long skul ol i bin komplek long kaikai. Nau ol i fri long kaikai pis na sips na Coca Cola na bisket na mit pai na tin pis - sapos ol i gat mani long baim. Long taim yumi aut long skul, kaikai i no save kamap fri.

Nau mi laik wanpela stori bilong man i save kisim ol samting fri. Wanpela hetmen i sanap long ai bilong bikpela lain man na i tokim ol olsem, "Yupela ol man i laki tru. Inap long yupela i dai, yupela i no mas wari liklik long kaikai. Triplea taim long olgeta de, kaikai bai kamap nating long plet bilong yupela.

"Yupela i laki tru. Oltaim yupela i gat gutpela haus na bet. Sapos yupela i laik wok gaden o pilai spot, yupela i ken. Sapos yupela laik malolo tasol, yupela i gat planti taim moa. Yupela inap kisim skul fri. Inap yupela i lapun pinis, yupela i no mas wari. Mipela bai lukautim yupela gut inap yupela i dai. Planti manmeri i mangalim yupela long ol dispela gutpela samting i kamap nating long han bilong

yupela. Yesa, yupela i laki moa." Man i bin givim dispela toktok, em i wanpela odeli. Ol man i harim em, ol i stap long kalabusman. Toktok, bilong em i tru olgeta. Tasol ol kalabusman i no hepi long en. Watpo? Bikos ol i no fri.

Sapos yu laikim ol samting i kamap nating, orait, yu go joinim ol kalabusman tasol. Tasol yu mas givap long friidom bilong yu.

Martin Luther, man i bin statim Luteran Sios, em i bin tok olsem; "Kristen em i man o meri i fri olgeta, i no gat wanpela inap bosim em. Tasol Kristen man o meri em i wokboi bilong olgeta arapela manmeri na em i aninit long ol."

Dispela aidia i bihainim 1 Pita 2:16 we i gat dispela tok, "Yupela i no ken ting olsem: 'Nau mipela i stap fri' na yupela i go mekim olkain pasin nogut. Nogut . . . Yupela i mas pret long God na aninit long em. Na yupela i mas givim biknem long king (gavman)."

Yumi save stap fri, bai yumi inap mekim olkain gutpela wok. Em i Kristen tingting bilong friidom.

Semina kliam tingting bilong ol yangpela man

MOA long 30 yangpela Katolik man na nameri bilong Goroka daiois i bin stap insait long wanpela semina em ol i bin toktok long sampela samting em i save kamapim hevi long laip bilong ol.

Ol i bin holim dispela semina long wanpela wik na toktok long wok kamap bilong ol man long komyuniti. Ol lain bilong Katolik Komisn bilong Pis na Developmen i bin holim dispela semina. Dispela bung i bin kliam tingting bilong ol man long gutpela tingting long developim man long gutpela pasin kristen.

Kain samting olsem skul, rot, bris na haus sik em i gutpela. Tasol bikpela tru em long developmen bilong ol pipel.

Samting i pasim dvelopmen

Mipela ol yut i laik tokuat olsem mipela i no laik wokim ol samting em i no gutpela long komyuniti olsem smokim mariwana, dring bia, wokim pasin pamuk, kisim bel long liklik yet na sik taim i no gat wok.

Mipela i laik strongim lo bilong tumbuna em i save banisim komyuniti long ol kainkain pasin, nogut bilong dispela

graun. Ol pasin tumbuna em i toktok long helpim ol tarangu man long ples long stretim sindaun bilong ol.

Singaut long kam bek long ples

Mipela i les long lukim ol yangpela i kisim bagarap long lo na oda hevi bilong taun na siti. Yupela painim wanem long taun na siti. Matmat bilong mipela long ples i wok long go bikpela, planti dai man wantaim bokis i wok long kam long ples.

Mipela i gat gutpela wara, planti kaikai na i gat planti graun long wokim haus. Mipela i no bilip long ol samting em ol arapela i save stori long laip bilong taun. We i gat gutpela ol sevis olsem rot, skul na haus sik. Sapos dispela i tru, bilong wanem na yupela i save kam long kopin?

Lewa bilong mipela i save bruk taim mipela i lukim ol lain bilong mipela i dai long taun. Dispela ples em ol i dri-man long kisim gutpela ol samting na sevis. Mipela i kra i putim graun long pes long soim sori bilong mipela.

Mipela i sori tru taim mipela i harim olsem yu stap long kalabus bikos yu wokim rong. Wanem rong i mekim? O yu painim taun laip i hat long yu. Bilong

wanem na ol dispela hevi i wok long kamap long yu? Mipela i laik lukim yu long ples.

Mipela i no laikim tu pasin bilong trabel pait, kilim nating narapela man, baim meri long bikpela mak bilong mani na singaut long komensesen.

Nogat wok

Mipela i no laikim tu pasin bilong wantok sistem painim wok. Mipela i pilim pinis hevi bilong wantok sistem. Mipela i askim ol bikman bilong gavman na kampani long kisim gut man long wok bihainim stretpela pasin na i no kisim ol taim ol i givim yu krisim yu long mani na samting." Dispela kain pasin i no gutpela.

Kompesesen na trabel pait

Mipela i no laikim tru pasin bilong singaut long kompensesen na trabel pait. Mipela i laikim ol lida bilong ples na ol famili long painim arapela rot long stretim ol hevi na kamapim belisi. Tok sori i mas kam stret long lewa bilong man. Olgeta lida na ol pipel long ples i mas i gat rispek long wanpela na arapela na stap long gutpela kristen pasin.



Ol mama meknais long Don Bosco • Moa long 1,000 Katolik mama long kantri i bin bung long Mosbi long mun Oktoba long wanpela bikpela semina, we i lukluk long strongim wok bilong ol meri. Long taim bilong kibung, ol mama i go singsing tu long Don Bosko Teknikel Koles. Poto long antap i soim ol mama bilong Is Sepik i meknais wantaim tumbuna bilas bilong ol. Na poto long aninit i soim ol mama na yangpela meri bilong Mount Hagen Katolik Wimens Asosiesen singsing grupl. Ol poto: Michael Sogoromo

Katolik Karismetik bung kamap gut long Vanimo

VERNOICA HATUTASI i raltim

KATOLIK Karismetik Riniwal (CCR) konprens we ol i holim long Vanimo, Sandaun provins long las wik i go gut tasol. Konprens i stat long Oktoba 21 na pinis long de namba 29.

Siaman bilong CCR, Dokta Lucas Chang i tok planti pipel tru i bin amamas long kamap long ol skul na reli bilong ol, we ol i holim long tupela hap. Namba wan hap em long ol skul sesen. Dis-

pela em ol i holim long faivpela nait long Holi Roseri Ketitrel long Vanimo taun. Long wan wan nait, samting olsem 500 pipel i bin kamap long skul sesen. na ol i laikim tru long kisim save long wok riniwal.

Orait, ol bin holim ol prea reli long foapela nait. Dispela i kamap ausait long pilai graun. Samting olsem wan tausen kristen pipel i kamap long wan wan nait.

Bisop bilong Vanimo yet, Reveren Cesare Bonavento, i singautim Dokta Chang long stap long dispela konprens. Na givm skul bilong wok riniwal long ol pipel bilong Vanimo daiosis. Tupela lida bilong CCR long Mosbi tu i go wantaim em. Tupela em long Elizabeth Kandrun na James Paul. Ol i memba bilong Kerismetik Preia Grups Frateniti long Mosbi.

Long Sande Oktoba 30, Bisop Cesare i tenkim Dokta Chang na lain bilong em long kisim CCR i go.

500 yangpela bai amamasim yut de

EDDIE SAUNDERS na DANIEL MONA i raltim

MOA long 500 Katolik yut long Asdaiosis bilong Mosbi bai bung dispela wiken stat long Fraide Novemba 4 i go inap long Sande 6. Dispela em long makim Katolik yut de. Selebren bai kamap long Sivarai Namona na Dela Salle Hai skul.

Bai gat planti kainkain pilai oslem tumbuna singsing, gospel nait na spot.

Program bai stat long Fraide nait gospel nait. Bai ol yangpela i soim long drama na singsing bilip bilong ol.

Long Sarere bai ol pilai bilong bai bai kamap. Dispela bai kamap long Della Salle en bai pilai resis salensim dinari.

Husat i win bai kisim prais na sil bilong Asbisop Sir Peter Kurongku sil.

Mosbi asdaiosis i gat 4-pela dinari o eria. Wan, tu na dinari i stap insait long siti.

Na dinari 4 em ol peris ausait long NCD baundri. Ol ples olsem Kuriva, Ereigaina, Kep Rodni na Popondeta i stap long

dinari 4. Las yia ol i winim sii bikos long gutpela pilai bilong ol.

Tupela wik i go pinis ol i makim ol pilai bilong ol long Moreguina. Na i gat bikpela bilip long kisim spot sil i go bek long Rigo na Abau distrik bilong Sentrel provins.

Popondeta i stap aninit long Mosbi asdaiosis tu. Tasol ol i stap longwe tumas na planti taim ol i no save kamap long amamas o ol bung bilong ol yut, na ol arapela samting bilong Mosbi asdaiosis. Dispela taim tu bai ol i no inap long kamap.

Balus na sip tasol ol i kam. Inogat rot i bungim Mosbi na Popondeta.

Dispela bung wantaim pilai na amamasim i bin stat long 1986 yet. Na i save kamap long olgeta yia. Na i save bringim wantaim olgeta yut insait long Mosbi asdaiosis.

Bung bilong dispela yia bai kamap aninit long nem: "the need of conversion in following christ". Astingting bilong yut ministri em long bungim ol yut

Katolik yut lida, na mekim ol i bung wantaim ol arapela, na kamapim misen stetmen bilong sios.

Tasol katolik yut kaunsil i save painim hat long kisim sponsa long planti gutpela wok ol save mekim.

Yut siaman Gabriel Maroa i tok long las Sande. na long dispela em i amamas na Katolik yut long Mosbi i moa ogenais long olgeta yut insait long kantri. na gavman i mas luksave long ol na givim moa helpim.

Em i tok olgeta kain program i kamap na wanem kain man meri i gat long helpim ol yut long speritual o long kain pasin bilong skulim kirapim ol yut yumi long Katolik i save mekim.

I skul bilong gutpela kristen lida, i skul bilong wok bisnis, i gat skul bilong pasin bilong gavman, na ol kainkain skul o program yumi save givim tasol ol lain long gavman na ol lain lukautim yut mani na projek i no save, Gabriel i tok.

Bungim mani long Don Bosco

LONG dispela wiken Sarere Novemba 5, wanpela fan resing bai kamap long Don Bosco Teknikel skul long Badili, Mosbi. Dispela em long bungim sampela mani long helpim go hetim Santu Peter ToRot Memorial Sios long Is Nu Briten provins. Na tu long redim wokabaut bilong Pop John Paul II i kam long Papua Niugini long santuim Peter ToRot long mun Janueri neks yia.

Fan resing ya bai gat long en ol

grup i singim ol singsing bilong kris-mas aninit long lait bilong ol kendel. Long tok Inglis, ol i kolim dispela "Carols by Candlelight."

Ol singsing ya bai stat long 3 klok na pinis long 5 kilok apinun. Long ol bikpela man long go long dispela samting, ol bai baim K2 tiket. Na 50 toea long ol pikinini.


Wanpela grup long Mosbi we ol i kolim long Konprens bilong Wimen Rilijes i ogenaisim dispela fan resing.



TOYOTA DYNA

THE TOUGHEST MIDDLEWEIGHT TRUCK IN ITS CLASS

Built Tough, Toyota Dyna Trucks give you an excellent choice, with either petrol or diesel power, long or short wheel base, cab/chassis, flat bed, dump truck and the latest styled extra-wide cab with mighty 3.7 lt. direct injection diesel power. We also offer a wide range of Dyna Special Purpose Vehicles, including Agitator Trucks, Fuel Tankers, Panel Vans, Crane Trucks, and Refuse Collector Trucks. When it comes to the Middleweights, you can't beat Toyota Dyna.



 TOYOTA

Ela Motors

PORT MORESBY 229400 • LAE 422322 • RABAU 921988 • MADANG 822188 • GOROKA 721844 • MT HAGEN 521888 WEWAK 862255
KAVIRING 942132 • KIMBE 935155 • TABUBIL 589060 • VANIMO 871254 • PORGERA 579367
ALOTAU : WALTERS WORKSHOP PH 611174

Bom kilim yangpela niusman long Rasia

OL LIKLIK NIUS

WANPELA yangpela niusman long Rasia i bin dai long niusrum bilong em taim em i laik opim wangepela sutkes na bom i pairap na kilim em. Yangpela niusman ya em Dmitry Kholodov na em i save raitim nius wantaim Moskowsky Komsomlets niuspepa long biktaun bilong Rasia, Mosko.

Bos bilong Moskowsky Niuspepa (Edita), Pavel Gusev i tok nius ripota bilong em i dai long han bilong ol ami bilong Rasia. Bikos em i save long wanem kain stori niusman ya i wok long raitim we i kirapim belong long ol ami opisa. Minista Gusev i tok Kholodov i bin raitim ol nius we i go insait moa long painimaut sam-pela asua bilong ami bilong ol toktok i kamap long em Federel Kaunta Bilalijen Sevis i wok long trenim ol spesel niusman grup. Dispela grup bai wok long painim ol Mafia grup. Na tu long kilim na holim pasim sampela lain husat i gat nem long pasin raskel. Na tu long traim brukim gavman o kantri.

Tasol Minista bilong Difens, Grachev i tok dispela toktok i no tru. Minista i tok bos bilong niuspepa ya i toktok olsem bikos long bel-nevi na wari bilong em long dispela hevi long niusman bilong em.

Nius ripota, Kholodov i bin kisim toksave long wangepela man husat em tupela i save salim ol wari i go i kam long go


kisim wangepela sutkes we i gat ol pepa bilong ripot long wok bilong ol ami i stap long en. Man ya i lusim dispela sutkes i stap long wangepela hap we tren i

save go stap long en na niusman ya i go kisim. Em i karim sutkes ya i go bek long opis bilong em. Taim em i traim opim, bom i bruk na kilim em. Na

arapela niusman tu insait long opis tu i kisim bagarap.

Bos bilong niuspepa kampani ya i tok blut bilong Kholodov long

arere bilong glas na ol hap palang samting long niusrum bai stap olsem long ol i ken tingim dispela yangpela niusman bilong ol.



• (Antap) Kwin Elizabeth I wokabaut na sekim ol ami bilong Rasla taim em i raun i go long hap.

• (raithan) Ol man i belhat na tromol ston ol opisa bilong trenspot taim trenspot i stapim ron bilong ol tren long biktaun bilong India long Bombay.

JOB OPPORTUNITIES ON CRUISE SHIPS

5,000 Employments in the Caribbean

Positions available:

- Administrative Staff
- Dining Room Staff
- Shop Staff
- GP-Repairmen
- Hostesses
- Bellboys
- Receptionists
- Cruise Staff
- Electricians
- Waiters
- Seamen
- Cleaners

and many other positions. Previous experience not required for all positions. We are looking for applicants between 18 and 40 years old.

Salaries:

US \$ 10,000 -US \$ 30,000 /year

Additional Benefits:

•Modern cabins and excellent food free of charge •Tax Free Salary •Extra bonuses •Free training. *If you are interested in a well-paid job on a cruise ship, fill the coupon and send it to:*

SEA CRUISE ENTERPRISES

P.O. Box 2635, Balboa Ancon Panama, Rep. of Panama

ENGLISH BLOCK LETTERS PLEASE Mr. Mrs. Miss.

Name _____

P.O. Box/Address _____

Age _____

City: _____ Country: _____ P.2



i kam long las wik !!

* Sapos binatang nogut bilong sik tetanes i go insait long bodi bilong mama husait i no bin kisim sut, bai mama inap long dai.

* Olgeta meri husait inap long karim pikinini i mas kisim sut bilong pasim sik tetanes. Olgeta meri husait i gat bel i mas kisim dispela sut tu. Dispela bai pasim mama na pikinini long kisim sik tetanes.

* Sapos meri i no bin kisim dispela sut bipo, em i mas kisim namba wan sut long taim em i gat bel. Foapela wik bihain em i mas kisim namba tu sut. Dispela namba tu sut em i mas kisim tupela wik bipo long em i karim.

Mama mas givim susu long pikinini

Em i mas kisim namba tri sut bihain long sikis mun o wan yia o long taim em i gat bel gen.

Ol dispela tripela sut bai was long bodi bilong mama na pikinini inap long faivpela yia samting. Tasol olgeta pikinini i mas kisim sut bilong pasim sik tetanes bipo long ol i winim wangepela krismas.

Ol mama husait i kisim pinis olgeta tripela sut bilong pasim sik Tetanes mas kisim wangepela sut tasol long taim ol i gat bel gen.

* Sapos wangepela meri o mama i kisim faivpela sut bilong pasim sik tetanes, em i gat strong long pait wantaim dispela sik inap long em i pinis long karim pikinini. Wanem pikinini em karim bai i gat dispela strong inap long wangepela wik.

Pekpek Wara

Ol bikpela toksve

1. Sik pekpek wara inap kilim pikinini bilong wanem planti wara tumas bilong bodi i lus. Olsem na pikinini i pekpek wara, i mas dring planti wara.

2. Taim pikinini i dring susu bilong mama yet na em i pekpek wara, mama i no mas rausim em long susu. Larim em i dring susu yet.
3. Pikinini husait i pekpek wara i mas kaikai planti long strongim bodi bilong em.
4. Kisim pikinini i go long haus sik sapos pekpek wara i kamap bikpela o sapos pekpek wara i stap moa long tupela wik, o sapos i gat blut

5. Long taim sik i pinis, pikinini i mas kaikai planti olgeta de inap long tupela wik.
6. Givim ORS long pikinini husait i pekpek wara na i no arapela marasin. Larim dokta, yet i skelim pastaim na tok-save long yu.
7. Pikinini i no inap long pekpek wara sapos em i dring susu bilong mama, moa long neks wik !!

Taim bilong pikinini long kisim sut

Sut	Sik	Krismas	Hamas	Taim
BCG	TB	Mama karim	1	-
Triple Antigen	Huping kof Tetanes Dipteria	1 mun	3	1 mun
Sabin	Polio	1 mun	3	1 mun
Pigbel (Hailans)	Pigbel	1 mun	3	1 mun
Hepitaitus B	Hepitaitus B	Mama karim		4-pela wik namel long namba wan na namba tu sut. Tupela mun namel long namba tu na tri sut Misels.
Misels	Misels	5 mun	1	

• Ol dokta long Inflan i askim gavman long apim takis long ol kampani bilong wokim smok. Dokta Sandy Macara bilong Britis Medikel Asosiesen i tok ol i painimaut olsem smok tasol i kamapim olsem 30 sik long bodi bilong man, na i mekim ol i dai.

Em i tok namel long tripela man i save smok, wangepela i save dai long olgeta yia. Na dispela i soim olsem gavman i mas wok strong tu long daunim hevi bilong smok insait long kantri.

Dokta Macara i askim gavman long apim takis i go antap taim Britis gavman i sindaun long wokim baset long neks mun.

• Wangepela televisen kampani i tokaut olsem ol i manmeri i stat komplem long ol kain piksa program bilong ol bikpela manmeri i no moa kamap long televisen.

Independen Televisen Komisn long Inflan i tok ol bin kisim pinis 579 komplem i kam long ol manmeri long ol i laik lukim gen ol muvi piksa olsem stori bilong ol bikpela manmeri, na ol kain piksa bilong pait o plis i ranim raskel.

Gavman i bin stapim ol dispela kain muvi program long i no ken kamap long televisen. Bikos dispela i wok long skulim ol pikinini long pasin nogut.


Tasol televisen kampani ya i tok ol manmeri husat i wok long komplem long soim ol dispela kain piksa gen i wok long kamapim moa komplem yet. Na moa yet bikpela manmeri i wok long salim pas na ring long dispela samting i mas kamap long ol muvi program.

• Wangepela lapun man husat i gat 34 krismas wantaim meri bilong em husat i gat 39 krismas i bin dai long wangepela ges haus long Sandown long Gret Briten. Ripot i tok sampela lain i sutim tupela long naip na tupela lapun ya i dai long dispela taim yet. Plis i holim pinis wangepela man. Na i wok long askim em i stap long dispela birua.

• Royal Koles ov Nesing long Gret Briten i wok long painimaut olsem planti meri long wok bilong nes insait long ol haus sik i no save kisim gutpela pe long potnait. Dispela wok painimaut i winim sapot bilong planti manmeri husat i sapotim wok bilong ol nes long lukautim na helpim ol sik manmeri long haus sik.

Dispela wok painimaut i soim olsem olgeta sista na nes husat i save wok long ol haus sik i save kisim liklik pe tumas.

• Wangepela lapun pailot bilong balus husat i gat 39 krismas i bin ran long liklik balus bilong em long tupela taun insait long Frens. Dispela em taim ensin bilong balus i stap na pundaun i go daun long solwara.



• Ol lain asples long Haiti i holim bikipela mas na kukim haus bilong mama bilong wanpela ami opisa bihain lon g ol i harim olsem dispela ami opisa i laik traim long holim wanpela komyuniti lida bilong ol, Fater Aristide.

Ol skul tisa long Ingran kisim hetpen

OL skul tisa long Ingran i save kisim hetpen tru long stretim hevi bilong ol skul pikinini wantaim papamama bilong ol.

Wanpela wok painimaut bilong Yunivesiti ov York i kamapim ripot olsem planti skul tisa long komyuniti na hai skul i save hetpen tru long toktok wantaim ol pikinini, husat i gat hevi na i no save skul gut.

Ol tisa i save abrusim wok bilong ol na kamap olsem sosel woka, we ol i save traim long toktok wantaim mamapapa bilong ol pikinini long wanem as na pikinini i no save sindaun gut long klasrum.


Ripot ya i tok planti papamama i save gat hevi bilong dring spak, smok nogut, kros pait na brukim marit. Dispela i save bagarapim gutpela sindaun bilong pikinini. Na planti pikinini i no save sindaun gut long lainim samting long skul.

Dokta Rosemary Webb i tokaut long ripot bilong em olsem planti skul tisa em i tok tok wantaim i gat bikipela het en na save bungim sik bikos het bilong ol i no save stap gut long wok bilong ol stret. Ol i save karim hevi bilong mamapapa tu long stretim ol pikinini bilong ol long sin-

daun gut long klasrum, na lainim gut samting.

Ripot ya i tokaut long wanpela manki husat i sindaun long klasrum wanpela taim na i no longtaim em kalap kalap i go ausait long klasrum na pinis long röt bilong ka. Tisa bilong em i traim long bungim mamapapa bilong em i kam na toktok wantaim ol. Na painimaut olsem papamama bilong pikinini ya i brukim marit pinis na stap longwe long narapela.

Dokta Rosemary Webb i askim gavman long givim moa mani i go insait long strongim opis bilong sosel woka, bai ol i ken wok klostu long dispela kain hevi. Na dispela i ken daunim ol kain hevi em ol skul tisa i wok long bungim nau wantaim ol skul pikinini, bikos long hevi bilong ol mamapapa.



• Prins Joachim bilong Denmak i kam aut long wanpela bikipela hul aninit long graun we ol bal opim long 1996 long i go i kam long em long biktaun bilong Kopenhagen na meinten bilong Yurop. Dispela rot aninit long graun ya i olsem 7.4 kilomita.

OL WANSOLWARA NIUS

FIJI: Pasin bilong painim rot long stapim sik nogut AIDS na ol arapela STD sik olsem gonoria na sifilis i as bilong wanpela woksop we moa long 40 sios lida bilong Pasifik rijon i sindaun long em long Suva, biktaun bilong kantri Fiji.

Taim ol i opim dispela woksop, Minista bilong Helt long Fiji, Seruwaia Hong Tiy, i askim strong ol sios long Pasifik long painim rot long stapim dispela sik i noken go bikipela.

Ms Hong Tiy i tok sik AIDS i givim bikipela salens tru long mipela olgeta pipel long dispela graun. Olsem na mipela i mas wok bung wantaim long traim stapim. Sik ya i save kalap i go long narapela manmeri long taim ol i slip wantaim. Na husat long tupela i gat dispela sik i ken givim i go long narapela. Olsem na Ms Hong Tiy i tok em i hat tru long stapim AIDS i kalap i go long ol arapela pipel. Em i askim nau ol lain husat i stap long bung long glasim na skelim gut ol samting i karamapim sik ya. Na traim long stapim bipo planti hevi long dispela sik i kamap long rijon. Na dispela i ken bagarapim wokbung wantaim amamas na tumbuna pasin bilong ol pipel.

Woksop ya i kamap long paitim toktok na painimaut moa gutpela rot bilong strongim ol sios long rijon long stap insait long wok bilong daunim sik AIDS. Na tu long lukautim ol manmeri na pikinini husat i kisim pinis dispela sik.

FIJI: Fiji i gat moa long 500 soldia i wok wantaim Yunaited Nesens Pis Kiping fos long Lebanon, Midel Is. Antap long dispela, em i gat moa soldia i wok wantaim Malti Nesanel Fos o soldia bilong ol ovasis kantri husat i wok bung wantaim long Sinai na Kuwait. Sinai na Kuwait em narapela tupela kantri long Midel Is.

Stat yet long 1978, Fiji i save salim ol soldia bilong em i go long Midel Is long lukautim gutpela sindaun wantaim long ol arapela soldia bilong Yunaited Nesens na Malti Nesanel Fos.

Orait, long las wik, Presiden bilong Fiji, Ratu Sir Kamisese Mara, i kamap long Lebanon long lukim ol lain soldia bilong em. Em kaikai belo kaikai wantaim Presiden bilong Lebanon, Elias Hrawim, bipo long em i go inspektim 526 soldia bilong em husat i wok wantaim Yunaited

Nesens Pis Kiping fos long Saut Lebanon.

Ratu Kamisese Mara i mekim dispela lukluk raun wantaim 13 arapela bikman bilong Fiji gavman.

AMERIKEN SAMOA: Planti nambis long Amerika Samoa i gat hevi long solwara i karim graun. Bikos ol pipel i no tokorait na kisim wesana long nambis. Ripot i kolim dispela olsem 'wesana maining'.

Ripot i tok bos bilong Dipatmen bilong Paks na Rekriesen long Ameriken Samoa, Junia Seui, i no amamas long planti pipel i no kisim tokorait na i wok long rausim wesana. Bikos dispela i mekim hevi long taim solwara bruk i kam long nambis, na karim graun i go bek. Bikos i nogat inap wesana long mekim solwara i stap klin oltaim.

Em i tok tu olsem gavman i bosim graun namel long nambis na solwara. Na moabeta em i gutpela long ol pipel i putim toksave bipo ol i kisim wesana long ol nambis.

IS TIMO: Gavman bilong Indonesia i bin tokorait long ol nius ripota long kisim visa o tokorait pepa na go long Is Timo. Dispela em long bihainim wanpela Nu Silan palamen grup i bin go lukluk raun long Is Timor long dispela wik.

Planti strongpela toktok i bin kamap long egensim tingting bilong Indonesia gavman taim ol no tokorait long oraitim ol nius manmeri bilong Nu Silan i go long Is Timo.

Bihain long sampela toktok, bos bilong Infomesen wantaim Foren Afeas bilong Indonesia, Irawa Abidin, i oraitim askim bilong ol niusman long kisim visa. Dispela visa pepa bai oraitim ol long lukluk raun long Is Timo.

Nau yet em Is Timo em wanpela provins bilong Indonesia klostu long Wes Irian. Olsem Wes Irian, ol asples pipel bilong Is Timo i pait yet wantaim gavman bilong Indonesia long kisim independens. Na i gat ol ripot olsem ol soldia bilong Indonesia i save mekim nabaut long ol pipel long Is Timo. Dispela em long stapim Is Timo long kisim independens.

OL RIPOT I KAM LONG PACNEWS



• Ol ami bilong Isrel i wok long klinim ples na sekim ol eria long ol kain samting olsem bom no gut i hai t long graun. Dispela hap bai i gat bikipela bung bilong Isrel na ol PLO lida long stretim toktok bilong pait we i stap namel long tupela.

BISNIS LONG PAPUA NIUGINI

'Painimaut Sepik long Invesmen'



• Ol wokman bilong Woks long Wewak i opim bikpela nau rot long taun i go olsem long Wes kos. Rot em i wanpela bikpela we bilong bringim developmen i go long ol rurel eria.

Is Sepik gat planti samting - Sir Michael

**ADDY LAVAKS
i raitim**

NESENEL memba bilong Is Seik provins, Sir Michael Somare i tok em i traim long kamapim wok bilong turisim, trenspot na agrikalsa long opim rot bilong wok bisnis na developmen long Is na Wes Sepik provins.

Sir Michael Somare i mekim dispela toktok long wanpela bikpela bung ol i kolim, 'Painimaut Sepik long Invesmen' we em i tok i wanpela gutpela Het tok bilong dispela semina.

Sir Michael Somare i tok insait long Is Sepik provins, planti nupela samting i stap we ol pipel i no luksave yet. Ol samting insait long ol wok olsem pis, gol, kopa na wel. Arapela wok tu bilong sapotim na wokim kamap bikpela long developmen provins em Agrikalsa, lukautim ol

abus, wok bisnis na turism.

Long bipo i kam inap nau i bin gat planti hevi long kamap gut bilong sosel na ekonomik developmen insait long Sepik rijen.

Planti pipel i wok yet long sutim toktok long ol politisen olsem ol i as bilong olgeta hevi na developmen i no bin kamap long Is Sepik provins. Planti pipel i wok long krai yet long ol i mas i gat rot, haus sik, skul na planti arapela samting moa, tasol ol yet i asua bikos ol i no inap long larim ol giraun bilong long kamapim developmen na bringim sevis bilong gavman na bisnis i go. As bilong em i olsem ol i save taim krai long kompensesen moni long ol giraun bilong ol.

Em i tok mi wantaim ol wan pisin politisen bilong mi insait long provinsal na nesenel level bai amamas long karim ol hevi ya, sapos i gat we bilong skelim na luksave gut long as bilong dispela ol hevi.

"Long ol taim we na bin stap makim ol pipel bilong Is Sepik olsem wanpela lida mi bin amamas tru bicos ol pipel bilong Sepik i gutpela, wait ol pipel long taim mi bin stap long opis olsem wanpela lida na politisen mi bin wokim planti bikpela samting long Papua Niugini, na mi bai amamas long makim o gvim yet sevis bilong mi".

Sir Michael Somare i

tok nau yet planti bikpela wok em lusim long skin bilong em bikos em i laik givim olgeta sapot na helpim bilong em long wok wantaim ol lida bilong dispela provins long traim bringim sol gutpela samting i goinsait long Is Sepik provins.

Insait long Sepik yet mipela i gat planti bikpela saveman tasol mipela i no bin traim long bung wantaim long kamapim sampela bikpela samting insait long provins, bilong yumi Is Sepik provins, em i tok.

Mipela i mas wokim samting long pulim invesmen long ausait i kam insait long provins. I gat planti wok painimaut long gutpela developmen i stap yet, em i tok.

Em i tokim ol olsem nau yet nesenel gavman i gat hevi i stap, ol i no ken wet tasol go het long traim helpim ol yet wantaim ol gutpela tingting na rot bilong kamapim gutpela senis na developmen long provins bilong ol.

"Yumi mas klinim ol nambis na wokim ol haus malolo bilong ol turist bikos long ol gutpela nambis yumi gat long en".

Dispela em ol sampela tingting tasol, sapos yumi olsem ol lida na manmeri bilong dispela rijen yumi mas bungim tingting, bungim han na wok wantaim long bringim developmen i kam insait, em i tok.

Primia Anisi askim long wok bung

PRIMIA bilong Is Sepik, Alex, Anisi i mekim bikpela singaut i go long ol risoses ona, ol praivet enteprais na gavman insait long Is Sepik long wok bung wantaim, na bringim developmen na ol wok bisnis i go insait long provins.

Mista Anisi i bin mekim dispela singaut long taim em i opim wanpela 3-pela dei semina long pinis bilong mun Oktoba ol i kolim Discover Sepik For Investment.

Insait long ol toktok bilong Mista Anisi em i tok olsem long Is Sepik provins, i gat planti ol gutpela samting olsem pis long solwara, timba long bus na ol gol aninit long graun i stap. Tasol i nogat gutpela wok bung i save kamap namel long ol papa graun, praivet sekta na gavman we i ken helpim long developim ol dispela samting.

Em i tok olsem insait long provins i gat planti ol graun em ol man i no yusim yet na i stap aninit long lukaut bilong ol papa graun. Olsem na em i laikim olsem olgeta i mas wok bung wantaim long karim developmen we i ken bringim mani i go insait long provins.

Mista Anisi i tokaut tu olsem Is Sepik i gat


bikpela namba tru bilong ol manmeri husat i nogat wok na ol narapela hevi olsem edukesen na wei bilong lainim ol pipel long bringim ol wok developmen.

"Dispela ol kainkain hevi i kamap na i no bin bringim ol wok developmen i kam insait long provins olsem na olgeta pipel i mas sindaun wantaim na mekim ol gutpela invesmen gaidlain na developmen polisi bilong bihainim." em i tok.

"Ol papa graun i mas wok bung wantaim ol praivet enteprais na gavman bai mekim olgeta pepa wok na mekim kamap ol program na gutpela plen bilong bringim mani i kam insait long provins," Anisi i tok.

Mista Anisi i singaut tu i gat long ol politikel lidas bilong provins, ol plena na ol polisi wokman long mekim gutpela wok na wok bung wantaim we i ken helpim ol pipel.

Em i tok olsem Is Sepik i redim ol wok developmen pinis olsem na i gutpela tru long ol i mekim dispela kain semina we i ken lukluk long ol kainkain hevi na rot bilong helpim ol pipel na developim provins.



• Ol bikman i kamap long invesmen semina.

WORD

WORD PUBLISHING CO. PTY LTD

Positions re-advertised

EDITOR: THE TIMES OF PAPUA NEW GUINEA

This senior positions as Editor of Papua New Guinea's only national English language weekly newspaper of review requires an investigative journalist who has already gained experience of all newspaper editing and sub-editing functions and in supervising a team of journalists.

It is expected that the person appointed will have gained extensive experience in Papua New Guinea, and probably overseas, and will have already established a reputation for competence in reviewing matters of national political, social, economic, planning and environmental importance.

It is expected that the appointee will have gained a degree or a diploma in journalism or a degree in a discipline such as Arts (History), Politics or Economics.

He or she will be responsible to the Group Editor in Chief.

CHIEF SUB-EDITOR

The person appointed to this position will also be responsible to the Group Editor in Chief and will work closely with the Editors of each of the group newspapers in supervising of Central Sub-Editing Desk which is equipped with Apple Macintosh Power PC 7100s with 21" colour monitors. The principal operating program is Quark Xpress 3.3.

The Chief Sub-Editor is responsible for the sub-editing, design and layout of each of the group newspapers, working within established house specifications and according to requirements and guidelines set by the Editors of those newspapers.

The person appointed must be competent in working with and training other sub-editors in the use of advanced computer typesetting and layout programs and will have gained experience in a similar situation in the newspaper industry either in Papua New Guinea or overseas. Experience with Quark Xpress 3.3 would be an advantage. Fluency in both English and Tok Pisin and proven ability as a translator are essential. Certification of advanced training in sub-editing will be taken into account.

An appropriate salary will be offered to attract the right person for each of these positions and housing is available.

Prior enquiries by phone are welcome but applications for each position must be submitted in writing with copies of qualifications and the names of three referees to:-

The General Manager, Word Publishing Co Pty Ltd
P O Box 1982 Boroko NCD
Phone: 25 2500 Fax: 25 2579

BISNIS LONG PAPUA NIUGINI

Developmen go olsem wanem nau?

Toktok bilong Siaman bilong Sepik Invesmen Semina Komiti, Francis Samanap.

Planti kainkain senis na hevi i wok long painim kantri bilong yumi Papua Niugini.

Ol gavman na lidas bilong yumi tude i wok long toktok na wokim kamap ol kainkain tingting na wok.

Ron bilong kantri nau i wok long bagarap.

Mipela ol pipel bilong Is Sepik bai mekim wanem long stretim sindaun bilong mipela yet pastaim? I tru ol lidas bilong mipela i helpim kirapim dispela kantri, tasol asples bilong mipela Sepik i stap yet long painim rot long kamapim wok developmen.

Dispela semina gavman na ol bisnis lain i bin kamapim em long skelim ol wok developmen na invesmen long Is Sepik.

Hau bai mipela i wok bung wantaim na mekim wok long kamapim gutpela sindaun long ol pipel bilong mipela?

Ol biklain bilong mipela long ol ples istap long nambis, ailan, maunten na wara i putim ai na bel bilong ol long yu na mi i stiarim, plenim na kamapim wok long Is Sepik.

WOK BUNG WANTAIM:

Long kirapim wok developmen na mekim wok kamap long provins em i stap long mipela olgeta.

Olsem ol lidas bilong mipela i mas bungim ol lain boi na tokim ol bai mipela i mekim wok long provins i go olsem wanem.

Long sait bilong provinsal gavman, mipela i gat luksave olsem wok bung wantaim provinsal lidas long bungim mipela long toktok long kirapim provins.

Dispela em i nambawan semina gavman bilong Primia Alex Anisi i kamapim.

Gavman bilong Anisi i bilip long wok bung bilong olgeta lidas na bisnis lain long stretim sindaun na ples bilong mipela.

PLENIM WOK LONG PROVINS:

Wok bilong plenim ol kainkain developmen proses i kam insait long provins em ino isi.

I tru mipela ol lain bilong gavman i go pas long wok tasol mipela i gat asua i stap.

Ol lain bisnis manmeri i no pas wantaim na wok bung wantaim long mekim kamap wok.

Bikpela wok bilong developmen, fores, pis long solwara na wara, turisem, agrikalsa na planti narapela wok i stap yet.

Plening sistem mipela i gat ino bungim mipela olgeta long toktok plenim na wokim wok.

Plening na sistem bilong gavman i gat wok wansait tasol.

Dispela em ino gutpela pasin tumas.

Toksave long yupela olgeta olsem tude long kantri bilong mipela, i nogat gutpela plening sistem.

Ol nesanel gavman tude i nogat plening opis long plenim na stiarim wok bilong kantri.

Lidas bilong mipela i wok long tro-moi mani i go i kam nabaut na

pipelna ol provins bilong mipela. Bikpela mani tru i wok long kam long opis bilong ol nesanel membas bilong mipela long provins tasol i nogat gutpela plen na luksave long wok bung na yusim dispela mani long mekim wok na stretim sindaun bilong mipela. Ol dispela pasin na bilip i mas senis.

Mipela ol lida na ol saveman bilong Sepim i mas bung na toktok long ol rot bilong kisim na yusim gut ol mani bilong ol pipel. Mipela i mas kampim wan wan distrik na ol Distrik manesa i mas wok bung wantaim.

Sapos mipela i no wokim dispela em bai nogat tru.

Olgeta hatwok bilong wangepela narapela bilong mipela bai i lus nating.

Mipela i mas senisim pasin bilong wok developmen na wok bung wantaim olgeta long kirapim wok.

AS TINGTING BILONG SEMINA.

As tingting bilong mekim kamap dispela semina em i long bungim mipela olgeta long skelim wok developmen i wok long kamap.

Lukave long ol hevi na painim rot long stretim na mekim wok developmen i kamap long Is Sepik provins.

Mipela ol gavman lidas na bisnis manmerina pipel bilong Is Sepik mas bung na toktok long wanem rot bai mipela i bihainim long kamapim invesmen na developmen long provins. Olgeta wok long olgeta sekta i mas bung, skelim wok na plenim na mekim kamap wok long kirapim developmen.

Mipela inoken sindaun na wetim gavman long helpim mipela yet long strtim sindaun bilong mipela bipo mipela askim ol arapela lain long helpim mipela.

Mi bilip yupela olgeta bai i givim tingting na helpim mipela ol lain i go pas nau long stretim sindaun bilong mipela long provins.

Long pinisim ol toktok bilong mi, mi laik tok tekyu long Is Sepik provinsal gavman long givim K5,000 long helpim kamapim dispela semina.

Ol bisnis lain bilong Semba ov Komes na ol arapela long helpim.

Tenkyu tru

Francis Samanap

Siaman

Sepik Invesmen Semina Komiti

By Addy Lavakz

P. O. Box 1010

Wewak

Is Sepik provins.

• (ralthan) Ol lain Sepik long Wes Nu Briten husat i bin kamap toktok wantaim Is Sepik provinsal gavman long kirapim ol wel pam projek insait long provins. Sapos dispela toktok i karim karkai, em bai bringim moa gutpela mani long provins.



• Ol wokman i rausim kago bilong ol pasindia long Boram ples balus. Ples balus i kamap intanesenel nau. Na i opim pinis rot bilong ol bisnis long kamap long provins.

Liklik projek inap kamapim bikpela bisnis long bihain

IS Sepik provins long bipo i kam inap nau i no gat ol bikpela wok bisnis inap nau. Ol liklik bisnis i bin stap long en em ol kain wok olsem somil, wokim sia na tebol samting long rop.

Long 1980 Is Sepik provinsal gavman i bin gat sans long kamapim wangepela kokonas faktori long Forok we i kos olsem K120, 200.00 na sampela helpim i bin kam long EEC, Is Sepik provinsal gavman na ol papa graun long ples Forok insait long Turubu

I bin gat sampela narapela wok projet i bin kamap olsem saksak

faktori long Angoram na Sepik kanda faktori long Wewak tasol ol dispela projet i bin stop o pinis long wokim wok long pinis bilong yia 1980.

As bilong ol dispela wok long stop mipela ino inap save bikos toksave i no bin kisim mipela na i no gat man i helpim mipela wantaim toksave bilong stop wok ya.

Tasol i gat bilip olsem i bin no gat inap tekinkel o helpim bilong wok bisnis, save bilong lukautim moni, na i no gat gutpela maket i as bilong dispela.

I bin no gat tingting long bipo long kamapim wok long sait bilong wokim samting long faktori na tu i no gat ol dispela kain wok i bin kamap arere long dispela Forok kokonas wel faktori, saksak faktori long Angoram na Sepik kanda long Wewak.

Nesanel gavman i bin tingting long kirapim ol dispela kain wok tasol i no gat gutpela luksave i kam long dispela tingting bilong provinsal gavman. Ol i bin givim liklik helpim tasol. Ol dispela kain wok projet i mas kamap long painim gutpela maket we bai i gat planti wok moni i kamap.



Morobe gavman bai kisim K12 m long wokim ol rot long provins

YAKAM KELO I raitim

MOROBE Provinsal Gavman i makim pinis K12 milion long wokim 5-pela provinsal haiwe long 1995 inap 1997.

Ol dispela ripot bilong moni i stap pinis long rekot bilong Trenspot dipatmen long Mosbi long brukim i go long Morobe provins bihain long palamen i bung long wokim 1995 baset bilong Papua Niugini.

Diputi Primia na siaman bilong komiti i go pas long wok projek insait long provins, James Ibras i tok Trenspot ministra, Andrew Baing i oraitim pinis K2.5 milion bilong provins aninit long wok bilong 5-pela rot ya. Wanwan haiwe bai kisim olsem K500,000 long dispela.

Ol dispela rot bai karamapim ol hap olsem; Leron - Teptep - Wasu, Lae - Finsafen, Morobe - Gobe, Wau - Garaina na Yasuru - Menyamy.

Mista Ibras i tok dispela em tripela yia progrem we wanwan rot bai kos K4 milion long wokim inap long 1997.

Morobe provinsal gavman tu bai sambai long putim aut K300,000 long wanwan rot ya we bai wanwan rot ya i kisim olsem K800,000 bilong

nesenel na provinsal gavman. Ol 5-pela haiwe rot ya bai kos K4 milion long wanpela yia.

Long dispela taim yet Morobe provinsal gavman i wetim yet bekim bilong Provinsal Afes na Viles Sevis ministra, Casten Maibawa long givim aut K4.4 milion em ol i putim pinis long ripot pepa na lusim long opis bilong em tupela wik i go pinis. Dispela moni bai i go long stretim ol bagarap i bin kamap long bikpela ren na wara we i bin bagagarapim ol ples insait long Nawae ilektret, Wau Bulolo eria, Boana na Burum na Finsafen eria.

Dispela moni bai i go long ol kaikai na samting we i bagarap na tu long ol arapela samting olsem rot, bris na ol haus we i bin bagarap long bagarap bilong ren na wara.

Mista Ibras i tok taim ol i bin go long Mosbi tu, ol i kisim K100,000 i kam tu long siaman bilong Habas Bod long givim i go insait long stretim ol bagarap ya long Morobe provins. Dispela moni i kam aninit long nem bilong Trenspot.

Menesing Dairekta bilong CRA Minerol, Mosley Moramora tu i bin givim ol K25,000 long helpim Morobe provins long dispela bagarap.

WH wetim Novemba kibung bilong palamen

LO bilong oraitim ol pipel bilong Westen Hailans provins long makim husat man long kamap primia bilong provins i stap yet wetim Novemba kibung bilong palamen. Dispela i min olsem ol manmeri i ken votim primia long Presidensal Vot sistem we i narakain long bipo we ol memba yet i save bung na votim primia.

Ripot i kam long ilektret opis i tok ol i no inap long karim aut yet dispela Presidensal Vot sistem inap ministra bilong Provinsal Afes na Viles Sevis, Casten Maibawa i putim aut dispela ripot long pala-

men long kisim blesing bilong palamen.

Dispela ripot o pepa bilong kamapim dispela senis long primia i stap long han bilong Mista Maibawa.

Ilektret opis i makim de bilong statim vot em long 17 Novemba we nominesen bai op na pas long 2 Disemba. Dispela em taim bilong ol kendeded long go putim nem bilong ol long resis long ileksen.

Long 30 Disemba, bai poling i stat na dispela em taim bilong ol manmeri i stat long makim nem bilong ol kendeded bilong ol long balot pepa. Long 2 Januari long neks yia bai poling

i pinis. Bihain long dispela, ol ilektret opis bai sindaun long kaudim vot.

Tasol ripot long ilektret opis i tok dispela i sotpela taim tumas na ol bai traime long wokim ripot gen long skruim. moa taim antap long pinisim dispela provinsale ileksen gut.

Long dispela wik, saspended primia bilong Westen Hailans provins, Albert Roika i bin tromoi toktok long niuspepa olsem dispela tingting bilong kamapim Presidensal Vot sistem i no inap wok gut long helpim Westen Hailans provins.

Das pundaun yet long Rabaul



• Rabaul em i wanpela taun we i luk grin tru. Taso, nau em i wanpela das taun olsem poto ya i soim. Ol diwai i bruk nabaut. Na tu lip bilong ol kokonas i pundaun na slip sore i stap.



• Bipo sapos yu sanap long fran na lukluk i go olsem long Vulcan, bai yu lukim nalspela blupela solwara. Tasol nau olsem poto i soim, das i pundaun antap long solwara na graun i kamap pinis long antap. Olsem na bai yu ting olsem wara i trail na graun i malumalum stap antap long wanpela raun wara.

Ol Bogenvil skul traime hat long kisim nupela senis



• Maryland Moses sindaun long ralthan. Em i bin halt i stap long bus long 6-pela yia wantaim ol BRa lida olsem Francis Ona, Sam Kauona na Joseph Kabul. Em i bin kamap long kibung long Arawa long tripela wik i go pinis. Na i tok em i makim ol meri pikinini long allan, na laikim gutpela sindaun i go bek hariap long allan.

Maryland i bin wanpela loya studen long Yunivesiti bilong Papua Niugini long Mosbi. Tasol taim trabel long Bogenvil i kamap bikpela, na em i go bek long ples. Foto: Veronica Hatutasi.

VERONICA HATUTASI I raitim

TAIM sindaun long planti hap bilong Bogenvil i wok long kamap orait isi, isi ol skul long sampela eria tu i traime hat tru long kisim ol nupela senis long skul em gavman i kamapim nau.

Wanpela long ol dispela skul em Monoitu Komyuniti skul long Siwai, insait long Saut Wes Interim Atoriti (SWIA) eria. Skul ya bai kirapim komyuniti skul top ap long 1995 skul yia. Dispela i min olsem skul ya bai kisim ol sumatin long wokim gred 7.

Bai ol i statim nupela senis wantaim tupela gred 7 klas. Ol bai kisim tasol ol sumatin bilong Monoitu Komyuniti skul long traime

nupela edukesen senis long Siwai.

Infomesen opisa wantaim SWIA, Peter Laurasi, i tokim Wantok olsem long redim dispela samting, ol wokman i wokhat nau long sanapim tupela nupela dabol klasrum. Wok long wanpela klasrum i pinis nau. Ol i wok tu long sanapim sampela haus bilong ol tisa. Ol yut grup long eria i go het long ol dispela wok.

Mista Laurasi i tok moa tu olsem mani long mekim dispela wok i kam long ol helpim grup, na tu long fan resing we skul na ol papamama yet i mekim. Tupela nesenel memba bilong Bogenvil long palamen, John Momis (rijonal) na

Michael Laimo (Saut Bogenvil), i givim gutpela helpim tru wantaim mani bilong sanapim ol klastum na haus. Tupela i helpim tu long baim ol arapela samting em skul bai yusim.

Helpim i kam tu long ol Bogenvil manmeri long Mosbi siti.

Monoitu Komyuniti skul em i wanpela bikpela skul. Long dispela yia, em i gat moa long 690 studen. Ol klasrum i stat long gred 1 i go inap long gred 6. Na i gat 17 tisa olgeta.

Ol sumatin i kam long ol ples klostu long Monoitu Misin, wantaim tu ol dispela husat i stap long ol kea senta long Siwai. Skul i bihainim ol progrem wankain olsem komyuniti skul long ol arapela provins bilong kantri.

Long wankain taim tu, 4-pela komyuniti skul i op pinis long Bana Interim Atoriti eria long Nagovis. Dispela eria i stap tu long saut wes Bogenvil. Klostu long pinis bilong las yia tasol, ol pipel long dispela eria i kam aut long bus.

Orait, ol skul we i op pinis long Bana eria em long Boku, Sovele, Kongkopine na Pope. Sovele nau i stap olsem level 5 skul wantaim 510 studen olgeta. Sam Roroga em i distrik kodineta bilong Bana Interim Atoriti.

Em i tok ol studen long Bana i laik tru long go hetim skul bilong ol. Moa yet ol dispela husat i stap long hai skul taim ol hevi long Bogenvil i kamap.

Ol meri Hangan noken paulim ol soldia boi

Dia Edita,
Mi wanpela manki Tolai long Is Nu Briten provins. Mi bin stap long Haku long Buka, Bogenvil.

Komplen bilong mi i go olsem. Mi no save amamas long lukim ol sem meri Hangan long taun. Taim mi raun long taun, mi lukim ol meri save gris stret wantaim ol soldia boi bilong PNG Difens Fos.

Sampela bilong ol dispela soldia em ol maritman. Tasol ol meri Hangan i no save sem long dispela.

Yupela mas opim ai bilong yupela na lukim husat em yangpela soldia, na husat em marit soldia.

Yupela mekim olsem na ol marit soldia i no save salim mani long famili bilong ol. Bikos yupela save kaikai mani bilong ol.

Mi bilip ol meri Hangan i luksave long ol marit soldia. Tasol ol i save seksek long mani ya. Nogat sem bilong yupela.

Mi save harim dispela kain stori long sampela soldia boi, husat i bin go stap long Buka. Tasol mi yet i bin go stap long hap na mi lukim stret long ai bilong mi kain pasin ol i stori long en.

Yu husat brata o susa i lukim dispela pas na i laik komplem, plis rait long Wantok Niuspepa na autim wari bilong yu. Maski toktok long arere.

Arunol Irima

KOKOPO

Is Nu Briten provins.

Hevi bilong spak brus bikpela long Is Sepik

Dia Edita,
Mi wanpela manki Is Sepik husat i bin bikpela long Madang. Long wanpela holide, mi wantaim susa bilong mi i go long biktaun bilong Is Sepik, Wewak.

Wanpela taim mi bungim 5-pela manki i sindaun na smokim spak brus i stap. Mi katim plaua bilong ol, na ol i tok nogutim mi wantaim susa bilong mi.

Taim mi tanim, mi lukim ai bilong ol i pas long stokmen su bilong mi long lek. Ol i kam na toktok strong long kisim su bilong mi. Tasol mi strong na ol i tok olsem sapos mi no givim ol su, orait mi mas givim ol susa bilong mi.

Tasol mi strong na ol i

askim mi long wanem hap mi kam. Na mi tokim ol olsem mi bilong Madang. Ol i lusim mi na i go.

Mi raun long Wewak taun na lukim olgeta manki i smokim spak brus na raun. Em i no ol bikpela manki. Ol manki ya em krismas bilong ol i stap na 8 na go daun.

I luk olsem ol bikman long Wewak i sapotim ol manki bilong ol long mekim kain bikhet pasin ya. Olsem na ol i no mekim wanpela samting long stapim.

Nau yet ol plisman i stap na kisim nating mani bilong gavman. Olsem na kain trabel i kamap bikpela long Wewak.

GreK Anzik

MADANG

Saranuwe painim Sesinu Tieraoc

Dia Edita,
Mi laik putim toksave bilong mi long Wantok Niuspepa long ol arapela i ken lukim na helpim mi long painim wanpela yangpela brata bilong mi.

Nem bilong em; Sesinu Tieraoc. Tasol mi harim em i save yusim nem Susak Tieraoc.

Plis yu husat arapela long Papua Niugini i save long wanem hap em i stap plis raitim pas long mi long dispela adres; Saranuwe Tieraoc, AMORON D.T.P. Skul, PO BOX 2031, Yomba, Madang provins.

Mi laik raitim pas na toktok wantaim em. Tasol mi no save long em i stap long we. Olsem na mi putim dispela toksave long Wantok Niuspepa.

Mi bai amamas long helpim bilong yupela ol arapela husat i save long em i stap long we.

Saranuwe T
MADANG

Husat i laik satim pas i kam long edita i mas raitim stret nem na salim i kam long dispela adres: Pas i go long Edita, Wantok Niuspepa, P.O. Box 1982 Boroko, NCD.

Watpo Is Sepik kisim ol ausait kontrak kampani

Dia Edita,
Mi laik autim belhevi bilong mi i go long Minista bilong Woks long Is Sepik provinsal gavman. Dispela belhevi i go tu long na woks menesa hia long Wewak.

Taim biknem Barclay Bros kampani bilong Mosbi i winim kontrak bilong wokim Passam Tuonumbu rot, em i bin kisim sampela liklik sab kontrak kampani bilong ol arapela provins i kam wantaim.

Dispela i no gutpela. Bikos ol dispela sab kontrak kampani i wok na kisim mani go bek long provins bilong ol. Na Is Sepik yet em nogat wanpela bilong ol dispela mani i stap, na helpim long developim provins.

Bilong wanem na minista bilong woks na provinsal gavman wantaim woks menesa i larim sab kontrak kampani bilong ol arapela provins

long kam insait long Wewak, na stilm mani bilong mipela ol Sepik pipel.

Yupela i no sore long mipela tu o nogat? Yupela bilong wanem hap tru na mekim kain pasin olsem. Yupela i no laik givim kontrak wok i go long ol pipel bilong provins yet.

Sapos provinsal gavman i tingting gut na givim kontrak long ol Sepik yet, bai ol kontrakta ya givim wok long ol yangpela man bilong mipela. Na dispela bai givim ol sampela kain wok, na hevi bilong lo na oda long provins i ken go daun liklik.

Em tasol liklik wari bilong mi. Mi laim tru wanpela bekim long kamap long Wantok Niuspepa, bai mi wantaim ol arapela manmeri i ken lukim na save.

Johnny Mark
Pallama Passam
P.O. Box 826
WEWAK - E.S.P.

Pilaim tu ol musik bilong Momase na Hailans long Pepsi Fizz program

Dia Edita,
Mi wanpela manki Morobe. Mi stap nau long Ramu Suga. Mi laik komplem liklik long ol lain save wok long EMTV program ol i kolim Pepsi Fizz. Bilong wanem na yupela i no save putim ol singsing bilong ol Momase na Hailans rijon long dispela program.

Mi save laikim tru long lukim dispela musik program. Tasol planti taim mi save lukim ol sem singsing i kamap.

I luk olsem ol lain long EM TV save putim singsing bilong ol Tolai na Papua tasol. Mi tokim yupela stret. Dispela ol ben bilong Tolai na Papua i no fit long ol ben bilong Momase na Hailans rijon.

Mi no save lukim wanpela singsing bilong Morobe liklik. Nogat na nogat tru. Mi ken tokim yupela stret olsem Morobe i gat nem long holim taitel bilong PNG Top 20. Rex ben i holim namba wan spot long 14 wik olgeta. Ating yupela ol lain bilong Fizz Program i jeles liklik long ol singsing bilong Morobe ya. Olsem na yupela i no save pilaim.

Momase i gat nem long musik. Wanem kain stail yu tok bai ol pilaim tasol. Yu painim kaset bilong ol, man pulap long ol stua i stap.

Em tasol liklik wari na belhevi bilong mi. Yu husat i laik sapotim o egensim pas bilong mi, em i orait. Mi bai amamas tasol long ritim.

Rumex Surubiang
Ramu Suga



Maski pait long man long pablik

Dia Edita,
Mi wanpela manki Yangoru long Is Sepik provins. Mi stap nau long Kimbe, Wes Nu Briten provins

Mi laik autim komplem bilong mi long ol yangpela meri. Planti taim mi save lukim ol meri Wes Nu Briten i pait long ol man.

Dispela kain pasin i no stap long Kimbe tasol. Long olgeta hap bilong kantri, kain pasin i save kamap.

Ol susa, mi save sem tru long kain pasin bilong pait long man. Yupela save sem tu o nogat?

Sapos yupela belhat long narapela meri, go hait long wanpela hap na pait. maski pait long taun o long pablik ples.

Mi laik tok olsem Papua Niugini i no sot long ol man.
Anton Wafi
KIMBE

Plis mekim rabis pasin long Mendi na Tari haiwe

Dia Edita,
Mi laik komplem long pasin mi lukim long ol plisman i save mekim long haiwe bilong Mendi na Tari long Sauten Hailans provins, we i no gutpela tru.

Olgeta taim ol i save patrol i kam na lukim mipela ol lain bilong ples i sindaun salim ol mit o kaikai long rot i stap, ol bai kam stap na karim ol dispela kaikai bilong mipela na i go.

Mipela i save wokhat tru long painim mani na kain liklik wok olsem long maket em hap rot

mipela i save mekim. Taim bilong bikpela pait i save kamap, mi no save lukim ol i mekim olsem. Ol i save westim sampela taim i go na man i dai pinis orait, ol bai kamap soim pes.

Ating yupela i no mekim wok bilong yupela stret we gavman i baim yupela long en.

Mi ting ol bos bilong plis dipatmen i mas sekim dispela kain pasin na rausim ol kain plisman husat i no fit long stapim ol pait na giaman sekim ol liklik maket nabaut long rot.

Em i orait long holim ol meri

Dia Edita,
Mi wanpela manki Is Sepik tasol nau mi stap long Kimbe Wes Nu Briten provins. Mi laik egensim pas bilong wanpela brata, em i bin kamap long dispela niuspepa.

Brata i komplem long ol manki namel long 12 na 15 krismas long holim nabaut ol yangpela meri long pablik ples.
Brata i tok ol dispela manki i save raun nating, na holim skin bilong ol

PAINIM PENPREN

Dia Edita,
Mipela ol dispela yangpela man i laikim pen pren long olgeta hap bilong Papua Niugini, na tu long ol ovasis kantri wantaim.

Hia nem na krismas bilong mipela:

1. Roy Komery (30 krismas)
2. Joel Ekg (29 krismas)
3. Jeffery Wai
4. Rex Ila (18 krismas)
5. Joseph Ivolos (18 krismas)
6. Lama Honea (17 krismas)
7. Henry Mau (19 krismas)
8. Simoly Movi (29 krismas)

Hia em edres bilong mipela:

Port Moresby Inservice College
P.O. Box 1791
BOROKO - N.C.D.

Mipela bai bekim olgeta pas mipela i kisim. Mipela ol tripela mangi i laikim penpren long kantri bilong mipela yet, Papua Niugini. Mipela tripela wantaim i bilong wanpela hap tasol, nau mipela i stap long kantri sait long Ramu Suga.

Hia em nem na adres bilong mipela:

Nem: Keith Luwaina
Krismas: 18 (man)
Edres: Ramu Sugar Agriculture Workshop
P.O. Box 2183
LAE.

Laikim: Pilai soka, basketbal, tok pilai wantaim ol pren, harim pop musik, lukim Pepsi Fizz Program bilong EMTV, na salim gritings i go i kam long ol pren.

Nem: Rumex Surubiang
Krismas: 19 (man)
Edres: Ramu Sugar Factory Department
P.O. Box 2183
LAE.

Laikim: Pilai soka, mekim panim wantaim ol pren, harim ol lotu singsing, go long lotu, lukim Pepsi Fizz Program bilong EM TV, na salim gritings i go i kam long ol pren.

Nem: Steven Jessy
Krismas: 19 (man)
Edres: Ramu Sugar Factory Department
P.O. Box 2183.
LAE.

Laikim: Pilai soka na ragbi, wokim pani, go lotu, harim kainkain musik, lukim Pepsi Fizz Program bilong EM TV, na salim gritings i go i kam long ol pren.

Ol yangpela i laikim nem bilong ol i stap insait long niuspepa long painim penpren i mas prinim tupela nem wantaim edres, na wanem samting yupela i save laikim long mekim. (Hobbi).

Redio Daru lusim Motu

Dia Edita,
Mi laik autim wanpela belhevi bilong mi. Belhevi bilong mi i go long Redio Daru.

Redio Daru em ol anaunsa i save toktok long Motu tasol. Mi no wanbel long dispela. Bikos mipela ol Westen provins pipel i no save toktok long Motu. Mipela save toktok long Tok Pisin na Inglis. Motu em tokples bilong ol lain Papua.

Em tasol liklik toktok bilong mi.

Tumeng Amtem
TABUBIL
Westen provins

yangpela meri, na susu bilong ol tu wantaim.

Mi laik bekim olsem susus em i samting nating. Em i no wanpela bikpela samting.

Em ol meri yet i laikim na ol manki save holim ol. Bikos ol save so ol long bilas olsem ol bikhet meri na raun.

Anton Wafi
KIMBE

Noken giamanim ol pipel long edvetismen

Ol Enga politisen stap we?

Dia Edita,

Mi laik komplem long ol kain kain pilai resis we ol kampani i save putim long niuspepa na long redio na EM TV long ol manmeri i ken baim ol kaikai na dring samting. Na ol bai laki long winim ol prais.

Planti bilong ol dispela edvetismen long niuspepa i save giamanim ol manmeri long baim ol dispela samting. Bikos taim mipela i laki long winim wanpela prais long ol dispela kaikai o dring, ol i save tok nogat.

Ol save tok resis ya i stap pinis o mipela i mas karim i go long het opis long kisim prais.

Em i isi tru long baim ol dispela samting. Tasol prais bilong ol long winim i hat tru long kisim.

I luk olsem yupela ol kampani husat i save putim ol kain kain resis long niuspepa long ol manmeri i baim ol kaikai na dring bilong yupela i save mauswara tru long ol manmeri bilong Papua Niugini.

Narapela tu em long rafol tiket we ol wokman bilong kampani yet i save pulim ol tiket long bokis samting i no tru. Bikos yupela save gat planti wantok sistem long dispela.

Em tasol komplem bilong mi. Bikos mi ting ol edvetising kampani long ol kain laki gem na ol pilai resis i save mauswara tasol.

Husat i laik sapot em welkam long sapotim mi.

**Anis Mark
RAMU SUGA**

Sande em wanpela de bilong malolo

Dia Edita,

Mi laik bekim pas bilong brata Ronald Oppsie. Em i bin raitim long Fonde 14 Julai long *Wantok Niuspepa*.

Brata i tok ol kampani i mas rispektim Sarere olsem Sabat De. Na givim malolo long ol wokman.

Tasol mi laik bekim pas bilong em olsem olgeta planti kampani long dispela kantri i save lusim bikpela mani i go long baim takis long gavman bilong yumi. Olsem na ol i no inap long lusim wanpela taim long malolo.

Olgeta kampani i save olsem Sande em wanpela de tasol we ol wokman i ken kisim malolo. Na dispela em yumi olgeta i klia long en.

Sapos brata yu tingting long sait bilong Kristen, mi ken tokim yu stret olsem pasin bilong lotu na Kristen pasin i stap wantaim yumi olgeta.

Tasol yumi man yet i no save bihainim long mekim prea long haus bilong yumi wanwan. Yumi no save mekim ol lotu insait long famili bung na haus bilong yumi. Olsem na yumi yet i save siek long strongim pasin kristen bilong yumi, na tok taim bilong lotu tasol em taim bilong go daunim yu yet na mekim lotu.

Brata mi ting ansa i no stap long ol kampani. Ansa i stap long yu wanwan manmeri yet long haus bilong yu.

**P. P. Wambeng
MADANG**

Mambe i mas tingim Aitape Lumi pipel

Dia Edita,

Mi laik autim belhevi bilong mi long memba bilong Aitape/Lumi husat nau i plis minista long nupela Chan/Haiveta gavman. Man ya em Paul Mambei.

Mista Mambei, nau em i sans bilong yu long mekim sampela wok kamap long dipatmen bilong yu. Na tu long ilektoret bilong yu.

Mi laik askim tu Mista Mambei long Iektoret Developmen Fan (EDF) we ol wanwan palamen memba i gat.

Dispela mani i bilong yu o em bilong ol pipel long ilektret. Plis tingting gut na yusim mani long mekim ol wok we bai helpim ol pipel. Sapos nogat, mi sori long yu ya. **Baol Bodl
Lae**

Olsem wanem long Biala haus sik

Dia Edita,

Mi no amamas long lukim olsem Biala Haus sik long Wes nu Briten i sot long marasin.

Mi save sori tru long ol sik manmeri na pikinini taim ol wokman long haus sik i tokim ol long nogat marasin taim ol i go long kisim marasin. Moa yet long ol sut marasin bilong pasim sua.

Narapela samting tu we mi no amamas long en em taim haus sik i

gat sut na marasin, ol bai sot long marasin bilong pasim sua. Na taim ol i gat marasin bilong sua, ol bai i sot long sut marasin.

Mi no amamas tru long dispela kain pasin. Biala haus sik em i namba tu bikpela haus sik long Kimbe. Na em i mas gat ol kain marasin i stap redi long olgeta taim.

**Jimmy Malani
Blalla
Wes Nu Briten.**

Blesing em i wok bilong God

Dia Edita,

Mi save autim tok bilong God long sios bilong mi.

Mi save blesiming em wanem samting, na prea o beten em narapela samting. Tasol mi save harim sampela taim ol i kukim kaikai na skelim, ol i save tok yumi blesim kaikai.

Long mi yet, mi save gat planti tingting long dispela toktok. Mi yet mi ting olsem blesing em i wanpela samting, na prea em i narapela samting olgeta.


Yumi save olsem God yet i givim olgeta samting long yumi. Na yumi i bilong kisim ol samting ya, na

givim tok tenkyu long God. Olsem yumi save prea long tok tenkyu. Na tu yumi save askim God long blesim ol samting em i givim yumi.

Olsem na tu mi bilip man bilong graun i no inap long blesim wanpela samting. Em nogat. Blesiming samting em mi wok bilong God yet.

Husat manmeri i gat sampela toktok long dispela samting, rait i kam tasol long *Wantok* na mi ba amamas long lukim.

**Mathew B
Goroka
Isten Hallians provins.**



• Mardha Mecktl! i soim bung stret bilong ol ZPNG manmeri. Dispela rop buai kos K1. tasol long Rabaul. Long Mosbi i bai antap moa long K5.



Stretim Pasi na Wutung haiwe

Dia Edita,

Mi laik komplem long ol lain provinsal na nesanel memba bilong mipela long Sandaun provins. Bikos nau long dispela taim, i nogat wanpela gutpela developmen i kamap long provins bilong mipela.

Mi ting mipela i wok long westim taim bilong mipela long votim ol memba. Na tingting bilong ol i save go long ol yet wantaim famili bilong ol long wokim bisnis na ol samting bilong ol.

Mipela i gat bikpela hevi i stap yet long bikpela nesanel haiwe bilong mipela long hap bilong Pasi i go long Wutung. Dispela rot i olsem ol hos tasol bai wokabaut long em. Bikos mipela i save oltaim kalap kalap taim ka i ran long dispela hap.

Dispela em nesanel haiwe. Na ol lida i mas pait strong long gavman i givim mani i kam insait long stretim gut dispela rot.

Em tasol komplem bilong mi. Na husat arapela i laik joinim em laik tasol.

**Charlie Annet
SANDAUN**

LAIKIM PENPREN

Nem: Andrew Bobson
Krismas: 17 (man)

Adres: Engal Community School, P. O. Box 1350, Mt Hagen, Western Highlands Province.

Save laikim: Pilai soka, ragbi tas, harim musik, raitim pas long penpren na go lotu.

Nem: Sent Samol
Krismas: 18 (man)

Adres: Engal Community School, P. O. Box 1350, Mt Hagen, Western Highlands Province.

Save Laikim: Pilai ragbi tas, soka, lotu na harim musik.

Nem: Dick Pano
Krismas: 20 (man)

Adres: Bialla Enterprises, P. O. Box 288, Bialla, West New Britain.

Save Laikim: Tok pilai, lotu, lukim vidio, pen pren na laik marit.

Nem: Otani Wara
Krismas: 18 (man)

Adres: P. O. Box 372, Hawaiian, Wewak, East Sepik Province.

Save laikim: Ritim pas i kam long ol penpren, pilai gita, na raun wantaim ol poroman.

Dia Edita,
Mi gat askim i go long praim minista bilong yumi, Sir Julius Chan na Fainens Minista, Chris Haiveta.

Wari bilong mi i stap long retpela peni c toea bilong yumi we m laikim tupela bikman i glasim na mekim samting long en.

Liklik askim bilong m em, inap tupela bikman ya i salim tok i go long mani fektori na toksave long ol lain long noker moa mekim ol retpela peni ya. Bikos i nogat yus bilong ol long hia.

Bikos mi tokim yupela, long PNG ol pipel i no laik baim c kisim ol retpela peni taim ol man i laik baim ol samting long en. Em long ol buai maket. Na tu long ol bikpela kaika maket.

**Belden Dambu
Bulolo
Morobe provins.**

PNG LAIPSTAIL

Ranim pri skul no isi wok

PAUL ANDREW I raitim

LONG statim na ranim wanpela pri skul em i no wanpela isipela wok wanpela mama o yangpela meri i ken wokim. Watpo na em i no wanpela isipela wok?

Ansa bilong dispela askim i stap antap. Em i no hatpela sapos wanpela man o meri skelim na glasim ol samting gut. Bikpela tru em long sait bilong mani. Bikos nau olgeta samting i kos mani.

Long lukluk bilong sampela mama o yangpela meri, dispela em i wanpela isipela wok. Tasol bihain ol bai luksave olsem dispela tingting bilong ol i giamanim ol. Bikos i gat kainkain wok na ol liklik hevi bai kamap. Na sapos yu gat inap mani, yu ken stretim dispela ol liklik hevi.

Arapela samting i olsem sapos wanpela mama i gat planti pikinini, em bai painim hat tru long statim na ranim wanpela liklik pri skul. Bikos em bai tingim ol pikinini bilong em. Em i mas givim moa taim long lukautim ol pikinini bilong em.

Tasol long wanpela mama insait long Is Sepik provins, dispela i no trupela. Wanpela mama i ken statim na ranim wanpela pri skul. Dispela mama ya i pilim olsem dispela

wok em i isi, sapos wanpela mama i oge-naisim em yet. Na tu sapos man bilong em i givim em sapat-bikpela tru em long sait bilong mani.

Nem bilong dispela mama ya em Jacintha Sallei. Em i bilong Sambri Lek long hap bilong Angoram Distrik. Jacintha i marit. Na man bilong em i wok olsem printa bilong Is Sepik Provinsal Gaman. Nem bilong em Henry Yannie Sallei. Mista Sallei i bilong Kairiru Ailan. Tupela i gat 4-pela pikinini man.

Misis Jacintha Sallei i statim na ranim wanpela liklik pri skul. Na em i kisim tupela meri long helpim em na skulim ol liklik sumatin bilong em. Tupela meri ya em Alexia Warisan na Pauline Here.

Misis Sallei i tok nau yet em wantaim tupela tisa bilong em i save skulim 30 pikinini. Tasol sampela taim sampela papamama i no save bringim pikinini bilong ol i kam long skul.


Em i tok em i no kisim helpim i kam long wanpela oge-naisim o man long statim na ranim dispela liklik pri skul. Man bilong em tasol i helpim em.

Em i tok em i yusim mani wanwan famili i



baim long putim pikinini bilong ol long skul long ranim dispela liklik pri skul bilong em. Wanwan famili, em i tok, i baim K10 long wanwan tem long putim pikinini bilong ol long liklik pri skul bilong em.

• Jacintha Sallei sanap long baksait wantaim ol pikinini husat i skul long pri skul bilong em. Dispela yia long mun Julai, Jacinthan wantaim tupela tisa bilong em kisim ol skul pikinini, na ol i go piknik long Makam Poin long Winjama nambis. Dispela em long tem holide bilong ol.



SKRUIM TOK

- Lep i go long rait**
1. Popaia
 4.Rop
 9. MP bilong Wewak
 10. Masin bilong katim timba
 11. Ailan bilong Is sepik na Manus
 14. Kisim samting i no bilong yu
 15. Minista i laik rausim 20
 17.Tedi
 20. Komisina bilong plis
 23. man i jeles, em i tudak
 24. Mangi i bikhet, olsem na mama ya i
 26. Cain na Abel em tupela
 28. gat wok
 29. Wanpela pis
 32. Liklik naip
 33. Siaguru i laik kirapim dispela nupela han bilong Pangu
 35. Sik bilong nus
 37. bilong ol Minista i stap long Palamen
 39. Ol raskol i save brukim dispela
 40. Ol pos opis i gat dispela
 41. Tul bilong stretim simen
- Antap i go daun**
2. Samting bilong klinim pipa
 3. Samana
 4. Daihatsu, Toyota, na Mazda em tripela kampani i save wokim dispela
 5.blok
 6. Taim Jisas i dai na kirap gen
 7. Konstitusen
 8. Yes (Tok Motu)
 9. Poro bilong daka na kambang
 12. Gip bilong kilim pis long wara
 13. Telepon bukm, em bilong ol man i gat telepon
 16. Makim gut, nogut yu.....
 18. Long baibel, Joseph i gat dispela wok
 19. Pasim maus!
 21. AdamIva
 22. Ol tumbuna i save wokim tamiok long dispela
 25. Sampela man i laik rausim Samana, tasol ol i no
 26. Wanpela diwai
 27. Em i kisim ples bilong 15.
 30. Binen
 31. Sik bilong skin
 34. Sapos lait i grin, ka bilong yu i mas mekim dispela
 35. Nokaut, long boksen
 36. I save bruk long nambis
 38. Em i tok

Ol Ansa bilong Skruim tok long pes 22

Health statistics

Tonga		Tonga
Life expectancy (male):	65 yrs	
Life expectancy (female):	70 yrs	
Crude birth rate:	26/1000	
Crude death rate:	7/1000	
Infant mortality:	23/1000	
Hospitals	No	Pop'n per 11333
Hospital beds	307	332
Physician	47	2170
Dentist	11	9273
Pharmacists	2	5100
Nurses	216	472

Major imports

- Tonga
- Manufactured goods
- Machinery
- Foodstuffs
- Livestock
- Vehicles
- Petroleum products
- Chemicals
- Beverages
- Tobacco

Religions

Tonga	
Free Wesleyan	43%
Roman Catholic	16%
Baha'i	3
Other	38

Major industries

- Tonga
- Foodstuffs
- Beverages
- Furniture
- Lumber products
- Metal products
- Glass products
- Chinaaware
- Paper products
- Handicrafts
- Light manufacturing
- Tourism
- Fishing

Natural resources

- Tonga
- Fish
- Coral
- Sand

Agricultural products

- Coconuts
- Yams
- Taros
- Sweet potatoes
- Cassava
- Fruits
- Vegetables
- Copra
- Bananas
- Vanilla
- Spices
- Pork
- Goats
- Horses
- Cattle
- Roundwood

Ethnic groups

Tonga	
Tongan	98%
Other	2%

Languages


Tonga	
Tongan	98%
English	— (less than 1%)
Other	2

Education

Tonga	Teachers	Students	Students/teacher
Schools			
Primary	113	772	22
Secondary	66	862	16
Third level	1	N/A	N/A
GNP for Education:			4.2%
Literacy Rate:			100%

Gross National Product (Tonga)

(in millions of \$US)



- Annual GNP growth: 3.0%
- GNP per capita: \$922
- GNP for Defense: 1.0%
- As a percentage of GNP
- Agriculture: 41%
- Industry: 9%
- Services: 50%

SPAKMAN MAIK

**KON-MAN!
KUSAI MAN!**

**M.P!
BIA PES!**

**JEK
OF OL
TRED!**

**SPAKMAN!
SO-OFF MAN!**

NAU MAIK I GO LONG HAUS NA RILEX GUT TRU...



PLANTI MANI RING NA ESTA I KROS NOGUT TRU...



EM NAU... WANEM SAMTING BAI KAMAP NAU.. I GO MOA NEKS WIK!!



BIK BRO REBO

BIG-MAL I LAIK DAINIM REBO TASOL BAL I GO AUT PINIS...

NAMBA-FAIV I KISIM NA TEK-OFF...

SANS, YA!

ROT I KLIA LONG EM... FUL-BEK BILONG OL AUSTRALIA I GIVIM SIKSTI I KAM LONG TAKOLIM EM...

OH-HO! MI MAS TRAIM NA ABRUSIM EM!

DAMN! MY ONLY CHANCE IS TO DIVE ONTO HIM!

NAU EM DAIN I GO TASOL TOBENET I KALA-KLIA LONG EM...

UUMNEFF!! ATUS LOKET!!

EM WARI BILONGI YU!

G*Z!?! MISSED!

EM NACI! BRUKIM KIAU!!



HEY, WANTOK!!

Yu laik ritim niuspepa long tok ples bilong yu stret?

Orait, Baim.. WANTOK 40t


NIUSPEPA BILONG OL PAPUA NIUGINI STRET

Ernst & Young audited circulation 15,177



Em Niuspepa bilong yumi ol Papua Niugini stret!

LOWER PRICES



COUNTRY
FRESH 1 LTR MILK
K1.25



TRUKAI
WHITE RICE 1KG.
WERE .75t
.63t



RAMU
SUGAR WHITE 1KG
K1.21



FLAME
PLAIN FLOUR 5KG
K2.49



CADBURY
ASSORTED BARS 150G
K1.76



GLOBE
BEEF & VEGETABLES
425G
.56t



MADAM
MACKEREL IN OIL
425G
K1.30



NESTLES
SUNSHINE MILK
300G
K2.14

Super Specials available until 4th November '94!

TRADING HOURS
 MONDAY 8:30am to 6:30pm
 TUESDAY 8:30am to 6:30pm
 WEDNESDAY 8:30am to 6:30pm

erima 
SUPERMARKET

THURSDAY 8:30am to 6:30pm
 FRIDAY 8:30am to 7:00pm
 SATURDAY 8:00am to 6:30pm
 SUNDAY 9:00am to 1:00pm

MUSIK NA TELEVISEN

PAPUA NIUGINI



Leni Lucas katim narapela kaset

EMILY MATASORORO i raitim

PLANTI manmeri save harim ol singsing bilong wanpela nem musikman long kantri, Keni Lucas Ponialou. Ol dispela lain save olsem Keni save singsing long ol liklik pipel bilong dispela yangpela kantri. Dispela em ol pipel husat i nogat luksave, na mipela no save harim krai bilong ol.

Keni em i namba wan musikman bilong ples Pere long Manus. Em i bilip olsem singsing i mekim ol manmeri na pikinini i tingting. Na long sem taim, em i givim ol bilip na strong wantaim sapot.

Keni em i wanpela man bilong bilip long stap wanpela isi laip. Em i save laikim ol bus graun o environmen na ol pipel olsem meri pikinini. Olsem na em i katim pinis wanpela nupela kaset aninit long nem Peace na Love. Em makim dispela kaset i go long ol pipel bilong dispela kantri, husat i gat kainkain hevi olsem bilong lo na oda, pikinini nogat gutpela sindaun, meri gat pikinini na nogat papa o papa gat pikinini na nogat meri, pasin bilong semim ol arapela long pren pasin, na sampela moa.

Lav na pis em i ansa long ol hevi bilong mipela, lav na pis em i ki long fridom bilong mipela, lav na pis, noken larim ol kisim i go, lav na pis, noken rausim long mi. Dispela em sampela toktok long singsing bilong Keni, Love and Peace. Planti manmeri husat i save pasin bilong lav na pis o gutpela sindaun i mangalim nau dispela singsing.

Dispela kaset i stap tu long kompek disk (CD). Keni em i namba wan musik man long katim singsing tu long CD.

Long stat bilong yia 1960, mama i karim Keni. Taim em i manki, em save olsem em i gat gutpela nek long singsing. Tasol em i no save olsem wanpela de, em yet bai raitim ol singsing bilong em. Na mekim nem long musik bisnis insait long kantri.

Olsem ol arapela musikman na meri, ol kampani bilong katim singsing i luksave long save bilong



Keni, na givim em wok. Em i stat wok olsem yangpela odio ensinia wantaim Pacific Gold Studios long Rabaul taun. Sampela yia bihain em i kam long Mosbi na joinim X-Tensions pawa ben. Ol olpela memba bilong Sirois ben bilong Not Solomons, i foim dispela ben. Ben Hakalitz, husat i pilai wantaim nem intanesenel pawa ben bilong Australia, Yothu Yindi, em wanpela olpela ben memba bilong Sirois.

Keni go bek long Rabaul long 1987 na katim namba wan kaset wantaim Pacific Gold Studios. Nem bilong dispela kaset em *Wiken Soldia*. Bihain em i katim tu ol arapela kaset olsem *Mwen Tapo*, *Nuclear Protest* na *Manus Island*.

Keni em wanpela musikman husat i no amamas long ol kampani bilong katim kaset insait long kantri. Em i tok ol musikman na meri katim kaset i no kisim bikipela mani tumas. Ol i save kisim 25 pesen royalti man tasol long kaset em ol i save salim wanpela long K6.50. Keni tok dispela i no stret long ol trangu musikman meri.

Keni laik lukim nesanel gavman i kam insait, na helpim long mekim kamap gutpela musik bisnis long kantri.

I KAM LONG Ela Motors OL WIL BILONG NESEN

AMERICAN TOP FORTY

AS AT 29/10/94

CUR.	TITLE	ACT NAME
1.	<i>I Swear</i>	All-4-One
2.	<i>Don't Turn Around</i>	Ace Of Base
3.	<i>I'll Remember</i>	Madonna
4.	<i>You Mean The World To Me</i>	Braxton
5.	<i>Stay (I Missed You)</i>	Lisa Loeb
6.	<i>Mr Jones</i>	Counting Crowe
7.	<i>If You Go</i>	Jon Secada
8.	<i>Baby I Love Your Way</i>	Big Mountain
9.	<i>Any Time, Any Place</i>	Janet Jackson
10.	<i>Anytime You Need A Friend</i>	Mariah Carey
11.	<i>Return To Innocence</i>	Enigma
12.	<i>The Most Beautiful Girl</i>	Prince
13.	<i>I'll Take You There</i>	General Public
14.	<i>The Sign</i>	Ace Of Base
15.	<i>Moving On Up</i>	M People
16.	<i>Misied</i>	Celine Dion
17.	<i>Shine</i>	Collective Soul
18.	<i>Wild Night</i>	Mellencamp
19.	<i>Crazy</i>	Aerosmith
20.	<i>Found Out About You</i>	Gin Blossoms
21.	<i>I'm Ready</i>	Campbell
22.	<i>Until I Fall Away</i>	Gin Blossoms
23.	<i>Can You Feel The Love Tonight</i>	Elton John
24.	<i>Always</i>	Erasure
25.	<i>Back And Forth</i>	Aslyyah
26.	<i>Come To My Window</i>	Melissa Etheridge
27.	<i>Prayer For The Dying</i>	Seal
28.	<i>Beautiful In My Eyes</i>	Joshua Kadison
29.	<i>Whatta Man</i>	Salt-N-Pepa
30.	<i>Meat</i>	B.C. 52s
31.	<i>Objects In The Rear View</i>	Meat Loaf
32.	<i>Regular Thang</i>	Ovis
33.	<i>Mmm Mmm Mmm Mmm</i>	Crash Test Dummies
34.	<i>Losser</i>	Back
35.	<i>I Wish</i>	Gabrielle
36.	<i>Without You</i>	Mariah Carey
37.	<i>Centsloop</i>	Us3
38.	<i>Now And Forever</i>	Richard Marx
39.	<i>Ain't Got Nothing If You</i>	Richard Marx
40.	<i>Fall Down</i>	Toad The Wet

EMTV TELEVISEN

THURSDAY 3RD NOVEMBER, 1994

5.57	STATION OPEN
6.00	INT NEWS (G)
6.30	DAY BREAK NEWS (G)
7.00	TODAY SHOW (G)
9.00	LIFE EDUCATION (G)
9.20	STATION CLOSE
1.45	STATION RE-OPEN
1.48	MIDDAY SHOW
3.00	KIDS KONA (G)
	SESAME STREET
4.00	HELP IT'S THE HAIR BEAR BUNCH
4.30	THE NEW ADVENTURES OF SKIPPY
5.00	HOT SCIENCE
5.27	EMTV TOK SAVE
5.29	EMTV NEWS BREAK
5.30	HOME AND AWAY (G)
6.00	NATIONAL EMTV NEWS
6.30	A CURRENT AFFAIR (G)
7.00	SALE OF THE CENTURY (G)
7.33	NEIGHBOURS (G)
8.00	FIZZ (G)
9.00	EMTV TOK SAVE
9.05	RESCUE 911
9.30	RUGBY LEAGUE

*Australia vs St. Helen

11.30	A COUNTRY PRACTICE
12.57	MEDITATION WITH PASTOR WALO ARNI
1.00	STATION CLOSE
	FRIDAY 4TH NOVEMBER, 1994
4.57	STATION OPEN
5.00	ITN NEWS
5.30	DAY BREAK NEWS
6.00	TODAY SHOW (G)
9.05	EMTV TOK SAVE (G)
9.08	STATION CLOSE
1.45	STATION RE-OPEN (G)
1.48	MIDDAY SHOW (G)
3.00	KIDS KONA
	SESAME STREET (G)
4.00	HELP IT'S THE HAIR BEAR BUNCH
4.30	THE NEW ADVENTURES OF SKIPPY
5.00	HOT SCIENCE
5.30	HOME AND AWAY (G)
6.00	NATIONAL EMTV NEWS
6.30	A CURRENT AFFAIRS
7.00	THE NEW SALES OF THE CENTURY
7.30	NEIGHBOURS
7.56	EMTV TOK SAVE
8.00	MAZDA JACK

HIGH BOWLS

9.00	MINI SERIES: LONESOME DOVE
11.00	MATLOCK
12.27	MEDITATION WITH PASTOR WALO ARNI
12.30	STATION CLOSE
	SATURDAY 5TH NOVEMBER,
12.30	STATION OPEN
9.40	JOURNEY TO THE WEST
10.37	NORTH QUEENSLAND REAL ESTATE
11.00	WIDE WORLD OF SPORT
4.00	BONANZA
5.00	BEYOND 2000
6.00	NATIONAL EMTV NEWS
6.30	HEY HEY IT'S (G)
	SATURDAY
8.30	NCDC NEWS (G)
9.00	BURK'S BACKYARD (G)
10.00	HAWAII 5-0
11.00	GILLETTE
11.30	SPECIAL
12.45	RUGBY LEAGUE
2.47	2ND TEST
	MEDIATION WITH PASTOR WALO ARNI
3.00	STATION CLOSE
	SUNDAY 6TH NOVEMBER, 1994
6.52	STATION OPEN



PNG TOP TWENTY

AS AT 29/10/94

NO.	SONG	ARTIST
1 (1)	<i>Manus Island</i>	K Lucas
2 (2)	<i>Solwara Wasim</i>	P Pomahun
3 (3)	<i>Kolwin</i>	L Kania
4 (4)	<i>My Love</i>	L Kania
5 (6)	<i>Sepik Meri</i>	B Greg
6 (7)	<i>Sare Sare</i>	Jerediah
7 (5)	<i>Sidaun Bagarap</i>	Sauga
8 (10)	<i>Cowboy Country</i>	Herove/Walters
9 (8)	<i>Kiss Me</i>	Jr Pullmates
10 (11)	<i>Santu Teresia</i>	P Pomahun
11 (9)	<i>Under The Boardwalk</i>	Wong/Doi
12 (12)	<i>Kela</i>	Sagothorns
13 (15)	<i>Tapalau Ti Mosbi</i>	K Lucas
14 (13)	<i>Dimul Kra</i>	Nokondi Nama
15 (14)	<i>Local Tourist</i>	C Kuskus
16 (16)	<i>Blue Ribbon</i>	Jr Kopex
17 (18)	<i>Everything I Own</i>	K Lucas
18 (0)	<i>Rabaul Taun</i>	Barike/Wong
19 (0)	<i>My Bougainville</i>	Dapsy Yapuk
20 (20)	<i>Lukluk Raun</i>	L Kania

• Ratings based on requests on Radio Kalang and not cassette sales.

ELA MOTORS - OL WIL BILONG NESEN

OLWANSOLWARA

COOK ISLANDS

Rakahanga
Pukapuka
Nassau
Manihiki
Penrhyn

Suwarrow



Palmerston

Aitutaki
Manuae
Mitiaro
Takutea
Atiu
Mauke
Mangaia
Rarotonga

VAVAU GROUP
Neafu
TONGA
VAVAU GROUP

HAAPAI GROUP
Kaoo
Pacific Ocean

NOMUKA GROUP OTU TOLU GROUP

TONGATAPU
Nuku'alofa
EUA

0 25 50 75 kilometres

Cook Islands na Tonga

Royal familli long Tonga

STORI bilong Royal familli bilong Tonga i stat moa long 1,000 yia i go pini.

King bilong Tonga em ol i save kolim olsem Tui Tonga. I gat bilip olsem king em i pikinini man bilong god Tangaloa 'Eitu-matupu'a husat i kamapim graun wantaim solwara na ol manmeri antap long en.

Long yia 1300 bhain long Jisas Krai i bon, king i lukautim Fiji na Samoa tu.

Ol misinari i kamap long Tonga na stapim ol pret wantaim bikhet na pait pasin. Kepten Cook mekim las lukluk raun bilong em i go long Tonga long 1777.

Bhain long dispela lukluk raun, bikpela pait o woa i kamap gen long Tonga. Wanpela yangpela sief ol i kolim Haapai wantaim ol sapota bilong em pait egens ol bikman na sapota bilong Tui Samoa tu.

Tonga, na kisisim Kristen pasin i go insat long ol alian.

Taifa ahau i kisisim baptismo long 1831 na kisisim nem George, bhainim nem bilong King bilong Inglan. Long 1845, em i kisisim nem olsem King George Tupou bilong Tonga.

King Tupou rausim pasin bilong manmeri i wok nating olsem leba o slev long narapela. Dispela slev pasin i bin stap strong aninit long Tui Tonga.

Mama lo i bin kamap long 1875 em ol i yusim yet tude. Long Me 18, 1900, Tonga i stap aninit long lukaut bilong Gret Briten. Long Jun 4, 1970, Tonga kisisim indipenden na kamap wanpela memba bilong ol Komonwel Kantri.

King Tupou IV i ranim nau kantri. Em i kisisim ples bilong mama bilong em, Kwin Salote long 1965.

Ol trupela ripot long Kuk Ailians na Tonga

Kuk Ailians:

Opisal nem: Kuk Ailians
Mama lo: Asosiated Teritori wantaim self gavman
Ya Kantri kisisim indipendens: 1965
Nem bilong biksiti bilong kantri: Avarua
Mama kantri yusim: Nu Silan dola
Nem bilong bikpela ples balus: Rarotonga
Nem bilong bikpela bris bilong sip i sua: Avarua na Aitutaki
Graun: Fiftin (15) alian olgeta i kamapim ol Kuk Ailian we i karamapim solwara eria bilong 2 milien skwe kilomita. Ol dispela alian i bruk i go long tupela hap o grup. Sispela liklik alian i stap long not, na 8-pela bikpela alian i stap long saut. Ol alian long saut i gat ol gutpela graun bilong gaden kakai i kamap gut bikos long ol maun-ten para alian.

Planti Polinesian pipel i stap long alian. Ol dispela pipel i gat kastom pasin na lukluk olsem bilong ol Maori pipel bilong Nu Silan. Maori em ol asples pipel bilong Nu Silan. Rarotonga i stap aninit long lukaut bilong Gret Briten long 1988. Bhain ol alian long saut tu i go aninit long lukaut bilong Gret Briten, na sampela yia bhain ol alian long not tu i bhainim.

Planti alian ya em ol waitman o siman i no krungutim long wanpela de o yia tasol. Sampela alian em Kepten Cook i painim na krungutim taim sip bilong em sel i go long hap.

Ol arapela siman olsem Spaniards de Queros ba Mendana, Kepten Patrickson, Kepten William Syve, London Misinari Sosaiti misinari, John William i lukim na krungutim tu sampela alian.

Rot bilong kisisim self gavman i kamap taim Legislativ Kaunsi i kamap long 1946. Long 1957, wanpela Legislativ Kaunsi i kamap wantaim Eksekutiv Komiti long 1962. Kabineti i kamap long 1964 wantaim Tui self gavman. Long 1965 ol pipel i vot long Legislativ Asembli long mun Epril. Albert Henry em i namba wan primia. Long Julai 1958, ol i rausim em long pawa na Dokta Tom Davis, lida bilong Demokratik Pati i tekova olsem primia. Mista Henry i lusim sia taim wok painimaut i go insat long lekseen long Mas 1978.

Tonga:
Opisal nem: Kingdom bilong Tonga
Mama lo: Monaki
Ya kisisim indipenden: 1970
Nem bilong biksiti bilong kantri: Nuku'alofa
Mama kantri yusim: Tongan dola
Nem bilong bikpela ples balus: Fuarano tu na Tongatapu
Nem bilong ol bikpela bris bilong sip i sua: Nuku'alofa, Neiatu na Vavau.

Graun: 169 alian olgeta i kamapim Tonga. Long ol dispela alian, 36 alian tasol em ol manmeri i save stap long en. I gat tribela grup bilong ol alian. Nem bilong ol em Tongatapu, Vavau na Haapai. Ol Tongatapu alian i stap long saut we moa long hap namba bilong pipel i stap long en, Vavau i stap long not na Haapai i stap namei.

Kepten James Cook kolim Tonga olsem 'Friendly Isles' bhain long em i go lukluk raun long hap long 1773. Dispela hap tok long inglis i min olsem ol pipel i welkamim gut tru ol ausait lain, na i no save kros. Tupela siman bilong kantri Dats, Schouten na Lamaitre em tupela namba wan Yuropien man long krungutim Tonga long 1616 taim tupela sel i go long hap. Tasman i krungutim alian long sem yia em i Fiji. Na Inglis Kepten Wallis i lukluk raun long ol alian long not bilong Tonga long 1767. Ol wok painimaut i soim olsem ol Tonga pipel i stap long ol alian moa long 1600 yia i go pini, bipo long Jisas Krai i bon.



Tantanu givim kain kain kaikai long ol Siwai



Dispela em i wanpela tumbuna stori bilong ol pipel bilong Siwai long Bogenvil long wanem rot tur na ol i gat ol gutpela kaikai.

Bipo bipo tru long taim bilong ol tumbuna, i no bin gat gutpela kaikai long Siwai. Ol papamama bai lusim ples long olgeta moning na go long bus long painim kaikai. Long ples bai ol i lusim ol lapun wantaim ol pikinini tasol i stap. Bihain long apinun ol bai karim ol kaikai ol i painim long bus i kam bek gen long ples.

Long wanpela dei, taim olgeta papamama i go pinis long bus, ol manki i lukim wanpela longpela na smatpela man i wokabout i kam long ples bilong ol. Em i wokabout i kam long ples bilong ol. em i wokabout i kam na sanap stret namel long

ples we garamut i save stap.

Man ya i kirap na askim ol manki long wanem hap tru ol papamama bilong ol i go. Na ol pikinini i tokim man ya olsem ol papamama bilong ol i go painim kaikai long bus. Man ya i askim ol tu olsem wanem kaikai tru ol i go painim na ol manki i kolim nem bilong dispela kaikai ya olsem Kuhro. Dispela kaikai em wanpela pikinini bilong diwai.

Sampela taim ol papamama bilong ol i save laki na ol bai kilim kapul, mumut o pik na ol bai gat planti abus long kaikai. Na tu i gat planti abus olsem pis, kindam na ol narapela long ol liklik han wara we ol i ken holim na karim i go long ples. Olsem na taim ol papamama i save kamap long ples long nait liklik.

Dispela man ya em Meka Tantanu. Tasol em i no laik tokim ol manki long nem bilong em. Meka Tantanu em i wanpela man olsem God o bikipela spirit em ol pipel bilong Siwai i save bilip long en.

Orait, Tantanu i kirap na tokim ol liklik manki



ya long go kisim wanpela bikipela sospen tru i kam na boilim wara. Ol manki i harim tasol wanem samting em i tokim ol. Long wanem ol i laik lukim wanem samting em bai mekim.

Taim wara long sospen i boil nau, em i tokim ol manki long rausim ai bilong sospen. Na tokim ol olsem em bai kalap i go insait na ol bai pasim get ai bilong sospen. Orait, taim wara i boil nau na Tan-

tanu i kalap i go insait na ol manki i pasim ai bilong sospen gen.

Ol manki ya i wet longpela taim tru nau na ol i save pinis olsem man ya i mas dai pinis na ol i opim sospen.

Tasol taim ol i opim ol i lukim ol kain kain gutpela kaikai i stap insait long sospen. Na Tantanu yet i kirap na wokabout i go pinis long ples bilong em, waswas gut pinis, na tanim i kam bek gen.

Taim ol manki i lukim em i kam, ol i ting olsem em tewel bilong man ya i kam bek gen. Na ol i pret nogut tru na laik ranawe tasol em i tokim ol olsem em i no tewel.

Olsem na ol manki i kam bek long em na em i tokim ol olsem ol i traim na kaikai ol dispela kaikai em i givim long ol. Orait ol manki i traim na swit nogut tru na sampela ol i putim i stap. Tantanu i tokim ol long ol nem bilong ol kaikai ya olsem taro, banana na olgeta kain kain em i givim long ol. Na ol i mas planim sampela bilong ol dispela kaikai.

Tasol ol manki i tokim em olsem sapos ol papamama bilong ol i kam na askim ol bai ol i tok wanem.

Em i tokim ol manki ya olsem sapos ol lain bilong ol i kam, ol i mas tok olsem Meka Tantanu i givim. Na taim em i tok olsem, em i lus nating.

Taim ol papamama bilong ol manki i kam bek na harim wanem samting i kamap na lukim ol kaikai, ol i amamas nogut tru long God bilong ol i givim kaikai long ol.



Papa Kanage i mauswara na raun raun long Wewak taun na lukim wanpela yangpela angelo bilong PS Kantri i putim longpela jin trausis na so op raun i stap. Paps Kanage lukim dispela yangpela meri na em i pilim olsem em i laik waswas long kol wara bilong blu maunten bilong Yanggy taun (Yangoru).

Mekim i go nogat na Kanage tokim meri ya olsem: Maski yo susa, olgeta samting maski, trausis tasol i kam na mi klinim tuhat long pohet bilong mi. "Kain tok pisin bilong Kanage tasol na yangpela meri i kisim filings stret. Na em tokim Kanage olsem, sore, yu kisim trausis tasol bai i no inap gutpela. Moabeta yu tok stret na mi givim yu olgeta klos na mi yet na tu bodi na sol bilong mi. "Kanage harim meri ya i tok olsem na em i tokim meri ya: Kain olsem bai mi halaim wanpela split bot na mitupela i slip wan antap long solwara.

KANAGE BOS

WEWAK

Kanage i go long Aitape long Sandaun wantaim wanpela poroman bilong em. Tupela i go stap na wanpela taim tupela i go raun long Aitape taun. Tupela raun i go na lukim wanpela sta bilong moning bilong ailan Ali (meri).

Kanage lukim meri ya na em i tokim poroman bilong em olsem: "O brata, dispela meri ya i no meri ya. Em i luk olsem wanpela meri long hap bilong Tahiti o Westen Samoa. Poroman bilong Kanage kirap na tokim em: "Sapos yu holim em bai yu mekim wanem? "Kanage isi tasol kirap na tokim poroman bilong em: Se poro, yu no tok olsem, sapos mi gat wanpela liklik sans long holim em, bai mi no inap askim em long mekim wanpela long em. No gat, tru stret, bai mi askim em sapos em inap givim tokorait long mi karim em na ron samting olsem 20 kilomita. Na sapos namel long dispela 20 kilomita pipia i pas long skin bilong em, mi bai baim sop, omo, bras na sempo na wasim em pinis, na wisel long ia bilong em i go inap em i slip."

KANAGE LEWA

WEWAK

Wanpela meri bilong PS Kantri i lukim Kanage long Wewak na i ting Kanage i bilong Kerema. Olsem na em so op na go klostu long Kanage na askim em. Bras, yu bilong Kerema a?, Kanage harim na wokabout i go klostu long meri ya na askim em: "Wanem hap bilong bodi bilong mi i mekim na yu ting mi bilong Kerema? Meri ya i lap man tokim Kanage: Saki, yu askim gen long wanem? Askim bilong mi, mi askim yu. Olsem na yu yet skelim na bekim. Kanage harim olsem na tokim em: Gutpela tok pisin bilong yu. Tasol mi mas tok klia long yu olsem sapos yu skelim olgeta hap bilong bodi bilong mi, bai yu luksave olsem mi no bilong Kerema. Tasol sapos yu givim sans long mi, dispela taim bai yu skelim askim bilong yu yet na luksave olsem taim wara bilong Kerema na Sepik i tait, bikhet bilong tupela i wankain. Hau bai yu save na hau bai yu skelim, bikos tupela wara wantaim i wankain."

JOKE MASTER

PS KANTRI

Paps Kanage i go raun long wanpela Betde pati bilong pikinini bilong tambu meri bilong em. Em i go sindaun wantaim ol arapela na pulim stori i stap na wanpela song i kamap long redio we Basil Greg i singsing long PNG Top 20 long Sepik meri.

Tambu meri bilong Kanage harim na tok, "sore, yu singsing long meri Sepik. Sapos em i holim yu, yu ting em bai isi isi long yu. Em bai spetim yu wansait stret ya. "Kanage harim tambu meri bilong em tok olsem na i tokim liklik brata bilong em: Boinieng, kain tok pisin bilong yupela ol Sepik tasol na ol arapela lain i save tok olsem Man maski pasin tasol. Bikos pasin i stap long man na i no man i stap long pasin".

HOX AMOS

WEWAK

Boipren baim mi pinis, tasol em gat pikinini long ol arapela meri, na tu paitim mi oltaim

Dia Laiplain,

Bipo long mi bungim boipren bilong mi, em i raun wantaim wanpela meri. Na meri ya i karim bel long en. Tasol taim mitupela i pren, em i no haitim wanpela samting long mi. Em i tokim mi long olgeta samting em i wokim bipo.

Long nau, boipren ya i stap wok long narapela provins, longwe long mi. Na mi painimaut olsem narapela meri i gat bel gen long en. Tasol em i strong yet long maritim mi. Em i baim mi pinis.

Bikos mitupela i pren long longpela taim na planti lain i save long pren bilong mitupela, mi no laik semim papamama bilong mi o bagarapim nem bilong mi long lusim em.

Wanpela samting tu em taim mitupela i stap wantaim, em i save paitim mi nogut tru. Olsem na mi pret. Olsem wanem bai mi mekim boipren i respektem mi?

NOT SURE

Dia Pren,

Mipela luksave long wari bilong yu long pasin we boipren bilong yu i mekim. Dispela em long mekim narapela meri i karim bel taim em i stap longwe long yu. Na tu narapela meri husat i gat bel long en i mas wari tu ya. Askim bilong mipela i go olsem, boipren ya i wokim sampela samting long sapatim meri ya husat em i gat pikinini long en, bipo long yutupela i bung?

Orait, boipren i baim yu pinis. Dispela i min olsem em i gat bikipela laik long maritim yu. Tasol dispela bai wanem kain marit ya? Long nau yet taim yutupela i stap boi na gelpren, em i save paitim yu. Dispela em taim em i no amamas long sampela samting yu mekim. Na em i no

gutpela stat long laip bilong tupela pipel husat i mas laikim wanpela na narapela na stap pas wantaim long marit laip.

Dispela wod "lav" o laikim wanpela narapela i karim planti na kainkain mining long yumi ol wanwan manmeri. Long gutpela marit we tupela man na meri na famili i stap amamas, lav i min olsem "mi kea long yu o mi bai lukautim yu gut. Mi bai mekim ol samting long mekim yu amamas. Mi no laik mekim samting long bagarapim amamas na gutpela sindaun bilong yu."

Tasol long sampela manmeri tu, lav i gat narakain mining. Em i ken min olsem "mi laik amamasim laik bilong mi tasol". Dispela i no trupela lav. Em i griti lav. Dispela kain marit i no inap bringim amamas inap long man na

meri i luksave olsem lav em i min givim bes bilong wanpela long narapela long pasin bilong soim kea, rispek na mekim narapela i amamas. Lav i min wanem samting long yu? Wanem ol kain samting i save mekim yu amamas? Mipela i no minim olsem ol samting yu baim na givim wanpela na narapela long mekim ol i amamas. Mipela i min long tupela marit i toktok, toktok long ol wari bilong tupela, lukautim wanpela na narapela long taim bilong sik, na tu helpim wanpela na narapela long taim bilong ol kainkain hevi.

Narapela samting tu we yu toktok long en em bikipela laik bilong yu long maritim yet boipren bilong yu. Yu ting olsem bai ol arapela manmeri i toktok baksait sapos yu senisim tingting bilong

yu? Antap long em tu, bai yu semim papamama bilong yu?


Yu wari tumas long wanem samting ol narapela pipel bai tingting long yu. Tasol mipela i tokim yu olsem yu yet mas mekim tingting bilong yu. Bikos tingting bilong yu yet em bikipela samting. Wanem samting i kamap long laip bilong yu long nau na bihain taim i stap long wanem tokorait yu mekim nau. Orait, yu yet bai karim sem na pen sapos yu maritim boipren bilong yu na em i go hetim pasin we em i mekim nau. Long sait bilong papamama

bilong yu, yu ting olsem wanem? Ol bai amamas long lukim yu maritim boipren ya na karim pen long kain pasin bilong em o long kisim liklik sem taim yu brukim prensip bilong yutupela.

Olsem wanem, yu toktok pinis long boipren bilong yu long pasin we em i mekim long paitim, na watpo tru em i mekim dispela pasin? Yu toktok tu wantaim papamama long ol wari bilong yu? Ol bai no laik lukim sindaun bilong yu i go nogut. Mipela i ting olsem em i moabeta long pilim liklik sem nau.

MI LAIPLAIN

SKRUIIM TOK ANSA



Man na meri stori long laip long Bogenvil

Louis na Lysa Nicky em wanpela marit bilong Nissan Ailan, wanpela long ol liklik ailan insait long Not Solomons provins.

Tupela marit ya i gat faivpela pikinini. Tripela pikinini i bilong ol yet. Na narapela tupela em ol lukaut pikinini bilong ol. Ol bin stap long Sentrel Bogenvil long taim bilong bikpela hevi long ailan. Hia nau stori bilong famili na laip bilong ol long ol maunten baksait long Arawa insait long lasp faivpela yla bilong Bogenvil hevi, inap long ol i lusim ples hait bilong ol long kam long Arawa long taim bilong Bogenvil Pis Konprens, tripela wik i go pinis. Famili ya i bin kalap long sip long go bek long Nisan wantaim ol lain Buka husat i kam long konprens. Lysa Nicky i story long Wantok ripota Aloysius Sam

TAIM mipela harim olsem bai gat Bogenvil Pis Konprens i kamap long Arawa, dispela i bringim nupela hop long mipela. Sans long mipela i kamaut long bus na go sindaun gut long ples bilong mipela.

Long mipela, ples i stap longwe long biksolwara. Em long Nisan ailan. Tasol long tripela yia bilong ol hevi long Bogenvil, mipela i stap long Arawa, inap long taim ol ami i kam sindaun long Tunuru long 1992, mipela i ranawe i go hait long ol maunten long Arawa na antap. Rosario na prea long Bikman Antap i strongim mipela long ol hatpela taim we mipela i bungim long laip bilong mipela long bus.

Orait, taim pis konprens i bin on yet, man bilong mi Louis i kam daun long Arawa long sekap long wanem rot tru mipela i ken bihainim long go bek long asples bilong mipela long Nisan.

Long Mande Oktoba 10, samting olsem 10 kilok nait, Louis i kam bek long bus. Neks moning Tunde Oktoba 11, mipela famili i lusim hap we mipela i save stap long en. Hap ples ya em i stap klostu long Dongoto na hap we bikpela ston tru i stap long en.

Ol pipel we mipela i stap wantaim long taim bilong hevi i sori tru long mipela i lusim ol. Ol laik bai mipela i wokim liklik sindaun

muv lusim wanpela hap we mipela i stap long en taim ol BRA i tokim mipela long muv. Bikos long pait namel long ol na ol sekyuriti fos, ol i oltaim surukim mipela ol sivilien o ol man nating i go long narapela hap long lukautim sefti bilong mipela.

Mipela i no save kisim wanpela helpim tru wantaim ol klos samting. Na ol pikinini i no save kisim marasin liklik. Tasol wanpela gutpela samting mi lukim em ol pikinini ino save kisim sik klostu tumas.

Tasol taim mipela i ranawe i go long bus long fes taim mipela i no save wanem hap tru bai mipela i go long en. Dispela em taim ol ami i sindaun long Tunuru Misin long 1992.

Ol BRA i tokim mipela olgeta long lusim Arawa taun na go longwe liklik. Dispela em mipela olgeta lain husat i stap long Arawa taun. Orait, mipela i go stap long Rumba wantaim ol lain husat i lotu long Seven De Edventis Sios. Tasol taim ol ami i kam raun long Arawa haus sik na ol ples klostu, mi kisim ol pikinini na wokabaut bihainim wanpela wara i kam long ples ol i kolim long Kiriano. Dispela em wanpela ples antap long Rorovana. Bihain ol BRA i tokim mipela long lusim dispela hap na mipela i muv i go long Piruana. Maski mipela i



• Ol Buka meri i kam long sip na sua long Loloho long kamap long kibung long Arawa, em i no bin kamap.

bipo long mipela i go, tasol mipela i tokim ol maski, taim nogut tu ya. Mipela i no save tu bai wokabaut bilong mipela i olsem wanem. Na ol i krai. Mi tu mi sori tru long ol lain we mipela i bungim hatpela taim wantaim na mipela i krai wantaim ol. Toktok bilong ol tu i mekim mi sori tru. Long wanem ol i tok, em i orait yupela i go long ples na sindaun gut. Bai yupela ino inap long karim hevi olsem yumi bungim long hia. Tasol hap tok mi givim long ol em, mi ino inap lus tingting long dispela hap bus we yumi bin stap hait long en. Em wanpela hatpela laip stret ya. Tasol mi tokim ol olsem wanem samting yumi mekim long olgeta taim, yumi mas muv i go fowod. Mipela tu ino bilong dispela hap na olsem mipela i painim hat tru long adjas long kain laip long maunten.

Long Fraide Oktoba 15, mipela i lusim Arawa wantaim ol lain bilong Buka long kalap long sip na go long Buka bipo long sip i go long Nissan na ol arapela liklik ailan. Long Buka, mi amamas tru long bungim ol pren bilong mi we mi wok wantaim bipo long gut taim. Em ol meri olsem Helen Hakena, Celine Kiroha na ol arapela lain moa. Mi stori wantaim ol long hatpela laip we mipela i bungim long stap bilong mipela long ol maunten bilong Sentrel Bogenvil. Na aiwara i pondaun tu bikos mipela i kamaut long hap nogut wantaim ol sori stori. Na hau mipela wantaim ol pikinini i riskim laip bilong mipela long taim pait i stap yet. Na tu hau mipela i nogat kaikai tru, mipela ino sakim tok. Mipela i pret, pasim maus tasol na bihainim tok tasol.

Mipela i kamap long wanpela ples ol i kolim long Ari na stap long hap long tripela mun. Trabel i kamap gen bikos long wanpela sutaut namel long ol BRA na ol lain sekyuriti fos memba klostu long ples Bavaire antap tasol long Arawa na mipela i muv gen. Em i hat tru long mi long pulim ol pikinini i go antap long maunten bikos planti taim ol i save krai. Nogat kaikai bilong mipela famili tu na mi save wari tru. Tasol sampela gutpela lain we mipela i bungim long maunten i helpim gut tru mipela wantaim ol kaikai samting.

Orait, laspela hap we mipela i

ol pikinini, mipela bai no inap save ya. Maski ren i puondaun na bebi inogat gutpela karamap, mipela i wokabaut go tasol painim ol pikinini.

Hap nius we wanpela lapun mipela i bungim i mekim mi wari nogut tru. Em long em i tok ol haus bilong mipela i paia. Ol ami i kukim dispela ples. Mi wari nau long liklik klos bilong mipela, moa yet, long ol pikinini. Tude stret ol pikinini bai nogat klos. Olsem na lewa bilong mi i seksek tru nau ya. Mitupela Louis na liklik pikinini i tanim hariap i go bek. Tasol laki tru haus bilong mipela i sanap yet i stap.

Tingting bilong mi i no orait yet bikos mi no painim yet foapela pikinini bilong mitupela. Ol i lus yet. Olsem na mi sindaun long arere bilong wara na aiwara bilong mi tu i pondaun. Mi sindaun i go i go na mi wok long pre i stapwantaim aiwara bilong mi. Mi wok long toktok long God long ol pikinini bilong mi na askim em sapos em i laik long ol i kam bek long mi, orait soim ol long mi nau. Mi sindaun i stap na milukim tupela pikinini i kam. Fes na sekon bon wantaim. Mipela i amamas long stap wantaim gen. Narapela tupela pikinini tu i kam bek bihain long ol i stap wantaim wanpela famili Rorovana

Bikos dispela ples we mipela i stap long en i paia pinis, ol pipel i lusim hap ya tu. Olsem na wanpela man nem bilong em Clement Kabui i singautim mipela famili long go wantaim em. Mipela go stap nau long Dongoto inap long Oktoba 11 taim Bogenvil Pis Konprens i stap na mipela i kam daun long Arawa. Na painim rot i go bek long ples bilong mipela, Nissan, bihain long faivpela yia long stap long ples bilong pait long Sentrel Bogenvil.



• Praim Minista Sir Julius Chan i toktok taim em i opim kibung long Arawa we ol BRA lida olsem Francis Ona, Sam Kaouana na Joseph Kabui no kamap.




• Meri ya em Elizabeth Buraln. Em i makim ol meri long Not Solomon provins. na askim olsem wok bilong bringim gutpela sindaun go bek long Bogenvil i mas go pas long arapela wok bilong gevman.


Makim nupela Kampani Logo WORD PUBLISHING Co

WORD

**YU
INAP WINIM**



7 de holide raun wantaim poro long
Trobrian Ailan antap long Melanesian Discoverer
o wanpela Apple Macintosh LC575 Komputa i kam
long Business Systems, o wanpela Rheem Sola
hot wara sistem na wanpela Honda EM4500 sx
Jenereta i kam long Steamships Hardware



Pilim tasol wanpela fom bilong resis insait long The Times, Wantok o Weekend Sport.
Yu ken salim planti entri sapos yu laik, tasol wanwan entri i mas stap long wanwan fom.
Resis bai pas long Mande Novemba 28. Na ansa bilong resis bai kamap long
The Times, Wantok na Weekend Sport long desemba 22, 23 na Janueri PNG Business.

KISIM ENTRI FOM BILONG YU NAU LONG KOPI BILONG...



Dispela logo bai yusim wantaim nem bilong wanwan niuspepa long mastahed bilong The Times, wantok na Weekend Sport long makim ol niuspepa bilong Wod wantaim sain bilong kampani.



Word Publishing bai makim tripela entri long dispela oda, namba wan, namba tu na namba tri.
Ol logo i mas makim spirit bilong Papua Niugini na mak bilong kam pani.
Namba wan wina bai makim wanpela bilong tripela prais
Namba tu wina bai makim long tupela prais i lep
Na namba tri wina bai kisim las prais.

Word Publishing em trupela nesenei niuspepa kampani bilong Papua Niugini. Em i save putim aut ol niuspepa long Inglis na Tok Pisin. Na i bin givim sevis i go long ol pipel long 24 yia nau. Na tu i no save pret long autim o tokaut long ol bikpela senis kantri i bungim.
Kampani i kamap long toktok long humen developmen, lukautim ol bus graun wantaim solwara na abus, yusim ol samting bilong graun long gutpela pasin, na ripotim ol trupela samting. Kampani i egens ol pasin i no bihainim lo, na holim glas bilong ol pipel bikos em i promotim ol gutpela toktok na pasin bilong God.
Foapela bikpela sios long Papua Niugini i papa long Word Publishing. Nem bilong ol em Katolik, Luteran, Engliken na Yunaited Sios.

Word Publishing Company Pty Ltd

Spring Garden Road, Hohola, NCD, PNG

WORD LOGO COMPETITION ENTRY FORM**POST this entry to:**

WORD Logo Competition
PO Box 1982
Boroko NCD PNG

OR deliver it between 8.00 am & 5.00 pm weekdays

[Monday to Friday except public holidays] to:

WORD Publishing Co Pty Ltd
Spring Garden Road
Hohola NCD PNG

Closing date for entries is Monday, November 28 1994, 5.00 pm.

Please print carefully

This entry is from:
 [Name of Entrant] _____

Village or Town: _____

District: _____

Province: _____

Address for Post _____

Office mail delivery: _____

Is a telephone available? No _____ Yes _____ Phone Number: _____

In submitting this entry in the WORD Logo Competition I accept and agree to abide by the conditions of entry printed on this sheet.

Signed: _____ [Entrant] Date: ____ / ____ / ____

Draw your logo design here

Note: The box above is the same width as the mast head on page one of The Times, Wantok, Weekend Sport and PNG Business

THE COMPETITION

Word Publishing Co Pty Ltd (Word) plans to introduce a new company logo.

Readers of the company's weekly newspapers, The Times of Papua New Guinea (The Times), Wantok and Weekend Sport, and the monthly PNG Business who are resident in Papua New Guinea are invited to submit designs (entries) for consideration by the Board of Word.

CONDITIONS OF ENTRY

1. There is no charge to enter and a reader may submit any number of entries but each entry must be drawn on, or must be attached to, a separate entry form published in either The Times, Wantok, Weekend Sport or PNG Business in an issue dated not earlier than October 20 1994 nor later than November 25 1994.

2. Entries may be:

- drawn by hand, by using artists instruments or by computer;
- drawn in a single colour or in a number of colours;
- designed to be placed to the left of the name of the newspaper in a masthead, or

above or below the name, or linked with the name across the full width of the masthead.

3. All entries received at the office of Word, Spring Garden Rd, Hohola, NCD, during office hours, from 8.00 am to 5.00 pm on weekdays (Monday to Friday excluding public holidays) or by post through PO Box 1982, Boroko, NCD, by 5.00 pm on Monday, November 28 1994 will be considered.

4. Entries received after 5.00 pm on Monday November 28 1994 will not be considered.

5. All entries received become the property of Word and may be used or not used as a logo or for publicity at the sole discretion of the Board of Directors.

6. The Board may select any entry or combine more than one entry or decline to use any of the entries received or modify a selected entry in the preparation of a logo.

7. The Board will select three entries in the order first, second and third. It will base its selection on the way in which entries reflect the spirit of Papua New Guinea and the charter of Word Publishing Co Pty Ltd.

8. The person named as the entrant on each of those three entries will receive one of the prizes listed in note 9 in the following way. The first will select one of the three prizes. The second will then select one of the two remaining prizes. The third will receive the sole remaining prize.

9. The three prizes are:

- A 7-day holiday cruise for two persons aboard the Melanesian Discoverer in the Trobriand Islands, flying to and from the cruise ship at Madang or Alotau. Approximate value K3,500.

The holiday will be taken on a date and with connecting transport arrangements agreed by Melanesian Tourist Services.

- An Apple Macintosh LC575 personal computer with 5 MB RAM, 160 MB HD, and built in CD ROM player with colour monitor from Business Systems, delivered to any point which can be reached by scheduled air service, normal road vehicle transport or coastal shipping service except in areas closed by government order. Approximate value K3,500.

- A Rheem 300 litre solar hot water sys-

tem, including collector panels, and a Honda EM4500SX generator from Steamships Hardware, delivered and installed at any point which can be reached by scheduled air service, normal road vehicle transport or coastal shipping service except in areas closed by government order. Approximate value K3,500.

10. The selection of winning entries and the use of any of those entries as a logo or in the preparation of a logo shall be entirely at the discretion of the Board of Word and no correspondence will be entered into.

11. Entrants must be residents of Papua New Guinea. Employees of Word Publishing Co Pty Ltd and members of their immediate families are not eligible to enter the competition.

12. The names of the prize winners will be announced in the issues of The Times, Wantok and Weekend Sport which will be published on December 22, 23 1994 and in the January issue of PNG Business. Those persons will then be contacted to determine their selection of prizes.

WANTOK

NIUSPEPA BILONG OL PAPIA NIUGINI STRET

PABLIK NOTIS

Sapos yu laik advertais, telephon 25 2500 na askim long

Ph: Miri Aiori Ext. 203
Jeffrey Maliou Ext. 216
Joe Naime Ext. 232**PNG'S only Business newspaper!**
PNG BUSINESS

40¢

**POSITION VACANT****PNG COCOA & COCONUT RESEARCH INSTITUTE**

The PNG CCRI is situated in a pleasant location at Keravat approximately 35km from Kokopo and Rabaul in the East New Britain province. A second research station is being developed in Madang province and Extension Liaison Centres in East Sepik, New Ireland and North Solomons. The PNG CCRI is charged with the responsibility for cocoa and coconut research and development for the nation.

The Institute is seeking suitably qualified and experienced persons for the following positions.

1. SENIOR ACCOUNTANT/COMPANY SECRETARYDuties & Responsibilities

The incumbent reports directly to the Institute Director as Head of the Accounts Section and Company Secretary. Responsibilities include leadership, management and supervision of the Accounts Section and on-the-job training and development of staff. The person will be responsible for the timely preparation and presentation of annual budgets, monthly and quarterly management accounts and finalising annual and statutory accounts after year end. Preparation of special accounts are also required by overseas funding agencies. These reports are required for the Board on a quarterly basis. Progressive maintenance and development of the computerised accounting system will be necessary.

Minimum Qualifications

The person sought for this position must have a University degree in Accountancy or Commerce with at least 7 years experience in a senior accounting and/or company secretarial position. Experience in computerised accounting system (Omnis 7) and spreadsheets (Lotus 123, Excel, DBase III/IV) would be an advantage. Persons with PNGAA qualification or those seriously seeking such are encouraged to apply. The position demands a highly motivated professional person, mature in personal and moral character with the ability to lead by example, be prepared to fit in well with a team of professionals and to work under pressure at times. The person will perform company secretarial duties normally required and in compliance with the provisions of the Companies Act.

Please Note: Those who have previously applied for this position need not apply again.

2. SENIOR PLANT PATHOLOGIST

A highly motivated, qualified and experienced plant pathologist is required for the position of Head of Section. The duties will include formulation of research proposals, implementation of the cocoa and coconut pathology research programme, and overall administration of the Section. High quality research is required. The work focuses on the major diseases of cocoa *Phytophthora palmivora* and Vascular Streak Dieback (VSD) with an emphasis on the practical application of research findings. The Pathology Section is part of an interdisciplinary operation and so a strong sense of cooperation and team spirit is essential. The Head of Section will be required to promote the training of national scientists to M.Sc and Ph.D levels and to publish research findings and extension bulletins.

The successful applicant will hold a holder a higher research degree, preferably Ph.D., in plant pathology and a proven record of research. Experience with cocoa and coconuts or other tropical tree crops would be a distinct advantage.

Remuneration

Both positions offer an attractive salary, fully furnished high covenant house, vehicle, educational, medical and other staff benefits.

Written application with CV and a minimum of three references are to be sent to the address below no later than 11 November 1994.

The Institute Director
PNG Cocoa & Coconut Research Institute
PO Keravat
East New Britain

Phone: 93 9131/93 9108
Fax: 93 9115

BETELNUTS & SAGO**NEW PRICES FOR BETELNUTS 86 2743**

WEWAK/HAGEN	K218 - for ONE 50 Kg Bag
WEWAK/HAGEN	K792 - for FOUR 50 Kg Bags
WEWAK/MORESBY	K286 - for ONE 50 Kg Bags
WEWAK/MORESBY	K920 - for FOUR 50 Kg Bags
WEWAK/TARI	K264 - for ONE 50 Kg Bag
WEWAK/MENDI	K253 - for ONE 50 Kg Bag
WEWAK/TABUBIL	K260 - for ONE 50 Kg Bag
WEWAK/LAE	K240 - for ONE 50 Kg Bag
WEWAK/MADANG	K213 - for ONE 50 Kg Bag
WEWAK/VANIMO	K213 - for ONE 50 Kg Bag
WEWAK/GOROKA	K219 - for ONE 50 Kg Bag
WEWAK/HAGEN	K100 - for ONE 25 Kg Bag
WEWAK/OTHERS	K120 - for ONE 25 Kg Bag
DAKA OR MUSTARDS	
WEWAK/HAGEN	K80 - for ONE 25 Kg Bag
WEWAK to OTHERS	K100 - for ONE 25 Kg Bag
SAKSAK OR SAGO	
WEWAK to HAGEN	K40 - for ONE 25 Kg Bag

Cost includes Air Freight.

Contact: Peter Devis, Dagua Market, P.O. Box 89, Wewak.

For Sale**WINDSCREENS**

to suit most models

from: **K250.00** only

Available at Boroko Motors

PABLIK NOTIS

PNG Cocoa & Coconut
Research Institute i laik
toksave olsem Pos Opis
namba na telepon namba
bilong em i senis pinis bikos
long hevi bilong Rabaul
volkanu. Olgeta wok o oda
bilong kokoa i mas go nau
long dispela adres:

THE INSTITUTE
DIRECTOR
PNG COCOA & COCONUT
RESEARCH INSTITUTE
PO KERAVAL
E.N.B.P

Telepon: 93 9131 o 93 9108
Fax: 939115

PABLIK NOTIS

PNG Cocoa na Coconut research Institute i laik toksave long olgeta kastoma bilong em olsem; bikos long bagarap bilong vokanu long ol ples long Rabaul, Tavilo neseri bai i no inap long givim ol pikinini kakao na kokonas long planim inap 8-pela mun samting.

Plis salim olgeta toksave i kam long Tavilo Plentesen long dispela edres:

Institute Director

PNG CCRI

PO Keravat

ENBP

Telepon 93 9131/93 9108

PNG

BUSINESS

40¢

**PNG
BUSINESS
1994**

*HURRY !!
BUY A COPY TODAY....*

**Your one and only BUSINESS newspaper
is out, and in your nearest Newsagent!!**

November issue coming out soon!!



RIPOT BILONG HON, DAVID MAI MP, MINISTA BILONG KOMES NA INDASTRI LONG TAIM RT HON DON MCKINNON, NU SILAN DEPUTI PRAIM MINISTA NA MINISTA BILONG FOREN AFES NA TRED I BIN KAM LONG PAPUA NIUGINI.

I go long Rt Hon Don McKinnon, Diputi Praim Minista na Minista bilong Foren Afes na Tred long Nu Silan na ol opisa bilong em, mi laik tok welkam long yupela long Papua Niugini.

Diputi Praim Minista,
Raun bilong yu i kam long Papua Niugini i makim narapela bikpela raun ol arapela lida bilong Pasifik olsem Praim Minista, Sitiveni Rabuka bilong Fiji, Kraun Prins bilong Tonga; Prins Tupouto's, Presiden Amata Kabua bilong Marshall Ailan na Praim Minista bilong Vanuatu Hon Maxime Carlot Korman i bin mekim long kamap long PNG long dispela yia.

Dispela kain raun olsem i makim laik na interes bilong ol lida insait long dispela rijen long skelim wok na tingting long kamapim gutpela wok insait long kantri na ol pipel.

Raun bilong yu i makim tu dispela wok poroman insait long Saut Pasifik rijen na tu long Papua Niugini.

Olsem Praim Minista bilong mi na minista bilong Foren Afes na Tred, Sir Julius Chan i bin tokaut pinis long kibung bilong Saut Pasifik Ailan Nesen long dispela yia olsem wok bilong mekim na bungim olgeta kantri long Pasifik rijen wantaim em long kamapim ol wok bilong go het moa. Ol toktok we tred na trenspot i mas go pas long kirapim toktok long stretim.

Dispela toktok i bikpela mak Papua Niugini i sanap long en aninit long nem, "Working the Pacific". Dispela mak i putim Australia na Nu Silan i stap long rait han bilong em olsem bikpela sapot ol wok poroman long ovasis.

Mi amamas long lukim gutpela wok poroman bilong PNG na Nu Silan long ol eria olsem wok bisnis, ol helpim long wok developmen, helpim long Difens Fos na tu long ol ron bilong balus.

Wanpela nupela eria mi ting yumi mas lukim na wok moa klostu long nau em, wok bisnis bilong salim na baim ol kago samting na bisnis invesmen. Long nau yet tred balens i moa long Nu Silan tasol invesmen long Nu Silan i wok long pundaun.

Gavman bilong PNG i laik wok moa klostu long dispela eria. Dispela wok bai kamap ples klia taim gavman bilong mipela wantaim ol praivet bisnis grup i kamapim wanpela raun bilong soim ol kago na samting bilong Papua Niugini raun long Nu Silan long Disemba bilong dispela yia.

Long strongim tu dispela wok na tingting bilong PNG gavman, bai mipela i stretim gut ol wok bilong ron long balus long kantri bilong mipela na arapela kantri long mekim ron bilong balus i moa gutpela wantaim ol samting mipela i laikim i kam o salim i go long ovasis. Long dispela, bai

mipela i kamapim gutpela rot bilong mekim ol samting long PNG na Nu Silan i moa isi na gutpela long dispela rot.

Dispela rot tu bai helpim o manmeri long i go i kam long lainim ol samting na kirapim gutpela tingting na wok bisnis, sosel na lainim ol arapela pasin bilong tupela kantri wantaim.

Gavman bilong mi i amamas na tok welkam yet long ol helpim bilong Nu Silan.

Long ol yia bipo, mipela i save kisim planti gutpela helpim long wok agrikalsa long Nu Silan. Nau mi laik tok welkam long dispela rot bilong kirapim level bilong wok helpim insait long ol developmen we Nu Silan i save givim long Australia.

Helpim Nu Silan i givim long kisim ol yangpela skul manmeri bilong mipela i go skul long hap i gutpela na bikpela sapot tru long Yumen Risos developmen bilong mipela long helpim Papua Niugini kamap gut na kamapim ol gutpela lida bilong kantri long bihain taim.

Mipela i tok welkam tu long dispela rot Nu Silan i laik mekim long helpim na stretim rot bilong pablik sekta trening eria we i ken helpim long salim ol sevis na samting i go gut long ol manmeri. Mipela i amamas long dispela bikos Nu Silan yet i gat gutpela sistem tru long dispela eria bilong ol sevis na helpim i go bihainim na kamap long ol pipel.

Diputi Praim Minista,
Mi no laik haitim ol sampela hevi we kantri bilong mipela long PNG i bungim nau. Tasol mipela i wok hat long traim stret na mipela i no pundaun tasol mipela i wok long go het yet. Dispela em bikos long ol kain helpim mipela i kisim long wantok long Pasifik Ailan rijen na tu long Nu Silan.

Bikpela samting Nu Silan gavman i givim em long helpim ol manmeri i kisim bagarap long bikpela ren na haiwara long Morobe, Saten Hailans provins, Is Nu Briten provins long volkanu. Nu Silan i helpim long salim ol ami bilong em i kam tu long was long Bogenvil Ailan long taim bilong stretim hevi namel long PNG gavman na BRA paitman.

Mipela i tingim ol dispela helpim bilong yupela na tok bikpela amamas tru long Nu Silan. Gavman bilong yupela wantaim ol manmeri bilong em i soim pasin tru olsem ol i gutpela pren tru bilong mipela ol Papua Niugini manmeri.

Long pinisim toktok, Diputi Praim Minista, mi amamas long yupela i kamap na mi ting bai yupela i tingim yet sampela gutpela samting yupela i bin raun na lukim pinis. Mi save olsem dispela bai givim yu wantaim ol lain opisa bilong yu sampela gutpela piksa bilong wok developmen na senis mipela i gat long en.

Tenkyu, na Te-na Ko-e.

RAGBI LIG

NIUS

LAE
BISCUIT



LAE
BISCUIT



KANGAROO Contenders

**NIGEL
GAFFEY
(EASTS)**

Full Name: Nigel John Gaffey
D.O.B: January 5, 1970
Star sign: Capricorn
Birthplace: Wagga Wagga, NSW
Height: 185cm
Weight: 100kg
Eye colour: Green
Nickname: Gaff
Occupation: Marketing Officer
Car: Ford Falcon
Dream car: Porsche 930 Turbo
Favourite team (as a kid): Balmain
Favourite other sport: Tennis
Favourite hangouts: Movies and the beach
Favourite relaxation: Going to movies
Favourite TV show: Home Improvements
Favourite all-time song: We are the Champions – Queen

Best referee: Bill Harrigan
Funniest team-mate (why): Wayne Marshall. Because he can turn an ordinary story into a great one without even realising.

Worst thing about being a Rugby League player: Backing up week after week and playing with niggling injuries.
Superstitions: I always use the same colour tape on my boots.

Worst habit: Changing channels with the remote control while my wife is watching her favourite show.

What was said on your school report? Nigel could be a good student if he spent more time with his head in his books.

Most embarrassing moment: Having to wear a stupid hat on my bucks night.

Your greatest moment: Getting married and playing in the 1990 winning Canberra grand final team.

Describe your favourite football fantasy: Scoring the winning try in a grand final for Eastern Suburbs.

What do you most remember about your first grade debut? That I was finally getting to play with the likes of Ricky Stuart, Laurie Daley, Steve Walters, Mal Meninga and Gary Belcher.

Luckiest break: Getting a start in the 1990 grand final after only four games in first grade.

Biggest regret: Easts missing the five last year after starting the season so strongly.

What will you be doing 10 years from now? Hopefully kicking back and living life to the fullest.

In your next life you would like to come back as: A professional tennis player and see the world

What was the best advice your parents gave you as a boy? You have the ability to do what ever you want.

What was the smartest thing a coach has told you? Take on the game, don't wait for the game to come to you.

Who was your greatest influence and why? My father because he always believed in me.

What is your favourite possession? My 1990 Winfield Cup medallion.

What are you best at (other than Rugby League)? I would have to say tennis but I am no genius.

What do you do the day before a match? We usually train and then it's time to put the feet up and relax on the lounge in front of the TV.

What do you expect to do with life after football? Hopefully own and run a small business with my wife.

What would make it so special to make this year's Kangaroo tour? Just to play for your country, there's not much more special than that.


How difficult will it be to make the tour if Easts remain out of touch with the front-runners? I think it would be fairly difficult but you never know your luck in a big city.

Photo: JOHN ELLIOTT





• Nu Silan Kiwi pilai, Mathew Ridge i sanap toktok long VIP SP Lons long Mosbi bihain tasol long Kiwi i pilaim PNG Kumul long Sande. Piksa long raithat i soim Mathew Ridge i holim stik na sanap bikos em i bin bagarapim lek bilong em long tes mets pilai long Goroka egens Kumul we ol i winim Kumuls. Poto aninit i soim Mathew Ridge i wok long sainim ol autograp long buk bilong ol manmeri. Dispela long putim sain bilong em we ol sapota bilong em i ken lukim na tingim olsem ol i bin bungim man ya pinis.



• Kain strongpela takel bilong Nu Silan Kiwi we i mekim ol i nekim PNG Kumuls wantaim 30-16 long Mosbi.



• Nesenel memba, Ben Okoro i sekim ol PNG Kumul pilala pas-taim long ol i pilal wantaim Nu Silan Kiwi.



• Kumul pilala, Stanley Gene i traim long rausim dispela Kiwi pilala long wanpilala bilong em we Kiwi man ya i takelim em na slip antap long em.

TIMBER-R-R-R-R-R-R-R!

Jack runs into his Field of dreams...



EIGHTEEN minutes into Sunday's match at Brookvale, Manly's Jack Elsegood retrieved a Souths kick and set off on a run which took him across the front of the northern goalposts.

There, Souths' Craig Field, the man who kicked the ball, intercepted him with a high swinging tackle which felled the young winger and left him senseless. Referee Graeme West promptly sent Field off.

Down to 12 men, Souths battled on bravely... but their challenge to Manly finally ran out of gas in the second half. Col White was on the spot for HLW with these dramatic photos of a sensational incident, capturing a crucial full flight as he tried to beat the defence... and then the consequence of his set piece.

The tackle of Jack Elsegood's match. After the game, he was still sick and groggy, and unable to drive his car home.

For referee West, the tackle came in the midst of a nightmare 10 minutes in the match, shortly before he and West had sent banned Souths centre Jarrod Sinclair on a professional foul.

And five minutes after the fourth tackle, West found himself in the hot seat again when Cliff Lyons leapt high to down Souths' second rower Tony Mestrov.

The incident didn't look as bad as the first tackle... but the tackle was high, and West consulted touch judge Col White, who's Manly fans held their collective breath. Finally, Lyons was given some benefit of doubt... and placed on report, rather than dismissed. IAN HEADS

Toovey's hot return

MARK CARROLL shared the fear many Manly fans had that pitching Geoff Toovey straight back into the frontline after a seven-month lay-off was a gamble.

But his concerns were quickly dispelled during the warm-up for Manly's clash with Souths.

"I looked down at his (Toovey's) knee and there was no strapping whatsoever," said Carroll. "It just smacked of confidence to come back from a full reconstruction without anything around his knee."

By **DAVID PAGE**

It was as though Toovey had never been off the scene. He ripped into his work with all his customary zest to delight his army of adoring fans at Brookvale.

Man of the match Carroll spoke in awe of the champion little halfback following his great comeback.

"To make a return like that puts him in the elite athlete class," said Carroll. "Brad Clyde and Ian Roberts are the only two other players who could have made


such an impact following a full knee reconstruction.


"When I signed with Manly I was looking forward to playing with Toovey.

"It was a real thrill against Souths. They singled him out, but finished second best.

"I couldn't get over his defence. He's a real angry ant - it's inspirational having him out there driving blokes twice his size backwards."

Toovey's return is a timely one with Manly facing Canberra, Penrith, Brisbane and Norths over the next month.





• Poto antap i solm Benias Sabumei i givim tropi i go long ol ragbi pilaia bilong Post Puma.
• Kas meri ya i holim bal na redi long tromol sofbal resis long Mosbi.
• Susa ya i holim bat na redi long paitim bal long Mosbi sofbal resis.




• Piksa i solm ol manmeri i mekim bikpela wokabaut long Lae long las wiken insait long Pepsi Fan Ran resis. Dispela pilal tu i kamap long planti hap bilong PNG.



• Wanpela bilong ol lain i wokabaut long Pepsi Fan Ran long Lae las wiken.



• Em strail bilong ol meri long Mosbi Pablik Sevans netbal resis.



• Susa ya i taitim bun na tromol bal i go long beta long las wiken sofbal resis.

FRENCHBAKEHAUS



• CAKES

Weddings & Birthdays
Our speciality

25 1266 Pom
42 5349 Lae

FRENCHBAKEHAUS



• CAKES

Weddings & Birthdays
Our speciality

25 1266 Pom
42 5349 Lae

PROVINSAL

SOKA NIUS

Sobou autim namba wan Lahi primia taitel

YAKAM KELO I raitim

SOBOU i kamap namba wan primia tim bilong Lahi Soka Asosiesen (LSA) long 1994, bihain long em i autim Morobe Yunaited 3-0 las wiken long gren fainel long Lae Spot Stadium.

Dispela em i namba wan taim long dispela yia we Lahi soka gren fainel i kamap namel long Sobou na Morobe Yunaitet bihain long ol i bruk na lusim Lae Futbal Asosiesen (LFA).

Wanpela sinia opisal bilong LSA, Moses Demas, i tok dispela gren fainel i bin kamap gut tru long tupela primia 1 tim ya, na tu long ol arapela divisen.

Sobou wantaim Morobe Yunaited i olpela tim husat i bin pilai bipo long LFA. Na bihain ol i bruk na go kamapim LSA. Olsem na tupela i gat dispela primia ekspirians na strong bilong pilai we tupela i kamapim long gren fainel long las wiken.

Moses i tok dispela em i namba wan gren fainel bilong asosiesen na gutpela pasin bilong lukim pilai na amamas wantaim i bin kamap.



• Salens namel long Sobou na Morobe Yunaitet long Lahi soka gren fainel long Lae las wiken. Sobou i autim primiasip taitel bihain long em i winim Morobe Yunaitet 3-0 long ful taim.

Na dispela i soim olsem Lahi i gat gutpela sapot na amamas i stap long go het na strongim gut soka bilong em long bihain taim.

Moses i tok Sobou i autim tiket bilong Morobe Yunaited 3-0 long wanpela gutpela gem tru, we ol manki Sobou i soim tru soka stail bilong ol long kamapim dispela win.

Ol manki olsem God-

fried, John Laskam, Peter na Harrison i bin pilaim gutpela gem tru long kamapim dispela win.

Morobe Yunaited i no bin strongim gut difens bilong ol long beklain na long midfil. Olsem na i no gat gutpela sapot tumas long fran lain long traime skoarim gol.

Long ol arapela gren fainel bilong Primia 2 divisen, Gaziga i autim

tiket bilong Difens na kamap sempion bilong dispela divisen. Na long Wimens divisen em ol meri Gaziga 'u i autim ol meri Guria long kamap sempion bilong ol meri long dispela yia. Gaziga em tim bilong ol Makam long asples, antap tasol long Nadzap ples balus.

Long Anda 19 gren fainel resis em Asiawe i autim tiket bilong Kurti

Andra 2-0 long ekstra taim, bihain long tupela i bin dro 0-0 long ful taim.

Soka skwat bilong LSA bai lusim Lae na go antap long Madang long Fonde (tude) long pilai insait long PNGFA Kap soka tonamen dispela wiken.

Moses i tok tim bilong Lahi i redi pinis na ol bai go long traime sans bilong ol long dispela tonamen.



• Kas bilong Sobou i traime long tromoi bal i go insait long fil long gren fainel gem egens Morobe Yunaitet long Lahi soka resis las wik.

6-pela soka asosiesen kamap long Mumeng

MUMENG Spot Kaunsil long Morobe provins i amamas long kamapim pinis 6-pela soka asosiesen insait long distrik bilong em long dispela yia.

Mumeng Spot Kaunsil i bin kamap long Ogas long dispela yia. Na i statim pinis wok bilong em long kirapim spot insait long ol liklik ples long Mumeng distrik.

Insait long senis, 6-pela soka asosiesen insait long 6-pela kaunsil eria i kamap pinis. Ol asosiesen ya em Wagau, Mapos, Midel Watut, Midel Mumeng, Samsam na Timini Zenag Soka Asosiesen.

Presiden bilong Mumeng Spot Kaunsil i tok olgeta dispela asosiesen i gat hevi na wok i stap long helpim soka insait long hap bilong ol long pilai i ken kamap gut long olgeta wiken.

Ol i kamapim ol hevi bilong ol pinis long ol opisal bilong spot kaunsil. Tasol presiden i tok nau yet ol bai lukluk long neks yia sapos helpim bilong gamvan i go long ol ples i kam, bai ol i lukluk long ol dispela hevi bilong 6-pela soka asosiesen ya.

Bikos spot kaunsil long Mumeng i stat dispela yia tasol. Na i nogat inap moni long helpim olgeta asosiesen ya

wantaim hevi bilong ol. Tasol olgeta lain ya i ken holim wari bilong ol inap 1995 we sampela gutpela rot na senis i ken kamap, presiden i tok.

Insait long wanpela bikpela miting ol i bin holim long Oktoba 12 long Mumeng stesin, namba tu distrik seketeri bilong Mumeng, Simon Alex tu i stap wantaim ol. Na i askim olgeta yangpela long go bek long wanwan asosiesen bilong ol na strongim spot long ples. Dispela em i wanpela rot bilong painim gutpela sindaun na amamas long ples.

Olgeta opisal bilong spot kaunsil i bin strongim tok long wok bung wantaim, na kirapim spot

insait long Mumeng long neks yia na i go.

Mumeng Spot Kaunsil i bin stat tasol long dispela yia long mun Ogas taim Morobe Provinsal Spot Opis i salim ol wokman bilong em i go long kamapim dispela wok long kirapim spot long dispela hap ples.

Long Septemba, ol yangpela insait long Zenag, Parakris, Yanta, Zenag Fam, Patop na Bupo ples i bung long holim namba wan soka tonamen bilong ol. Dispela tonamen i kamap gut tru long namba wan taim. Na spot kaunsil i pasim tingting long mekim dispela soka tonamen i go moa yet long ol yia bihain.

Ren stapim gren fainel long Enga

GREN fainel resis bilong Enga Soka Asosiesen (ESA) long las wiken i no kamap. Bikos bikpela ren i bin pundaun na stapim pilai.

Bikpela ren i pundaun na stapim gren fainel resis bilong Elcom na Moku long resis bilong primia divisen.

Gren fainel resis bilong ol meri tu i bin bagarap namel long ol meri Teachcom na Moku. Olsem na asosiesen bai traime long holim dispela gren fainel resis bilong ol man na meri gen long dispela wiken.

Tasol gren fainel resis bilong ol junia long anda 19 i bin kamap gut. Bikos ol i statim gem bipo long ren i pundaun.

Ol boi long Wabeg Hai skul i bungim ol pawa manki bilong Elcom Yunaited. Tasol ol manki bilong Wabeg Hai skul i bin gat bikpela sapot tru long las wiken. Bikos ol i gat nem pinis long autim tiket bilong Elcom tripela taim long dispela yia insait long ol wiken soka resis.

Insait long namba wan hap bilong gem, ol pawa manki bilong Elcom i skoarim namba wan gol bilong ol bihain long Rudi Yambu i straikim bal i go long golmak.

Tasol ol skul manki bilong Wabeg i no sruk long dispela, na pilai strong tru inap Alex Kaisum i bekim bek dispela gol bilong Elcom wantaim wanpela gutpela kik em mekim long mak bilong Elcom. Olsem na skoa i

kamap 1-1.

Insait long namba wan hap bilong pilai yet, tupela tim wantaim i kamapim moa stail we ol studen bilong Wabeg i wok long abrusim planti gutpela sans. I no long taim na Elcom i stat long kikim bal i go i kam na salim i go insait long banis bilong Wabeg Hai skul we Kalaip Joseph bilong Elcom i mekim wanpela strongpela kik tru i kam long kona, na bal i go mekim nais long umben bilong ol skul manki.

Dispela i mekim skoa bilong Elcom 2 na Wabeg Hai skul 1.

Long namba tu hap bilong pilai, tupela tim wantaim i sanapim strongpela banis tru long midfil na long beklain. Ol studen bilong Wabeg i kamapim planti gutpela sans. Tasol i ol yet i wok long abrusim na i no putim stret long golmak bilong Elcom.

Olsem na long ful taim, Elcom i stapim olgeta pawa bilong ol skul manki na stapim gem long ful taim we Elcom i autim gren fainel wantaim 2-1 skoa. Na kamap sempion bilong anda 19 divisen long dispela yia.

Presiden bilong Papua Niugini Futbal Asosiesen (PNGFA), Peter Momers wantaim presiden bilong Enga Soka Asosiesen (ESA), Ananias Popo, i bin sindaun tu long lukim dispela gren fainel bilong ol yangpela pilai.

GORDONS TOUCH COMPETITION DRAWS & RESULTS (Wk 4)

06/11/94 C Grade		
Time	Teams	Referee
0800am	Aviation vs B/Dragon	Police
0845	P/Eels vs J/Panthers	Aviation
0930	H/Knights vs Sharks	Jabiru
1015	L/Tigers vs E/Magpies	Knights
B Grade		
1100	Aviation vs B/Dragon	Sharks
1145	P/Eels vs J/Panthers	Magpies
1230pm	H/Knights vs Sharks	B/Saints
0115	L/Tigers vs E/Magpies	Police
A Grade		
0200	Aviation vs B/Dragon	Tigers
0305	P/Eels vs J/Panthers	Saints
0410	H/Knights vs S/Sharks	Jabiru
0525	L/Tigers vs E/Magpies	Sharks

Ol meri PNG lainim moa long Australia na Nu Silan

Wantok i kisim tingting bilong ol meri husat i bin pilai insait long Osenia Wimens soka tonamen egensim Nu Silan na Australia long Oktoba 7-13 long Mosbi. Bikos dispela i bin namba wan taim bilong Papua Niugini long holim dispela pilai long Mosbi. Na tu planti meri i no save pilaim kain strongpela gem olsem bipo. Hia em tingting bilong ol:

• Cathy Davani:

Cathy em wanpela eksperiens meri husat i bin pilai soka longpela taim nau long PNG, na tu long Australia taim em i bin skul long hap. Cathy i bin pilai long Yunivesiti tim long Australia, husat i bung wantaim Australia wimens soka tim na go pilai egensim Nu Silan long 1988.

1994 em namba wan taim bilong Cathy long pilai long PNG tim egensim Nu Silan na Australia. Na hia em tingting bilong em we em i pilim tru long dispela gem.

"Papua Niugini i gat ol meri husat i ken pilai soka wankain olsem ol meri Australia na Nu Silan. Tasol mipela i mas gat gutpela trening program bilong ol meri long stap insait long em. Bikos long tim bilong Australia na Nu Silan, ol meri i bin pilai na stap wantaim long tripela yia olgeta inap ol i kam long PNG na pilaim mipela. Olsem na ol i save long pilai bilong ol narapela na wanem hap ol bai ran i go na kisim bal".

Cathy i tok ol meri PNG i bin kisim trening tupela wik tasol. Na ol i kamapim sampela gutpela senis tru we i no olsem bipo. Ol i lainim long stapim na katim stail bilong Australia na Nu Silan long i noken kamap. "Mipela i lainim long pilai strong moa bikos Australia na Nu Silan i pilai strong tru bihainim kain pilai bilong ol we mipela i no klia long en.

"Mi skelim olsem Australia i gat moa bal kontrol na skills. Na mi yet mi lainim planti samting tru long pilai egensim ol, na save long kain stail bilong ol".

Cathy i laikim Papua Niugini i mas strongim edministresen bilong soka bai i mas wok moa klostu long developmen bilong soka long bihain.

• Ikanau Matagi

Ikanau i bin pilai long PNG tim bilong ol meri long 1989 long namba 3 Osenia tonamen long Brisben, Australia, em i pilai long

Ikanau i tok dispela skwat bilong PNG i gat planti yangpela meri husat i no bin pilaim tru soka wantaim strong bilong ol. Ol i no kalap strong o sanap strong long sakim birua bilong ol husat em ol i salens wantaim. Olsem na ating

olgeta bikpela pilai mipela i save go long en bipo, dispela rul i save wok. Dispela em i wanpela samting Ikanau i no lukim long dispela tonamen. Em i no laik toktok tumas long dispela tasol, bikpela samting em long pisikel fitnes na

rijon. Em i no klia long wanem kain stail bai ol meri Nu Silan na Australia i pilaim. Tasol em i ting long pilaim gem bilong em na wanem samting em ol i lainim wantaim long pilai olsem wanpela tim bilong PNG.

Hia em tingting bilong May long dispela gem egens Nu Silan na Australia:

"Mi ting Australia na Nu Silan bai pilaim bal long graun olgeta taim. Bikos i bikpela kantri husat i pilai soka longpela taim na i gat moa save na eksperiens long mipela. Olsem na mi ting ol bai putim bal long graun na pilai pilai raunim mipela ol meri PNG".

May i tok pilai egensim Australia i hat tru. Bikos mipela i wok long ranim ol planti taim long fil. Tasol egens Nu Silan, mipela i bam wantaim planti taim we i gat planti bodi kontek long gem egens Nu Silan.

"Tasol mi lainim planti samting tru long dispela gem. Bikos mi ken luksave long stail bilong Australia na bilong Nu Silan. Na mi amamas tru long dispela. Bikos dispela i helpim mi nau long trening strong long pilai wankain olsem ol sapos PNGFA i gat gutpela developmen program bilong mipela ol meri".

May i ting olsem ol meri PNG i nogat sapot pilai taim ol i kisim bal. Olsem na ol i save lusim bal planti taim.

• Sandra Pascoe tu em narapela meri husat inap givim sampela gutpela tingting. Bikos em i bin pilai soka long Australia pastaim long em i kam long PNG.

Tasol rot bilong bungim em na toktok wantaim i hat liklik. Sandra em wanpela meri husat i bin pilai long fulbek bilong PNG long dispela taim na gem bilong em i kamap gut tru. **Sandra Pascoe, Nelle Taman** na **Ricky Jonathan** i bin ol dispela lain meri husat i pulim ai bilong Australia kosa olsem ol meri husat i ken pilai long level bilong Wol Kap soka na sapos ol i stap long Australia, ol inap stap long Australia skwat.



• Piksa bilong ol meri Mosbi we planti bilong ol i bin gat sans long pilai insait long Osenia soka resis egensim Nu Silan na Australia long las mun long Mosbi.

Wol Kwalifaing tonamen long 1991. Na long dispela yia em i pilai long Osenia wimens tonamen long Mosbi, we em i pilaim wanpela gem tasol long stat bilong tonamen egens Nu Silan na brukim lek bilong em.

Ikanau i gat gutpela eksperiens tru long soka bilong ol meri long kain intanesenel gem. Olsem na em i givim sampela tingting bilong em long luksave bilong em long soka long 1989 i kam inap 1994 egens Nu Silan na Australia long Mosbi.

"Bel bilong mi i bin kirap tru long dispela gem bilong mipela egens Nu Silan we mipela i lus long ol 2-0. Bikos long bipo, mipela i bin lus long Nu Silan 6-0 long Brisben na 16-0 long Sidni. Dispela em i mak bilong bikpela senis tru long soka bilong ol meri nau long PNG".

dispela i soim olsem ol i yangpela tumas. Na i no save pilai long kain pilai olsem bipo. Olsem na ol i pret liklik long pilai wantaim ol strong ol i gat long en, Ikanau i tok.

Ikanau i tok Australia na Nu Silan i gat planti olpela meri husat i gat pikinini pinis. Tasol ol i fit na strong yet long givim strongpela salens long husat i laik bungim ol.

"Mi amamas tru bikos dispela em i wanpela gutpela skwat tru bilong ol meri long PNG bikos mipela i gat spit bilong pilai na ran wantaim bal na gutpela beklain. Tasol mipela i mas gat strongpela fowat pilaia husat i ken pait i go insait long banis bilong ol birua".

Narapela samting Ikanau i toktok long en em 24 aua malolo pastaim long tim i go insait long pilaim narapela gem. Dispela em

bal skills bilong daunim dispela kain pret na tingting bilong 24 aua malolo.

Ikanau i tok, Posman Kisakui em i wanpela gutpela kosa tru. Bikos long trening bilong em we i mekim ol meri i lainim ol samting insait long sotpela taim tasol. Ikanau i ting trening bilong Posman i gutpela tru. Bikos em save hatim ol meri na givim ol strongpela trening wankain olsem ol man we Ikanau i tok long soka, ol meri i ken kisim hatpela trening olsem bilong ol man. Kosa i noken pret long ol. Bikos ol meri na em bai givim isi trening.

• May Salalau

May em namba wan taim bilong em long makim PNG insait long dispela bikpela soka tonamen bilong ol meri insait long Osenia

Ol bikpela soka senta no sapotim groa bilong soka

KLOSTU krismas nau na planti soka provins i slek pinis long salim ol tim bilong ol i go insait long 1994 PNGFA Kap soka tonamen we bai i kamap long Madang dispela wiken.

Ripot i kam long Papua Niugini Futbal Futbal Asosiesen (PNGFA) long dispela wik long ol tim i nominet long go pilai insait long PNGFA Kap long Madang i no gutpela tumas.

Bikos dispela em i wanpela bikpela tonamen bilong ol man insait long olgeta yia. Na wanwan asosiesen i mas redi long salim skwat bilong ol i go long dispela tonamen.

Dispela i soim olsem ol eksekutiv bilong wanwan asosiesen i no mekim las minit wok bilong ol, we i gat wok i stap yet long ol i mekim. Tasol ol i slek long mekim.

Ol bikpela senta i no soim soka long arapela


I no gutpela tumas long stori bilong soka we ol bikpela soka

senta husat i save gat ol pilaia i makim PNG long pilai insait long ol intanesenel tonamen i no kamap long liklik nesene tonamen bilong yumi yet insait long kantri. Bikos ol dispela intanesenel pilaia i save stap insait long ol bikpela soka provins olsem Lae na Mosbi, ol i mas go long dispela tonamen.

Dispela em rot bilong lainim ol arapela na kirapim tingting bilong husat arapela i wok long lainim soka bai kamap gutpela pilaia tu long bihain. Ekspiriens na stail bilong husat arapela i save gat sans long makim PNG i mas go tu long ol arapela i wok long kam antap.

Na dispela em i rot tru bilong lainim ol arapela long kamap gutpela soka pilaia long bihain, na makim kantri i go pilai long ol arapela kantri olsem long Saut Pasifik Gems.

Ol pilaia long Lae na Mosbi i mas save olsem ol liklik soka senta olsem Hagen, Kimbe,



Mendi na Madang i gat ol pilaia husat i redim em yet gut tru long i laik pilai egensim ol kain pilaia olsem Steven Mune, Desmond Waku, Simon Emmanuel, Adam Lema na planti arapela long Mosbi. Long Lae em ol kain pilaia olsem Kule Matu, Gidix Nasa, Beto Voivoi na planti arapela bilong Lae.

Dispela inap kirapim soka

Sampela liklik provins i save kilim skin tru long pilai soka. Tasol ol i save nogat sans long soim ol yet. Long dispela as, ol i no save stap insait long PNG tim long go pilai long ol arapela

kantri olsem long SP Gems o Melanesian Kap.

Wanpela gutpela sans bilong ol pilaia long ol liklik provins olsem i soim ol yet aut em long bung na pilai insait long kain bikpela tonamen olsem we ol eksperiens na nesenei pilaia tu i ken kam na bung.

Na sapos ol bikpela senta i no kam, ol liklik senta i no inap lainim wanpela samting. Bikos ol bai pilai yet dispela wankain stail ol i gat long en. Na tu ol bai nogat tingting bilong pilai long resis wantaim ol arapela long winim nem insait long PNG tim.

Ol nesenei pilaia tu i mas pilai long soim olsem ol i fit yet long stap insait long PNG tim long neks yia o yia bihain. Olgeta lain i mas pilai long soim gem bilong ol we ol soka opisal i ken glasim gut pilai bilong ol. Na tu ol yangpela blut husat i wok hat long kamap tu long dispela mak.

Salens long ol asosiesen

Mi laik givim dispela salens i go long olgeta soka asosiesen olsem ol kain as bilong ol toktok we yupela i save tok i nogat mani bilong salim tim o mipela i no redi long go long dispela tonamen i no gutpela tumas. Bikos asua bilong ol dispela bekim i stap long menesmen bilong asosiesen yet.

Long olgeta yia, olgeta soka asosiesen insait long PNG i save kisim kalenda bilong nesenei bodi (PNGFA). Olsem na olgeta asosiesen i save long wanem program na ol bikpela tonamen o bung samting bai kamap insait long dispela yia. Gutpela menesmen i save mekim olgeta wok bilong em wantaim gutpela plen bihainim kalenda bilong PNGFA, na tu bilong asosiesen bilong em yet.

Sapos yu mekim wok bihainim klia tingting, ating bai yu no inap long popaia long taim bilong salim tim i go long narapela provins long bikpela pilai olsem.

Ol boi Mt Hagen gat bikpela sans

YAKAM KELO i raitim

HAGEN Soka Asosiesen (HSA) bai autim stail bilong em long dispela wiken long 1994 PNGFA Kap soka tonamen long Madang.

Hagen i redim pinis 22 soka pilaia tim bilong em long go insait long dispela bikpela soka resis. Na Hagen i gat bikpela sans long soim tru olgeta stail bilong em. Bikos ripot i soim olsem ol arapela bikpela senta olsem Mosbi, Lae na Goroka i no inap kamap long dispela pilai.

Presiden bilong HSA, Channel Kakehe, husat tu em las wik bilong em long Hagen i tok ol boi bilong em i redi long dispela tonamen.

Channel i tok ol i wok long pilai soka i kam inap las wiken we ol i pinisim olgeta resis bilong dispela yia. Na dispela i mekim ol boi bilong em i fit na i stap redi

long dispela wiken.

Channel i no redim nem bilong ol pilaia long givim long Wantok. Tasol em i tok dispela em i wanpela gutpela tim bilong Hagen. Olgeta pilaia gat gutpela stail bilong pilai. Na ol tu bai traim long givim hat taim long ol arapela soka senta husat bai kamap.

Las wiken soka ripot

Long las wiken, HSA i pinisim olgeta soka resis bilong ol wantaim bikpela gren fainal bilong olgeta divisen.

Long primia divisen; Pascol i autim tiket bilong Blu Kumuls 2-1 long ful taim.

Dispela i bin wanpela strongpela gem tru namel long tupela tim ya. Bikos tupela tim wantaim i gut ol gutpela na ekspirians pilaia, husat i save kamapim ol gutpela pilai long wiken resis.

Channel i tok tupela tim wantaim i kamapim wankain strong tru long dispela gem na taim Pascol i go skoa, Blu Kumuls tu

i no westim taim na i go bek bekim dispela gol. Tasol liklik asua tasol long we Blu Kumuls i no was gut long ol fowat pilaia bilong Pascol, na ol i go insait na skoa, we i mekim skoa i go 2-1 na Pascol i win long ful taim.

Long gren fainal resis bilong ol meri; Kalibobo i autim tiket bilong Pascol long 6-2 skoa insait long penelti kik. Tupela tim wantaim i mekimsave long traim mak bilong narapela i go tasol long ful taim, tupela i dro 1-1. Olsem tupela i go gen long ekstra taim na long penelti kik.

Long divisen bilong primia risev; Sunam i autim tiket bilong Pascol 2-1 long fultaim na kamap sempion bilong dispela divisen.

Sunam tu i autim tiket bilong Blu Kumuls 2-1 long ful taim gem bilong Anda 19 resis long wanpela strongpela gren fainal tru. Tasol stail bilong ol manki Manus i moa gutpela. Olsem na ol i autim tiket bilong Blu Kumuls.



• Trik bilong susa ya i moa yet. Dispela em long las wiken soka resis bilong EPC soka tonamen long Mosbi.

PORT MORESBY WOMENS SOFTBALL ASSOCIATION INC.
1994/95 SEASON DRAW - ROUND ONE

Week 2 - 05/11/94

Time	Teams	Vs	Teams	Grade
0900	Dolphins II	vs	Lotto Stars III	C
1030	Norths I	vs	Globe Malangan II	AR
1200	Lotto Stars	vs	Fujitsu I	A
1330	Globe Malangan Ivs		Yokomo I	A
1500	Shell Wantoks Ivs		R/Q Royals I	A
1630	Fairdeal Gazelle Ivs		Isuzu Karanas I	A
Diamond Two				
1030	PomTech I	vs	UPNG II	C
1200	Admiralty I	vs	Shell Wantoks II	B
1330	Isuzu Karanas II vs		Norths II	C
1500	PNGBC I	vs	Chebu Exodus I	B
1630	Lotto Stars Ivs		Yokomo II	B
Diamond Three				
0900	Admiralty II	vs	Garamut Country II	C
1030	Chebu Exodus I vs		Tarangau I	AR
1200	Mazda Carps II vs		R/Q Royals II	AR
1330	Dolphins I	vs	Fairdeal Gazelle II	B
1500	Garamut Country I vs		Fujitsu II	AR
1630	UPNG I	vs	Eicom I	AR
Bye: 'A' Mazda Carps I 'C' PNGBC II				



• Fulbek i hariap long rausim bal long gol mak bilong em bikos planti birua i kamap raunim em pinis. Dispela em kain strongpela soka gem bilong ol meri Samarai insait long EPC soka tonamen long Mosbi long las wiken. Dispela em soka resis bilong ol manmeri long Milen Be provins we i save kamap long olgeta yia long Mosbi we i save bungim ol Milen Be komyuniti wantaim long pilai soka na amamas.

Kimbe redi long mekim Madang taun kirap nogut

KIMBE i salim 22 man i go pinis long Madang long las wik Fraide long pilai insait long PNGFA Kap soka tonamen dispela wiken long Madang.

Presiden bilong Kimbe Soka Asosiesen (KSA), Augustine Moa i tok Kimbe i redim tim bilong em longpela taim i kam. Na em i no inap long wet moa. Olsem na ol boi bilong em i go pinis long las wik Fraide.

Augustine i tok em i salim 22 pilaia bilong em i go pinis long stap wanpela wik pas long Madang, bai ol i ken holim wan-

pela wik trening long hap. Dispela tu i ken mekim ol pilaia i save long kain hot bilong san na graun bilong Madang, we i ken mekim isi long ol long taim tonamen i stat.

Augustine i tok Kimbe skwat em i wanpela gutpela skwat. Na ol bai pilai strong long winim dispela PNGFA Kap taitel i go long Kimbe.

Bikos Kimbe em wanpela tim tasol insait long Nugini Ailan rijon husat i go long dispela pilai, em bai pilai strong tru long kamapim gutpela stori bilong Nugini Ailan

rijon long dispela soka resis.

Augustine i tok em i save olsem ol arapela bikpela soka provins olsem Lae, Mosbi na Goroka i no inap kamap long dispela pilai. Olsem na dispela i givim bikpela sans long Kimbe i pilai strong na autim tiket bilong Madang, Hagen na Lahi.

Augustine i tok em i no laik tokaut long wanem kain pilaia ol i gat, na wanem kain stail bilong soka em Kimbe skwat i gat long pilai. Tasol ol bai pilai tasol long mekim Madang taun i kirap nogut long kain stail kik bilong ol Kimbe.

Em i tok dispela 22 pilaia em i wanpela gutpela skwat we ol i bin makim long go insait long dispela nesenel tonamen.


Plantia pilaia bilong ol i nupela long kain bikpela nesenel tonamen olsem tasol sampela pilaia bilong ol husat i stap long Saut Kos soka klap long Kimbe i gat sampela ekspirians long nesenel tonamen. Bikos ol i bin kamap long klap sempionsip las yia long Mosbi.

Olsem na Kimbe i gat ol nupela pilaia husat i ken mekim ol ara-

pela senta i kirap nogut. Na ol dispela pilaia husat i smelim pinis kain nesenel tonamen olsem bai sanap strong long banisim mak, na givim bikpela salens long ol ekspirians pilaia bilong arapela senta.

Kimbe em i wanpela soka provins we i no save kamap tumas long pilai soka insait long ol bikpela nesenel tonamen bipo. Olsem na stail bilong ol i hait liklik we yumi i no inap klia long wanem kain stail bai ol i soim dispela wiken.

WANTOK SPOTS



Ol kosa bai makim ol pilaia long 1995 SP Gems

PNGFA Kap soka tonamen long Madang dispela wiken bai glasim ol pilaia long makim bilong neks yia Saut Pasifik Gems long Tahiti na tu long ol arapela bikpela tonamen long bihain taim.

Tonamen dairekta bilong Papua Niugini Futbol Asosiesen (PNGFA), Idris Kumbrawah, i tok em yet wantaim nesanel hetkosa, Posman Kisakui, bai stap long Madang long dispela pilai, wantaim ol arapela opisal na lukluk long ol pilaia.

Idris i tok ol bai lukluk long kisim sampela moa pilaia long bungim wantaim Anda 23 skwat husat i bin go pilai long Tahiti long 1993 wantaim kosa Joe Turia. Dispela skwat i stap pinis. Tasol ol i mas lukluk long kisim sampela moa pilaia.

Narapela tu em ol opisal bai lukluk long kisim tripela pilaia samting long Anda 20 tim bilong Ludwig Peka, husat i bin go pilai long Fiji long dispela yia. Dispela em long kamapim skwat bilong neks yia long ol bikpela soka tonamen long PNG yet o long go pilai long ol arapela kantri tu.

Idris i tok wok bilong painim pilaia bai stap yet long dispela wiken, na tu long ol arapela bikpela tonamen bilong PNGFA we bai kamap bihain.

Seketeri bilong PNGFA, Don Sigamata, i strongim dispela toktok tu olsem PNGFA i mas redim skwat nau, bai ol i ken kamapim gutpela pien na progrem bilong bihainim na redim tim long bungim ol bikpela pilai bihain.

Don i tok dispela tonamen bilong PNGFA Kap em pilai we ol skwat bilong wanwan soka provins bai kamap. Na dispela bai givim sans long planti pilaia bilong wanwan senta long soim pilai bilong ol long dispela taim.

Don i tok tu olsem dispela em tonamen we ol skwat insait long wanwan asosiesen bai kamap we ol yet i makim ol bihainim pilai na stail bilong ol.

Ol tim bai slip long ol ples

OLGETA tim husat bai go pilai long PNGFA Kap soka tonamen long Madang long dispela wiken bai slip wantaim ol lain asples long Madang.

Seketeri bilong Madang Soka Asosiesen (MSA), Danny Gabong, i tokaut long dispela olsem olgeta tim long wanwan soka provins bai no inap slip long taun. Tasol ol bai slip wantaim ol asples lain na go pilai long taun.

Danny i bin tokaut olsem dispela em nupela rot ol i bin laik mekim na ting dispela i gutpela. Bikos em inap sevim mani bilong ol tim long yusim long ol arapela samting ol i sot long en.

Danny i tok MSA i bin toktok pinis wantaim ol asples lida

bilong Yabob, Siar, Kranget, Bilia, Baitabag na Rivo long dispela tingting. Na ol lida long ples i amamas.

Olsem na dispela i min olsem sampela tim husat i go slip long ailan bai kisim kanu i go long Madang taun long pilai na go bek long apinun. Arapela tim husat i go long ol meinlen ples bai kalap long PMV na go pilai, na go bek long PMV long ples.

PNGFA i bin tokaut pinis long 6-pela tim tasol bai pilai long dispela tonamen. Olsem na dispela i givim gutpela sans tru bilong Madang long pilai strong na autim dispela taitel.

Presiden bilong MSA, Peter Angasa i bin tokaut pinis olsem ol i gat dispela lain husat i bin

pilai long 1990 long Mosbi na winim dispela PNGFA Kap taitel.

Angasa i tok planti bilong ol dispela pilaia i stap gen long dispela skwat. Na ol bai makim long winim dispela kap. Bikos pilai bai i stap long graun bilong ol, na ol bai pilai wantaim strong na sapot tu long saillain.

Skwat ya em; Nandang Dagg, Watson Gabana, Alfred Gabong, Shong Gabong, Michael Steven, Andy Yeni, Amos Romo, Robert Bonjy, Ernest Hago, John Panu, Chris Kuli, James Kuri, James Makili, Daniel Dou, Dickson Laviong, Tirimo Topio, Ondo Bart, Fred Tonten, Brenden Isaac, Albert Malagian na Kubulan Siming.



Kas bilong ol boi Kurti Andra. Ol boi Kurti Andra divisien 3 bilong Mosbi soka resis i soim tropi ol i winim. Dispela em bihain long ol i winim maina primia tim, Bilawawa long penelti kik. Photo: Michael Sogoromo.

INSIDE



Spot poto long pes 32

Printed and published by Anna Bernadette Solomon, of Bittern Place, Gordons, at Allotment 2, Section 209, Hohola.

6-pela senta tasol bai soim long PNGFA Kap

YAKAM KELO i raitim

PAPUA Niugini Futbol Asosiesen (PNGFA) bai go het wantaim 1994 PNGFA Kap soka tonamen long Madang dispela wiken wantaim 6-pela tim tasol.

Seketeri bilong PNGFA, Don Sigamata, i tokaut olsem opis bilong PNGFA i wok long traim toktok wantaim olgeta soka provins husat i bin afiliat o member long nesanel bodi long dispela yia long kamap long dispela tonamen long

Madang. Tasol i nogat gutpela bekim i kam long planti soka provins.

Ol soka senta husat i bin givim laik pinis long kamap long dispela tonamen em Mendi, Hagen, Lahi, Madang, Goroka na Kimbe.

Ol dispela 6-pela senta i bin baim pinis K200 nominesen fi bilong o. I Na i redi tru long mekimsave long dispela wiken long Madang.

Don i tok em i bin traim long toktok wantaim ol lain bilong Lae, Mosbi na Popondeta. Tasol em i no kisim

wanpela gutpela bekim i kam long ol long kamap bilong ol long dispela tonamen.

Don i tok Popondeta i bin pasim tok pinis long stat bilong dispela yia olsem ol bai redi gut tru long kamap long dispela PNGFA Kap tonamen long Madang. Tasol long nau yet, i nogat gutpela bekim i kam long ol we Popondeta bai salim tim i go long Madang o no gat.

Long Lae na Mosbi, nogat man i givim wanpela tok stret long PNGFA seketeri. Olsem na kamap

bilong ol long dispela tonamen i no klia tumas.

Manus i bin bekim askim bilong PNGFA olsem em i no inap kamap long PNGFA Kap resis. Tasol em bai salim wanpela tim bilong em i go long Lae long Nesanel Klap sempionsip long pinis bilong mun Novemba.

Klap sempionsip bai kamap long Lae we Lahi Soka Asosiesen (LSA) bai lukautim long pinis bilong mun Novemba.

Tasol ripot i kam long PNGFA opis

i tok dispela tonamen bilong PNGFA Kap bai go het. Na 6-pela senta ya bai pilai long Raun Robin sistem we foapela top tim bai bung long nokaut, na painim tupela top tim inap kamap long gren fainel.

Pastaim PNGFA i lukluk long 10 o 12-pela tim inap long kamap long dispela tonamen. Tasol planti arapela soka senta i no soim laik long kamap. Olsem na PNGFA i no laik bagarapim dispela tonamen. Tasol long larim pilai ya i go het wantaim 5-pela provins tasol.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.